


BEATI
NICOLAI
DE RVPE
SEV DE FLVE.

Anachoretæ ,
SVBSILVANI
IN HELVETIA
VITA

Secunda Editio.



BEAT

NICOLA

DE RAVENNA
SEV DE

Abbot

STABILV

IN HET

VIT


BEATI
NICOLAI
DERVPE
Anachoretæ Subfiluani
IN HELVETIA

VITA
AC RES GESTAE
breui commentario com-
prehensæ.

A PETRO HVGONE
Societatis Iesu Sacerdote.

Ad Eminentissimum, & Reueren-
dissimum Dominum.

CARDINALEM
ALTERIVM



Romæ, Typis Tinaffij MDCLXXI.

SVPERIORVM PERMISSV.

Ad usum Sr. Petri Pauli Quaglini.

1841
NICOLA

D. N. R. V. 8
Am. Soc. for Zephania
H. HELVETIA

1841
M. C. F. S. C. S. A. S.
M. C. F. S. C. S. A. S.



1841
M. C. F. S. C. S. A. S.
M. C. F. S. C. S. A. S.

CARDINALIS
ALTERUM

1841
M. C. F. S. C. S. A. S.
M. C. F. S. C. S. A. S.

EMINENTISSIME
PRINCEPS



ELVETI Catholici
sicut semper in or-
thodoxa fide con-
stantissimi, Sanctæque Sedi
Apostolicæ obsequentissimi
fuere: Ita DEVS Opt. Max.
vt certum, & indubitatum
veræ, quam profitentur, Re-
ligionis testimonium daret,
eos tanto viro condecorare
dignatus fuit, qui mundo fu-
turus esset prodigium Natu-
ræ simul, & gratiæ; Hic autē
est Beatus Nicolaus de Flue,
qui tam in cælibatu, quàm in
coniugio vsque ad annum
ætatis suæ quinquagesimum

vitam duxit heroicis, christianisque virtutibus plenissimam in utroque semper sibi similem; in reliquo vero vitæ suæ cursu usque ad septuagesimum, quo ad Cælum felici, gloriosoque exitu migravit, abductus in solitudinem assiduæ contemplationibus se totum dedit, obstupescēte Natura potuisse eum sine cibo ullo, potuque vivere, suauissimo duntaxat Sacra & Synaxeos conuiuio pastum. Quare vix ex humanis ab eūtem omnes quotquot eum vel præsentem nouerant, vel famam Nominis eius inaudierant, statim eo cultu, qui Cælesti felicitate fruētibusb

bus, & apud DEVM pro ne-
cessitatibus hominum inter-
cedentibus debetur, prosequi
cæperunt; Increuitquè adeò
vt validis plurimorum preci-
bus sollicitatus Clemens No-
nus Pontifex Max. Missæ fa-
crificium die illi sacro con-
cedendum censuerit. Vnde
ego tanta beneficij amplitu-
dine, plurimorumque depre-
cationibus, eorū potissimūm,
quibus admiranda prorsus
eiusdem gesta vix innotue-
rant, compulsus, eius vitam
iam dudum à P. Hugone So-
ciet. Iesu descriptam, denuò
ad multorum notitiam præ-
lo subigendam duxerim; Et
quia certus sum prodeuntem
in lu-

in lucem sub gloriosissimo
E. V. nomine magis suscita-
turam fideles ad Beati cul-
tum, quem mihi præcipuè
proposui in huius editione li-
belli propagandum, illam au-
sim E. V. patrocinio insigni-
re, obnixè flagitans, vt ex
hoc tenui obsequio dignetur
agnoscere innumera planè de-
bita, quibus E. V. obstringor,
tùm ob continuatum munus
Capitanei Excubiarum no-
stratum Sanctissimo Domi-
no Nostro inseruientium,
tùm ob innumera alia bene-
ficiorum genera in me beni-
gnissimè collata.

Quare à Diuina Maiestate
assiduè precibus exposcere
nun-

nunquam defino, vt longam
fæliciffimorum annorum fe-
riem magnis debitâ in Chri-
ftianam Rempubicam me-
ritis largiri velit Nofro, &
omnium bono.

Eminentie Veftræ


*Humillimus, & obfequentiffi-
mus Seruus*

Ludouicus Pfijffer ab Al-
tishoffen.

Iterum Imprimatur ;

Si videbitur Reuerendiss. P. Mag.
Sac. Pal. Apost.

*I. de Angelis Archiep. Vrbini.
Vicesg.*



Iterum Imprimatur .

Fr. Hiacintus Libellus Sacri Pala-
tij Apostolici Magister .



Bⁿ. NICOLAI DE FLVE

Anachoretæ Subsiluanî in
Heluetia

VERA EFFIGIES .

Obijt anno 1487 ætatis 70 .



PARS PRIMA

Vitæ , ac rerum gestarum Nico-
lai de Rupe Eremitæ Sub-
siluani in Heluetia .

C A P V T I.

*Nicolai tempus , & solum nata-
litium .*



ATVS est Nicolaus de
Rupe Eremita Helue-
tius sæculo post Christum
natum decimo quarto,
eodem nimirum , quo Concilio
generali ab Ecclesiâ Catholica,
coacto summi totius Orbis cùm
sacri tum profani Proceres Con-
stantiam ad lacum Acronianum,
conuenerunt, totoque quadrien-
nio de rebus grauissimis decreue-
runt ; & quidem eodẽ ipso eiuf-
dem æui anno , qui fuit septimus
supra decimum , Nicolaus noster
21. Martij die hanc lucem primũ

A

aspe-

aspexit, cum Respublica Christiana
na ijsdem comitijs ad auitæ vnio-
nis lucem, legitimamque vnus su-
premi Capitis electionem redijt .
Vnde hic ipse Nicolaus, cùm na-
sceretur, pacem, ac vnionem Chri-
stianæ Reipublicæ attulisse, aut
impetrâsse non vanâ, nec infirmâ
coniecturâ censerî potest, cùm ve-
rissimile sit, non placuisse D E O ,
vt in corpore, ac caulâ Ecclesiæ
Catholicæ tam pretiosum mem-
brum, tamque insignis ouicula sub
dubio capite, seû pastore viueret,
ac pasceretur, cùm iam inde ab
ipsa eius infantia, ac pueritia Deus
ipsi tam insignia futuræ sanctitatis
præfagia concesserit, cùmq; tam
sanctus deinde in matrimonio ma-
ritus, in bello miles tam innocens,
in eremo tam mirus Dei alumnus,
absentium, ac futurorum progno-
stes tam certus, tantum totius Or-
bis miraculum, ac denique in vita

& post mortem tantus prodigiorum thaumaturgus fuerit, id quod te, Lector, libellus hic in progressu ordine docebit.

Natus est autem Nicolaus in Heluetiâ, quæ natio iam olim, & nunc usque ad hæc tempora cum animi, corporisue robore, ac belli & armorum gloriâ, tum vel maximè veræ religionis, pietatis, ac virtutis studio percelebris est, nec improbabiliter de eo gloriari potest, quòd catholicæ religionis iam tum, cum prima ipsius fama, per Orbem terrarum diffundi cœpta est, ipsa etiam primam eius culturam receperit, subindeque perpetuò sanctissimos eiusce cultores plurimos numerauerit, qui posteris honori, & exemplo essent futuri. Tradunt nonnulli, nescio an verisimiliter, ipsum Apostolorum Principem, cum castra Claudij Imperatoris anno Christi qua-

dragesimo quarto in Angliam comitatus sequeretur, atque multas ex itinere nationes diuinâ primus doctrinâ impertiretur, etiam in Helueticum solum primos diuini seminis iactus fecisse. Illud certè compertissimum habetur, eundem Apostolici Collegij Primatem, cum Italiæ, Galliæ, Hispaniæ, Africæ, Siciliæ, cæterarumque vicinarum Insularum vrbibus sacros Antistites, & Apostolos mitteret, Heluetiorum quoque nationi S. Beatum ex Angliâ nobili, atque opulenta stirpe oriundum, atque in rebus sacris D. Barnabæ discipulum, destinasse; eique socium Achatem, seu Achatium virum æque sanctum adiunxisse.

In ijs igitur alpibus Heluetiæ ortus NICOLAUS, quæ Italiam à Germanis, Gallisue longissimo tractu diuidunt, quarum summa iuga, interiectasque, ac vicinas valles

les magna ex parte ij Heluetiorum populi multis iam seculis incolunt, quorum olim maiores è Tauriscis, Cimbrisque colonias deduxère, eoque se tandem deposuère. Hi trifariam diuisi, triumque Pagorum, Ciuitatum, vel potius Rerumpublicarũ nomen adepti, Vranij, Suitenses, & Subsiluanj dicuntur; fueruntque primi, qui circa annum octauum supra millesimum trecentesium, inito foedere libertate Helueticã, maximorum Imperatorum nutu, ac priuilegijs confirmatã, frui ceperunt. Quam deinde varijs, grauissimisque bellis laceßiti fortiter defenderunt. Quin etiam pro libertate Ecclesiastica requisiti, vi & armis egregiè decertarunt; quod præcipue factum anno salutis partæ 1329. Foederis initi vigesimo primo, quo Saraceni capitales Christiani nominis hostes regno

Siciliæ potiti, Italiæ sese pleno agmine ac furore infuderant, ipsique eius Metropoli Romanę Vrbi ingentem cladem intulerant, ac denique ipsa etiam religionis nostrę ibidem sacerrima limina, impiâ rapinâ, incendioq; violârunt. Tum enim Vranienſes noſtri, Suiſes, ac Subſilvani precibus Gregorij eius nominis Quarti Summi Pontificis ad arma vocati, Duce, & Ductore Guidone Cifalpinę Gallię Marchione pię matris Eccleſię Romanę cladibus opem la- turi, elatis, paſſiſque ſignis in Itali- am aduerſus hoſtes magnis iti- neribus proſecti ſunt, hoſtiumque extrema agmina conſecuti, ingen- ti, ac profuſâ eos cæde contriue- runt, vrbibus munitiſſimis recep- tis expulerunt, omnique, ac præ- fertim Romanâ prædâ extortâ, to- tâ Italiâ eiecerunt, quam eandem ſacram prædam, ne eâ manus ſuas,
ani-

animosque contemerarent, Romanam relatum pristino rursus Dei cultui consecrarunt, itaque ad Alpes suas gloriosi victores reuiserunt. Quæ res eisdem non tantum toti Orbi inclytos, ac formidabiles, sed etiam summis eius Magistratibus sacris, ac profanis cum primis commendabiles fecit. Summus certè Pontifex gratitudinis titulo deinceps eos *Protectores ac defensores Ecclesie Romanae* scripsit, ac nominari voluit. Qui deinde titulus sub annum 1412. Iulij II. Pont. Max. autoritate, ad reliquos etiam Helueticorum confæderatos Cantones propagatus est. Ludouicus item Pius, qui tum imperio præerat, ipsos, ob res per Italiam feliciter gestas, non solum suis legibus deinceps, institutis, ac magistratibus uti, ac vivere permisit, alijsque eos priuilegijs, & immunitatibus exorna-

uit, verum etiam ijs, quibus adhuc in bello vtuntur, insignibus ac vexillis liberaliter donauit. Tales nimirum fructus iam olim tulerunt Alpes, quæ postea Nicolaum nostrum nascentem suo gremio exceperunt. Subsiluanis vallibus fors tam felix à Deo obtigit, vt tanti viri patria Subsiluania esset.

Comprehenditur autem hac, à siluarum multitudine deductâ nomenclaturâ, ea pars Alpium Helueticarum, quæ est australior, atque ab ortu quidem Vraniensium, ac Suitensium, ab austro Bernensium, ab occasu verò, & Aquilone Lucernensium finibus amplisque ditionibus clauditur. Valles continet feraces, & pascuis pingues. Carnasilua totam ditionem diuidit in duas siluanias, superiorem scilicet, & inferiorem, quarum vtraque amœnis, ac copiosis oppidis, pagis, villis

villis , incolisq; abundat . Ferunt
olim diuersis temporibus , pluri-
mos ciues Romanos, quos Roma-
norum Imperatorum furor , ac ty-
rannis in subditos , maximè Chri-
sto fideles, vrbe proscriptos aut fu-
gatos exegerat, his locis confedis-
se . Illud etiam pro comperto ha-
bent incolæ , S. Beatum Heluetiæ
Apostolum, à D. Petro, vt dixi, ad
has oras missum, operam suam his
maxime terris, aut certe vicinis im-
pendisse, dracones ex altis vicina-
rum rupium spelæis virtute diuina
eliminasse, eademq; solitaria vitæ
amore ingressum, pro stabili sede
delegisse, atque ad nonagesimum
vsq; ætatis suæ annum coluisse, ac
demum indidem beatam animam
cœlo per cœlestium Geniorum
manus , qui ei morienti humana
specie attiterant, transmississe . At-
que adeò Subsiluani Romanam
religionem à suis met maioribus,

Româ eiusdem fidei causâ exulibus, aut supremâ Diui Petri authoritate missis, eoque delatis Apostolis, suxerunt, adeoque imbibuerunt, vt in eâ constantes omnes etiam hodie vitam catholice degant. Natus est igitur Nicolaus noster inter Subsiluanos superiores non procul pago, qui Saxula, vocatur in villâ Saxulensi Curioni, & Constantiensi Antistiti subiectâ, quem locum Siluarum densitate obscurum, ac incelebrem, & viuus olim, & nunc etiam miraculis plurimis post fata celebrem, atque illustrem fecit.

CAPVT II.

Nicolai familia, & parentes.

Quod si etiam stemmata, quid faciunt, & si quid prodelt

longo

--- longo

*Sanguine censeris, pictosque ostendere
vultus Maiorum ,*

Familia certè nostri Nicolai perantiqua fuit, & illustris, si non sanguine saltem virtute. Maiores eius de Ponte Leoninò quondam, seu Leopontini ac Leopontij dicti sunt, ideo fortasse quia ex veterum Leopontiorum gente, quam citra Rheni, Rhodanique fontes sedes fixisse quondam, atque inter primos Helvetiæ populos fuisse memoriæ proditum est, originem suam traxerunt. Tandem vetustate abolito hoc nomine, eadem rupes eis cognomen, quæ & sedem, & eorum pecoribus pascua dedit, ita ut in hanc usque diem

A R V P E illa cognominentur. Fuerunt autem inter suos Subsiluanos ab annis plus quadrigentis tantæ existimationis, ut magistratus sæpe etiam supremos, inter

eos gererent. Prudentia eos magis virtus, ac rerum gerendarum, experientia apud suos commendabiles fecit, quàm scientiarum, aut diuitiarum abundantia. Sors illis veterum Patriarcharum obtigit, qui inter greges, & armenta principatum gerere consueverunt, caulis potius quam aulis adfueti, gregumque simul, ac populorum pastores. Quis nescit è saceris paginis, magnum illum principem, ac gentis suæ caput Abrahamum, eiusque exemplo filios ac nepotes in pascuis didicisse, quod in Curia aut comitijs dicerent? An non etiam Moyse portentosus ille ingentis populi dux pastor fuit? an non inclitus ille, ac Sanctissimus Rex David pedum pastoritium cum sceptro, ac corona permutauit? Hęc olim consuetudo fuit, etiam ipsi superbæ quondam Romæ non prorsus ig-

nota, nam per Romanum Senatum
Quintius Cincinnatus à stiuā ad
dictaturam euocatus, eoque magi-
stratu annis non paucis feliciter
utiliterque exacto, ad eandem re-
dire permissus est. Sic & nostri Ni-
colai Maiores & domi inter boues
ouesque rustici, & in foro iudices
prætores, ac consules fuerunt. Et
addidit D E V S ijs etiam eam gra-
tiam, vt non tantum in externa vi-
uendi ac Rempub: gubernandi ra-
tione, verum etiam in virtute, pie-
tate, cæterisque animi dotibus an-
tiquorum patrum sectatores essent
eadem, quæ illis olim fides, eadem
pietas, idem iuris & æqui amor ip-
sis summe cordi erat, victu parco
& frugali vitam trahebant, neces-
sitati tantum, non affluentia quæ-
stum facere, neminem lædere, ob-
sequi, ac benefacere omnibus as-
sueuerant; Pietatis opera in D E V M
maximè, Deique; vicarios paupe-
res

res solerter exercebant; in preces
profusi sacrorum Ecclesiæ rituum
& auitæ religionis retinentissimi
adoratores. Digni denique, quo-
rum nomen etiam posteris per tã-
tum suæ profapiæ nepotem longè
lateque inclaresceret. Pater eius
erat Henricus a Rupe, & Mater
Hemmana seu Hemma Roberta,
ab auita virtute vterque nihil pror-
sus degenerere; anni supra dicti die
ante calendas Aprilis duodecimo,
qui sancto Benedicto sacer esse
solet, benedictum hunc suum
filium primò aspexerunt,
cumque DEO omnium
donorum foecundo
fonti, gratijs actis,
oculis, mani-
busque
in coelum sublatis, veluti
primitias coniugij sui
casti, dedica-
runt.

CAPVT III.

*Prognostica sanctitatis eius
ante natiuitatem .*

SUNT, qui in dubium vocare
velint ea, quæ hoc capite as-
serturus sum, vt ego quidem exi-
stimo, nulla alia re nisi incredibili-
tate portenti, & exempli raritate
adeò perculsi, vt rei cæteroquin
non paucis argumentis testatæ dif-
fidant. Equidem, vt dicam, quod
sentio, nec hos arguere, sed neque
etiam eos mendacij damnare ve-
lim, qui ea quæ sequuntur ex ore
ipsiusmet viri beati excepta, poste-
ris siue voce viua, siue etiam scrip-
to testata consignarunt. Et sunt ea
certe huiusmodi, quibus ipsa inse-
quens Nicolai portentosa vita tan-
quam veris eius Sanctitatis pro-
gnosticis, fidē facere possit. Quod

si etiam exempla querimus, ingens sese nobis offeret eorum Sanctorum chorus, quorum Sanctitati prodigijs ante natiuitatem Deus prælusit. Tacebo eos, qui multo ante præuisi, ac prædicti, quam concepti sunt; eos item, qui parentibus non nisi miraculo foecundis à Deo donati vitam deinde mirè sanctam egerunt; ex ijs tantum, alterum tertiumue producā, quos in vtero adhuc materno conclusos tum alijs prodigiosis donis, tum etiam vsu rationis Deus supra communem naturam, ac consuetudinem impertijt. Inter quos agmen meritò ducunt antiqui illi duo Vates Hieremias, & Ioannes Baptista; atque Seruator inprimis noster, eiusque intemerata Genitrix, quos rationis vnā ac sanctitatis compotes iam tum in maternis visceribus fuisse, nemo negare potest. De cætero etiam alios Deus
ad-

adhuc in vtero materno non quidem sanctos, vt Superiores, sed tamen futurę sanctitatis signis illustres effecit. Cluniacensium monumenta memorant S. Gerardum, nondum natum claris vocibus, & gemitibus parentes reliquosque, ijs assistentes perculisse. S. Vincentius è materno vtero velut suggestu vitia mortalium allatrare auditus est. Annales Franciscanę familię produnt, Iacobum à Marchia Anconitana virum sanctitatis eximię, propriam etiamnum gravidam matrem prædones fugientem, ex vtero viuã voce solatum, esse, ac monuisse, ne timeret, leuato pede vię insisteret, inoffensam domum peruenturam.

In horum igitur numerum, referri debet noster Nicolaus, cui Deus oculos mentis referare voluit, prius quàm oculos corporis aperire posset: Vidit enim, vt ipse
te-

testatus est, in vtero materno cœ-
lum suis luminibus pulchro ordi-
ne distinctum. Vidit inter cætera,
sidus vnum augustius, longè illuf-
trius, quàm cætera, cui sese radij
per totum latè orbem quaqua ver-
sum diffundebant. Quod idem su-
binde sæpius, aut certè simile in
eremo oculis suis obiectum ap-
paruisse asseuerabat. Vidit inter
easdem angustias etiam montem
seu rupem angustam, cuius apex
ad cœlum vsque sese erigebat. Vi-
dit denique ibidem & sacrum il-
lud oleum, quo Christi athletæ
ad extremam suam luctam deli-
buti fortiores euadunt, & hostes
triumphant. Hæc omnia vidit iste
pusio demonstrante illo, qui Moyse
quondam in monte rubrum sine
exustione ardentem, Iosepho per
somnia manipulos, stellasque
vndenas, vnà cum Sole & Luna,
pronas in ipsius adorationem, qui
deni-

denique tribus Magis stellam Seruatoris nati nunciam demonstra-
uit.

Nec mihi dubium est, tanto-
rum ei ostentorum etiam à Deo
patefacta esse præfagia, eaque tan-
ta fuisse, vt præ modestia & demis-
sione animi alijs ea reuelare sub-
terfugerit. Recensuit, vt olim
Iosephus Patriarcha, simplici vo-
ce animoque visa vitæ suæ futuræ
portenta, interpretationem autem
nobis reliquit. Lux stellæ in om-
nes terræ angulos diffusa vitæ
eius innocentiam, ac puritatem to-
ti Christiano orbi fulsuram por-
tendebat: Rupes illa ad omnes
tempestatum quamuis impetuo-
sissimos insultus infracta, inuictum
eius in aduersis robur, egregiasq;
ab hostibus palmas reportandas,
innuebat; oleum denique quod
extremæ luctæ reseruatur, boni
principij, præpositique perpetui-
ta-

tatem, quę sola coronatur, præsignificabat. Atque hæc eum Deus miraculosè præcognoscere voluit, antequam nasceretur, vt horum prognosticorum recordatio quondam ad tam ardua animum eius solidiùs obfirmaret. Sed de his iam satis; nam quę sequuntur, parem imò maiorem habebunt admirationem, eorumque quę diximus, confirmationem.

CAPVT IV.

Forte sacro abluitur Nicolaus.

PRIMA optimorum parentum cura fuit, postquam mundo cum enixa est mater, vt quanto-
 cius Deo, & cœlo renasceretur; quemque in album filiorum suorum iam retulerant, in numerum etiam filiorum Dei referri curarēt. Et erat eodem forte tempore paraciæ

ræciæ Saxellensium , cui natalis Nicolai domus suberat , officijs diuinis certis de causis interdictum , imò & Curione carebat , vnde in viciniorem pagum Kernensem hic noster sanctitatis nucleus maternis corticibus exutus deportari , ibidemque sacri lauacri aquis , juxta Seruatoris nostri institutum , tingi debuit , id quod Kernensis baptisterij labrum saxeam vel hodie insculptis verbis testatur . Nicolai nomen non sine singulari Dei nutu , ac voluntate , fortitus est , vt quàm gloriosus esset omnium huius vitæ calamitatum victor , ac triumphator , Diuique Nicolai in multis egregius sectator futurus , etiam nomine prænotaretur . Certè D. Nicolaus vix natus , cùm primis aquis ablueretur , in ipsos infantiles suos pedes erectus sponte surrexisse , ijsque solus innixus absque
omni

omni humana ope longo tempore
stetisse, dicitur. Sic etiam D. Ni-
colao cognominis infans noster
vix natus ea continuare cepit pro-
digia, quibus initium in ipso ma-
terno utero, uti dictum est, dedit.

Solebat ipse postea amicis, qui
ei magis familiares erant, quibus-
que arcana sua rariora pandebat,
inter alia fateri primo se aspectu &
matrem agnouisse suam, & obste-
tricem, nec opus habuisse doctore
ullo, aut experientiâ, cuius ductu
sensim adolescentulus in earum
notitiam perueniret. Viam item,
per quam è paterna domo ad æ-
dem Kernensem piaculâri undâ
tingendus deferebatur, cum cliuis
suis, & anfractibus jam tum didi-
cisse, & denique Sacerdotis, eo-
rumque qui eum à sacro fonte le-
uabant patrinoꝝ vultus ex eo tem-
pore memoriter retinuisse: atque
ab aliorum aspectibus discreuisse.

Vni-

Vnicum tantum inter circumstantis virum, quem canities senem, notauerat, adstitisse, cuius ille aut notitiam, aut memoriam quis fuerit, nullam deinde habuisset.

Fuit igitur Nicolaus noster & corpore, & animo baptismati suo præsens, agnouit parentes, quos plurimi iam adulti sæpè agnoscere se dissimulant, agnouit eos, qui beneficiorum primitias in eum cōtulerunt, quorum totas segetes alij sæpe spernunt. Atque hæ tam præcoces huius infantis cognitiones, quas ipse à Deo tam maturè se hausisse, vt dixi, ingenuè fassus est, mihi rem totam maturiore cogitatu ponderanti, longè de eo etiam altiores coniecturas suggerunt, qui enim sub pectore materno adhuc latitans stellas cœli contemplari potuit, quique vix natus parentes, patrilios, ac patronos agnouit, verisimiliter etiam, multoque

que potius Deum stellarum, omniumque beneficiorum fontem agnouisse credi posse videtur. Quid de alijs mysterijs dicam? eo ipso tempore lutulentæ, qua ad fontem sacrû deportabatur, viæ diuinitûs gnarus fuit; quis igitur dubitet de ipso baptismo eum longè maiora didicisse? quas sordes vnda salubris illa abstergat? quo loco homines apud Deum constituat? quibus meritis aqua ad tam sublimes atq; coelestes effectus extollatur? aliaque sexcenta Dei arcana, quibus animulam illam adhuc infantilem Deus, quasi quibusdam futurarum contéplationû præludijs imbuere dignatus est, atque præparare?

CAP V T V.

Nicolai sancta pueritia.

HOC igitur modo natus, renatusq; Nicolaus noster à primis

mis incunabulis insinu optimorum
parentum educari, atque ex eorum
sanctâ, & diligenti disciplinâ pue-
ritiam agere cœpit. Doctores, du-
ctoresque alios, nisi Deum, An-
gelumque tutelarem, non habuit,
inde, quamuis omnis litteraturæ
expers maneret, cœlestes tamen, di-
uinasque disciplinas maturè hau-
sit. Speculum pueritiæ vocârunt,
qui mores illius obseruabant. Ni-
hil puerile in puero, virum gra-
uem puer repræsentabat. Quæ
virtutes pueritiam ornare, ac com-
mendare solent, in ipso summæ
erant. Parentum obseruantissimus
nihil antiquius habuit, quam ijs-
dem morem in omnibus gerere,
ac monitus eorum intimo cordi
insculpere. Linguam mendacio
foedare nunquam auditus est, qui
pueris aliàs malus mos est. Nihil
illo comius, nihil festiuius, ac pro-
bius erga omnes, vnde ab omni-

bus & diligebatur, & suspiciebatur. Lascium in eo aut leue nihil, inter domesticos, fratres præsertim ac sorores concors, & pacis, studiosissimus, neminique vnquam nisi perperam agenti molestus, aut exosus erat. Hos ille etiamnum puer delictorum modeste arguere, ad saniora consilia suauiter inuitare, & vocis vitæque innocentia singulari ad DEI obsequia promouere consuêrat.

Sic primam suam ætatem Nicolaus illibatam, ac prorsus innocuam exegit, quam solers, atque sollicita piorum parentum cura maximopere, vt solet, promouit. Nihil enim ad hanc rem efficacius esse potest. Quemadmodum enim teneri surculi, vt quondam floreat, ac fructificent, maturam sedulamque hortulani manum exigunt, ijque quorum curam tardior, segniorque manus negligit, de-

degeneres, ac infœcūdi facile pro-
teruntur, ita fructus ex liberis suis
vberrimos sperare possunt proge-
nitores illi, quorum labor, in ijs
ad bonam frugem formandis, fin-
gendisue, insudat, dum adhuc
cerei sunt, ac teneri, ne procerior
proteruiorque ætas licentiæ pue-
rili iam assueta, quod plerumque
euenire parentes ipsi dolent, &
conqueruntur, seueriorem deni-
que manum prorsus respuat, atque
excretur .

CAPVT VI.

Eiusdem mira adolescentiæ .

TALIS Nicolai, qualem
paucis descripsi, pueritiam
excepit adolescentia eius longè
adhuc mirificentior, cum ipsa enim
ætate virtus eius probitasque in-
dies horasque amplissima sumpsit
incrementa. Ad labores juxta pa-

rentū voluntatem, ac nutū præter
eius ætatis morem, promptus, tole-
rans, & constans erat. Primo etiam
ipse diluculo damnatis plumis
rus exire, agrorum, pratorumue
culturam exercere, pecorum ar-
mentorumue greges ad pascua de-
ducere, frumenti, fœnique segetes
colligere, & quidquid denique
opere vires adhuc imbecilliores
ferre poterant, strenuè exequi la-
borabat. Dumque manus, totum-
que corpus agrestibus hisce in-
dustrijs fatigarentur, mens inte-
rea ipsius inter labores cœlum su-
spicere, ingemiscere, solatio di-
uino desuper perfundi solita erat.
Labore in pratis exacto, cum re-
liqui ad vesperam domuitionem,
pararent, ipse de industria operam
suam cæteris aliquanto longius
protrahebat, ut eos solus non
longè subsequi, atque interim
attentius cum Deo colloqui pos-
set,

set, imò sæpe, Christi Seruatoris exemplo, inter redeundum, parentum, ac domesticorum comitatu furtiuè se subtrahebat, indeque à communi semitâ declinans, secretiorem aliquem locum quærebat, vbi arborum viróre ac densitate illectus positus humi genibus in Deum se totum effudit; quod cum parentes non lateret, dissimulabant tamen, ne pietati eius vllò modo obfisterent. Cæperat iam tum conuallem illam vmbrosam simul, ac riuosam paternis laribus contiguam amare, & frequentare, in qua olim sedem, prorsus solitarius fixurus erat, quã etiam iam tum Deus singulariter ad id electam pio adolescenti varijs ostentis demonstravit.

Cùm enim die quadam in eodem loco instantius, quietiusue, Deo vacaret, videre sibi visus est molem ingentem, quæ ex collicu-

Jo illo, cui postea sacellum eius iniectum est, in aërem paulatim se erigebat, ita vt tandem inter sidera verticem absconderet; speciosissimæ simul, ac munitissimæ turris speciem spectaculum illud referebat. Rapuit id pij adolescentis, & oculos, & mentem totam, eamque tantâ coelestium deliciarum, affluentiam impleuit, vt ex eâ horâ incensissimo eremiticæ vitæ desiderio intus vri cæperit; eam enim vitam angusta hac mole sibi depingi diuinitus edoctus facile intelligebat. Quid enim aliud turris in solitudine? imò in ipsa turri solitudo portenderet? culmen suum super nubes in cælum attollebat, quia hæc ei via ad cælum designabatur, via secura, amœna, munita, id quod etiâ turris amœnitas, ac munimen indicabant. Atque exinde magis cæpit solitudinem frequētare, frequentiam populi

vitare, odisse turbas. Et quamuis hoc tempore vehemens, vt dixi, amor eum ad solitudinem traheret potius, quàm inuitaret, ne tamen immaturo consilio quidquam apud se decerneret, sollicitè cauebat, diuinam hac in re voluntatem certius exploraturus. A parentum etiam obsequijs interim, nec latum vnguem recedebat, nec vnquam sibi de consuetis laboribus indulgeri aliquid postulabat.

Illud tamen hic vitæ solitariæ præconceptus amor iam tum in eo operari cæpit, vt sensim victus rationem moderari, atque imminuere inciperet, vnde impubes adhuc primùm quidem solam hebdomadæ diem sextam, mox etiam quartam, secundam denique ac sabathum seu ieiunio consecrauit. Audierat nimirum, S. Nicolaum Myræ quondam Antistitem adhuc infantem. Mercurij, ac Ve-

neris die etiam materno lacte abstinuiffe, ac postea eosdem dies perpetuò esuriales habuiffe; alterum item Nicolaum Tolentinum septimo ætatis anno diem Lunæ ac Saturni ciborum abstinentiâ colere cæpisse. Ne igitur tantorum virorum nomen frustra sortitus esse videretur, hoc ipsum eorum imitatione veluti mereri, eoque se dignum reddere statuit: Verni jejunii circulum totum non nisi sicco pane ficcisque paucis fructibus quotidie semel modicè reffectus transigebat. Multi hanc eius nimiam tam tenerâ ætate erga seipsum seueritatem improbabant, eique exprobabant, supra eius vires esse tantam abstinentiam, augeri in adolescentiâ corpus cibis, non inediâ imminui debere, ad labores sic impotentem reddi, mortemque sibi properare. Ille verò modeste talia imprope-
ran-

rantibus respōdere solebat, Deum sic velle, cuius vnus nutu hanc viuendi formam instituisset, facturum eum, vt ex ea frugalitate nihil damni corpus patiatur. Tres pueros in aula Nabuchodonosoris ante oculos ponerent, quibus vilia legumina, potusque frigidaæ præ ceteris ephebis, qui regijs illecebris nutriebantur, vires formæque gratiam auxissent. Inspiciant hoc speculum quidam huius æui populares nostri Heluetij, quorum Deus venter est, quibus non nisi caro semper in ore est, quique omnes abstinentiæ leges pessundant.

CAPVT VII.

Nicolai matrimonium.

IAM verò pubertatis annos trāsgressus Nicolaus noster, ad vi-

rilem ætatem robustus iuuenis
procedebat, quo tempore plerum-
que à prudentioribus de reliquæ
vitæ statu, consilijs initis, decer-
nitur. Nec erat ad id opus mul-
tâ deliberatione, quin vir illite-
ratus exerceret, quibus adolescens
insueuisset; sed illud tamen in hoc
negotio consultandum venerat,
cælebsnè viueret, an se matrimo-
nij vinculis illigaret. Vir enim
Dei vitæ altioris studiosissimus
non ignorabat quidem, nuptijs
Deum non offendi, ab ijs, qui
nec statûs initi, neque decretoriæ
deuotionis Sacramento sponte su-
scepto impedirentur; diuini tamen
illius Oratoris aperta verba eum,
aliò inclinabant, qui dixit: 1. Cor.
5. *Omnes esse sicut meipsum volo.*
Solutus es ab uxore, noli querere
uxorem. Volo vos esse sine sollicitu-
dine. Qui sine uxore est, sollicitus
est, quæ Domini sunt, quomodo pla-
ceat

ceat Deo . Virgo cogitat, quæ Domini sunt, ut sit sancta, & corpore, & spiritu . Beatior erit, si sic permanserit secundum meum consilium, puto autem, quod & ego Spiritum Dei habeam . Rapiebant etiam ad se castissimi juvenis illibatam mentem multorum utriusque sexûs tam veteris, quàm novi testamenti testatissima exempla, quos perpetuus cælibatus & Deo, & hominibus commendatiores fecerat . Atque eorum maxime, qui cremi amore, quo etiam ipse ardentè flagrabat, ut supra memoratum est, se coniugio nunquam manciparent . Urgebant tamen aliunde virgineum juvenem ad subeundum iugum illud parentum cognatorumque vota, quibus refragari non consueverat, quamvis nec ipsi suis monitis libertati eius hac in re quidquam præscriptum vellent .

Re igitur tam ancipiti diu multumque apud se, multoque magis in suis apud Deum solitarijs consultationibus agitata, cùm etiam eò se intrinsecus impulsu diuino agi sensisset, parentum tandem iudicio, ac voluntati libens cessit, & oblatam ex honestâ VVyfslingorum familiâ virginem, Dorotheam nomine, spe prolis non illecebrâ voluptatis illectus, duxit. Ex veteris interim vitæ rigore nihil in ipso etiam cõnubio remisit, nihil hoc marito sanctius, nihil castius, viuebant vna prorsus vnanimes, nihil coniux maritum in suâ pietate impediēbat, ac vicissim maritus coniugem ad virtutis culmen itendidem extimulabat. Surgebat ipse sæpiùs mediâ nocte maritali thoro, sociâque thori annuente ad preces in æde B. Nicolai fundendas vicinum montem, totâ horâ distantem petebat. Inde

de fœcūdi virtutū coniuges, etiam
prolis à Deo fœcunditatem impe-
trârunt, nam eos Deus decem
liberorum parentes fecit, æquali
vtriufque sexūs numero, quos om-
nes summo studio, ac pietate ad
omnem sanctioris vitę normam,
fingere pij parentes dies noctes-
que laborabant. Primogenitus
filiorum Ioannes adhuc viuentē
patre summam in Superiore Sil-
uania præturam gessit; cui in eā-
dem dignitate post aliquot annos
Gualtherus tertio-genitus successit.
Nicolaus inter filios natu mini-
mus, cū literis operam Basileæ
ac Parisijs daret, supremâ Philo-
sophicorum studiorum laureâ do-
natus est; in patriâ deinde Curio-
nem egit ad annum vsque millesi-
mum quingentesimum tertium,
quo diem suum extremum pie
clausit. Dorothea filiarum prima
honesto infra Siluam viro nupta,
ho-

honestos etiam liberos ei produxit. Cæterorum nomina, quamvis hominum memoriâ exciderint Deo tamen probe perspecta æternum vivere non dubitamus.

CAP V T VIII.

Nicolai militia.

MARTIA semper fuit, & bellicosa Heluetiorum natio, armisque à puero prope innutrita atque assueta, quibus eo maxime tempore frequentius exercitabantur, quo se, propitio Deo, in libertatem, quâ etiamnum perfruuntur, vindicârunt. Non erat tum cuique liberum nomen dare, sed ad certa quique signa conscripti, cùm Patriæ necessitas postularet, eaque magistratûs nutu atque autoritate in publicum offerrentur, sepositâ togâ, sago.

in-

indui, atque prostiua, & raistro, hastam, & gladium terere cogebantur. Cùm igitur circa annum Domini M.CD.XXXVI. nescio quid controuersiarum Tigurinos inter, atque Suitenses natum esset, idque multis etiam, summisque intercessoribus aliquot annis stabiliter componi non posset, bello tandem armisque quadragesimo quarto supra millesimum quadringentesimum anno res decretoriè commissa est. Sequebantur Cantonum plerique Suitensium partes contra Tigurinos, inter quos, & Subsiluani erant. Tenuit pertinax Bellona vtrinque infestos animos, manusque ipsos septem annos vbi tandem multis vtrinque claudibus exhausti, Magnorum Virorum interuentu arma deposuêre. Huic bello noster Nicolaus sua signa secutus interfuisse fertur, quamuis enim natura pacis quàm bel-

belli esset amantior, ac mitioris ingenij, refragari tamen vocanti Magistratui, ac periclitanti Patriæ pacis amore solum non succurrere, pro crimine habebat.

Adfuit etiam anno M. CDLX. expeditioni illi, cuius occasione Heluetij ad arma proritati incruento pæne Marte Comitatum Turgoiæ suis ditionibus adiecerunt. Erat manu strenuus in cōflictu, urgebat pro viribus, atque adiuuabat victoriam; deuictis tamen hostibus parcendum, victoria moderate vtendum, atque à fundorum deuastationibus abstinendum solerter monebat. Viduarum ac pupillorum etiam in hostili solo patronum semper egit, captiuorum ipse solatium erat, à rapinis iniustis commilitones itendidem dehortabatur, vnâ manu hastam, alterâ piaculares orbiculos semper rotabat, adeò vt non nisi sanctam

Etiam omnisque labis expertem militiam, ad insigne etiam posteriorum exemplum, militaret.

Illud ei inter alia peculiare in illâ, quam dixi Turgouienſi expeditione eueniſſe legitur. Dieſſenhofen oppidum eſt in Turgoia ad Rheni ripas ſitum, cui vicinum adiacet Sacrarum Virginum cœnobium, Vallis D. Catharinæ nuncupatum, eò ſe hoſtes ex fuga abdiderant. Hos aſſequuti Heluetij vnâ cum cœnobio flammis delere cùm iam decreuiſſent, interponere ſe, poſt fuſas ante crucifixi iconem preces, miles noſter, pro hoſtibus, ac loco ſacro intercedere, flammâs iam paratas reſtinguere, ſpondere, ac vaticinari breui ſuapte ſponte hoſtes inde ceſſuros, eumque locum deinceps multis ſæculis pietate, ac religione inſignem perſtiturum. Obtinuêre eius preces, ac breui vaticinio reſpon-

spondit euentus, nam & hostes locum paulò pòst deseruerunt, & focijs gaudio fuit, loci sacri violatione abstinuisse. Hisce demum prælijs feliciter, vt dixi, contētis, cūm Nicolaus noster bis victor domum rediisset, castris deinceps profanis abstinuit, sanctiori paulo post militiæ nomen daturus; quo tempore haud dubiè pluribus conflictibus non quidem corpore, sed animo præsens fuit, vti ea, quæ deinceps de prophetico eius spiritu dicturus sum, faciliè demonstrabunt.

CAPVT IX.

Honores auersatur Nicolaus.

QUO S alij summo studio ambiunt mundanos honorum apices, Nicolaus noster seriò, ac perpetuò auersatus spreuit, la-

latere maluit quàm eminere, sibi soli, quàm alijs præesse, seipsum quàm alios iudicare. Considerabat altè, inimicos esse quietę mentis forenses tumultus, pensabat fastigiorum ad lapsus pericula, certiozem esse in plano aut imo, quàm summo stationem, districtiori quondam iudicio iudices iudicandos, & grauiori poenâ damnandos. Vidit eos, qui alios regunt, plerumque plurimis, ijsque pessimis animi passionibus duci, ac regi; nunc fauore mentem agi, nunc inuidia stimulari, aliàs pecuniâ, aliàs vanis adulationibus corrumpi, sæpe sanguinem de veritate, & æquitate triumphare, præuaricationum denique in altioribus officijs nec modum nec finem esse. Vnde dignitates potius cœlestes ex imo suspexit, cœli potiùs honores ambiit, præ his luteis, atque perituris; ibi nihil

lubricum metui, animum ijs in-
transuersum agi non posse didice-
rat, ideoque magnus esse non in-
ter homines, sed apud Deum sa-
ragebat. Conuenerant sæpe tota
illius Reip. Comitia communibus
votis, ac suffragijs, summum illi,
cuius fidem & industriam in mino-
ribus officijs experti essent, inter
suos magistratum committere, vr-
gebant, peturgebant, rogabant,
obsecrabant, aptum, dignum pro-
clamabant; ille verò non tergiuer-
sari, sed prorsus renuere, respue-
re, obtestantibus adamantinum
pectus ostendere, hostes eos cen-
sere, qui ei hoc in negotio patro-
cinarentur; prædicabant alij pru-
dentiam eius, vitæ innocentiam,
alij, alij alia Dei, ac naturæ dona,
digna imperio, ipse gnarus hæc
omnia facilè perdi imperio, hoc
ipso, quàm illis, carere pertina-
citer maluit. Et euicit denique
te-

tenax propositi animus, vt ei tandem molesti esse desisterent.

Molestabant tamen sæpe priuatum, qui in publico molestias fugiebat; asylum erat patriæ, summi, infimi eius consilio res suas geri cupiebant, consilia eius pro oraculis habebant, atque ita inter lares, ac rura domestica Consulem agens, minore cum dispendio quàm in Curiâ, vanos interim honores ac fastus euitabat.

Neque verò vsque adeò mirum erat, hominem quotidie diuinitus erudiri solitum, tam alienum fuisse ab omni humanâ pōpâ, vt honores, ac officia publica execraretur, quorum pericula, ac ruinas ei DEVS manifestis prodigijs sæpè ostendisset. Lis aliquando in foro agitabatur, cui adstitit officij gratiâ Nicolaus. Feruebant vtrinque partes, suum quæque ius prætendebat; & propulsabat iniuriam strenuè,

nuè, eùmque tandem ad sententias à iudicibus ferendas ventum, esset, & omnium oculi, atque ora eò intenta hærent, etiam Nicolaus noster intentus in Iudices, causæ decisionem avidè expectabat, eosque, vt essent æqui tantæ rei æstimatores, quos nutare senserat, seuerè admonebat. Et ecce prodigium ingens, flammæ prorumpabant, vnde verba expectabantur, flammæ sulphuræ, fœtidæ; quasi ex Aethna quadam, vel potius ex tartaro euomerentur, ita ex nonnullorum Iudicum ore, ac linguâ protrudebantur. Attonitus ad hoc spectaculum Nicolaus, qui solus fumantia Iudicum ora, intuebatur, rem tam insolentem, altiori indagine perscrutari cœpit; has flammæ haud dubiè corruptelæ indices esse, fumare ex incenso pectore in quos fauores muneribus clam acceptis suscitatos,

tos , ignibus æternis euanidēs hōs
ardores præludere , quibus iniūsti
preuaricatores aliquando iusto
Dei iudicio excrucianti essent .
Atque ex eo ipso tempore longè
iam studiosiùs , quam ante , huius-
modi dignitatum pericula asper-
nabatur , cū videret malos iudi-
ces tartarum in pectore circum-
ferre , cuius proditores ignes ex
ore prodeuntes tam luculentè spe-
ctasset . Ita nimirum sibi Deus e-
lectam animam manifesta salutis
dispendia fugere docuit , vt eò li-
berius subinde euolaret , quò eam
trahere denique cogitabat .

CAPVT X.

Impugnatur ab hoste infernali.

TENE BAT adhuc eum vitæ
cursum Nicolaus inter do-
mesticos , vxorem , ac liberos , quem
fu-

supra dixi, laboribus diem, noctes precibus dabat, ac diuinis commentationibus, idque tamen domesticos studiose celare, ac dissimulare laborabat. Mos illi erat vesperi horâ quietis consuetâ cum reliqua familia cubitum se recipere, interquiescere nonnihil, sed mox interrupto, cum ceteros omnes eo arctius oppressos animaduerneret, lectulo damnato sensim ac sine strepitu, cubiculo exire, in genua prouolui, calidissimis cum Deo colloctionibus totum reliquę noctis frigus temperare. Perfundebatur interim solatijs à Deo vberrimis, quę etiam in corpus redundantes longe ipsi melius quàm somnus, vires reparabant, atque ad antelucanum laborem, ceteris vegetiorem, ac fortiorem, reddebant.

Verùm id humani generis fatales hostes grauissime ferebant, vnum

num hominem rudem, plebeium, rusticanū tot experiri diuinos fauores, tot virtutibus eminere, vitam tam innocuam ducere; suspectę ipsis erant eius perpetuę vigilię, abstinentię, eleemosynę; profectum Nicolai contemptum, imo perniciem suam interpretabantur; exemplo suo plures post se tracturum, atque ex inferni faucibus ingentem prędam denique erepturum metuebant. Clandestinis ergo primum cuniculis eum, vel omninò subuertere, vel saltem labefactare nitebantur, suggerebant versute varia, quibus vel à cęptis pie, ac religiose exercitijs retardaretur, vel à proposito ad cœlum itinere prorsus auerteretur. Cùm verò ipse ad omnes eorum occultos conatus inconcussus perstaret, ita vt eum ne ad minimam quidem impatientiam vnquā pertrahere possent, eum tandem,

aperto, ac violento Marte adgredi
constituerunt. Cædebant eum,
aliquando, trudebant, affligebant
varie, ut vel semel illi bilem mo-
uere possent, sed frustra, inuictus
Dei athleta ridebat eorum insultus,
animique sui magnitudine,
corporis molestationes fortiter e-
ludebat.

Rus aliquando secesserat, co-
mite filio natu grandiore, visen-
di curandive pecoris gratiâ, dum-
que filius in stabulo pecori ope-
ram intentâ nauat, ipse foris extra
caulas sentiû, ac ruborû renascen-
tia impedimenta, quæ pascuis no-
cebant, deruere, ac extirpare la-
borabat. Arripit hanc nocendi
occasionem truculentus hostis, ad-
est improuisus, medium corripit
innocentem virum, in altum su-
stolit, ingentique impetu per den-
sissimum spinis senticetum ad de-
cliniora triginta circiter passus in-
de

de distantia prata excussum eiacular . Afflictus tam graui casu Nicolaus exanimis propè, totoque corpore lacer, ac sanguine madens iacebat, cùm interim filius re stabulariâ confecta prodiens parentem in opere, in quo eum reliquerat, quærit, inclamat, & denique diu quæsitum eo, quo diabolus abiecerat, loco seminecem, maleque vepribus concisum reperit. Eleuat humo, fouet, humeris inijcit pius filius dilectum parentem, in calam ad focum anhelus deportat, in frigida atque languentia membra animam recedentem calore paulatim reuocat, donec tandem ad se rediens fortis Athleta placidâ, serenâque fronte ad filiû conuersus, *Bene inquit, atque in nomine Domini; quam crudeliter me meus antagonista prostrauit? veram enim vero hæc Dei voluntas fuit, atque conuinentia, sine qua ne tan-*

gere me quidem tartarea bestia potuisset. Ex eo verò tempore non tantum minas, ac infestationes eius non timuit, sed etiam forti pectore spreuit.

Rusticanti aliquando in agro suo filiola non procul affidebat, quæ subito exterrita exclamare, vociferari, ac parentis opē implorare cæpit; rogata quid tantopere exhorresceret; Ater, inquit illa, molossus ecce adest, vnum tantum in fronte oculū habens, qui me apertissimo rictu deglutire molitur. Cui Nicolaus agnoscens Cerberū, noli filiola, noli, inquit, metuerē, latrare potest, mordere non potest, nocendi voluntatem habet, potestatem non habet. Quo dicto spectrum ex oculis protinus evanuit. Eadem prælia cum hoste teterrimo Nicolaus noster gloriosus semper victor experiri crebrò debuit, quæ præliati sunt ante eum
ple-

plerique viri illi, qui vitæ morum-
que innocentia, ac sanctitate cæte-
ris præcelluerunt. Nouimus ip-
sum Seruatorem nostrum ab eo-
dem hoste non tantum duello la-
cessitum, sed etiam ex eremo su-
blatum in editissimum môtis, tem-
plie Hierosolymitani supercilium
transuectum esse, cumque eum
inde deturbandi potestatem hostis
non haberet, sollicitâsse tamen, in-
demnitate promissâ, vt ipse se
prosterneret. Nouimus & per an-
tiqua Iobi viri quondam toleran-
tissimi aduersus eundem hostem
certamina, quibus non tantum
fortunis omnibus, liberisque, sed
etiam carne, imò & vitâ propriâ
prope exutus, superior tamen eo-
dem inimico fuit. Quid opus est
pluribus plures enumerare? Pau-
los, Antonios, Ignatios, Franci-
scos, Margaritas, Anastasias, Bi-
bianas, innumeros alios Sanctos

quibus conflictus graves cum hoc hoste diuinitus decreti sunt? An ideò Sancti non fuerunt? an ideò Numini diuino displicuerunt? Erras, erras à verò, quisquis ita iudicet, probari per omnia discrimina vult Deus, quos diligit; non parcat in hâc vitâ, quibus æternum parcere decreuit. Corrige ergo quisquis es miser, sententiam tuam, ne quas pugnas hic experiri non cupis, in futura æternitate exspectes.

CAPVT XI:

Ad altiorẽ vitæ rationem Nicolaum Deus vocat.

PLACENT vtique Deo homines illi, nec est, quod de salute suâ diffidant, quicunque communem viuendi rationem secuti, recte tamen agere, atque in omni-

nibus frugi esse Nicolai nostri exemplo didicerunt. Attamen ea nihilominus est præpotentis Dei consuetudo, vt quos sibi velut singulares amicos arctiori, ac familiariori coniunctione copulare constituit, hos ad sublimius etiam perfectiusque vitæ institutum prouocet, quò liberius, à rebus profanis expediti, se totos Deo permittant. Atque hanc ipsam voluntatem suam, quibus placet, varijs modis insinuare nouit, reluctantes enim terroribus impellit, præptos, ac pronos blanditijs inuitat; alios piorum hominum voce, ac ductu trahit, alios denique insolitis ad se rapit mentis illustrationibus. Horum è numero singularium, Dei amicorum fuit etiam Nicolaus noster, quem Deus solus totum possidere, atque ab eo præcæteris totus possideri voluit. Eum proinde præclaris nonnunquam

ostentis clarè edocuit, quantos res fluxæ, atque perituræ. perfecto in DEVM amoris obices obijciant, quam vana sint hominum terrenis sese negotijs occupantium studia, quanto demum fauore cælum eos prosequendum sit, quibus terra penitus sordidisset.

In pascua sua cùm aliquando greges atque armenta propria pabulum emisisset, seorsim ipse sibi more suo, vt dixi, locum ad preces Deo fundendas idoneum elegit; vbi humi sedens toto se mentis impetu in cælum librauit, terræque, cui infidebat, penitus oblitus, superlunarium rerum contemplatione absorptus aliquādiu hæsit. In eo mentis excessu Deus illi lilium portentosum ostendit niuci coloris, & odorem non nisi æthereum longè, lateque exhalans. Prodibat ex ipso Nicolai ore, veluti in eius visceribus natum,

tum, & floribus suis in altum por-
rectis cœli videbatur fornicem at-
tingere. Huius igitur tam inso-
lentis germinis cum decore, fra-
grantiâ, atque proceritate diu sa-
tis perfruitus, maximeque admi-
randum eius ortum, atque origi-
nem miratus esset, greges passim
pabulantes viro Dei paulatim ap-
propinquabant, atque inter eos e-
quus, quem cæteris generosio-
rem, ac nitidiorem alebat, coram
eo casu oberrabat. Reuocato igi-
tur ex cælis vultu, atque oculis in
hunc equum deiectis, subitò etiam
lilium illud caput è cœlo suâ spõ-
te reuocare, in arcum curuari, &
ad iumentum ita inclinari cæpit,
vt tandem ab eodem dētibus cor-
reptum, & ex ore, vnde progna-
tum videbatur, violenter extra-
ctum prorsus absumeretur. Tum
verò in se conuerti vir Sanctus,
rem hanc altiùs pensitare, animo

turbari, confundi, seipsum increpare. Itanè ergo? liliū? & liliū pulcherrimum pessum eat? quod ex ore meo prodiit? quod cœlum tetigit? O odorem? O candorem? equus decoxit; equidem iam denique sentio, quod res est. Nimium diligo hos diuinæ suauitatis decoctores, hos sanctæ quietis interturbatores. Delicatæ nimis sunt hæc bestia, quæ non iam gramina, sed lilia depascuntur, claudendus est hortus, excludendæ feræ, ne fluxis his rebus, sed cœlo & Deo excrescant hæc lilia. Ex eâ igitur ipsâ horâ crebrius, magisque serio cogitare cæpit, quæ ratione Deo soli desertis hisce inanijis adhæreret.

Aliàs cùm denuo per loca deuia meditabundus oberraret, eminus ad se tendentem virum conspexit, formâ spectabilem, canitie decorum, grauem incessu. Progre-

grediebatur lentè , atque interim
suauissimè iucundus modulabatur.
Varius erat concinentis sonus, vnâ
solâque voce canticum inchoabat,
mox trium distinctarum vocum,
concētus exaudiebatur, qui deni-
que ad primam rediens harmoniã
repetitâ solâ voce absoluebatur .
Vbi denique ad eum grandæuus
ille propius accessit, omissis mo-
dulis, caput aperire, genu curua-
re, stipem gemebundus rogare,
cepit. Nicolaus sine omni cun-
ctatione crumenam pandit, atque
erogat liberaliter, quod rogatus
fuerat. Infinitas ille vicissim gra-
tiarum actiones reuerenti, atque
demisso gestu Nicolao refert, ac
simul in momento ex oculis eius
evanescit, eumque ingenti perfu-
sum mentis dulcedine solum re-
linquit. Atque tum denique Ni-
colaus mendicum agnoscere, in-
genua, & gemitus prorueret, fon-

tem bonorum omnium venerari ,
vnum naturâ, trinum personis ado-
rare , assentiri mysterio , Deum v-
num in vnâ voce , in tricinio tres
personas subtili cognitione instru-
ctus admirari , de stipe in Dei ma-
nus resignatâ lætari , vnum illud
dolere , quod non seipsum totum
pro stipe ditissimo liberalissimo-
que mendico donâisset .

Viam deinde suâ in eâdem eremo
prosequutus alio rursus spectacu-
lo prodigioso diuinitus institutus
est . Pagum sibi videre atque adi-
re visus , rarum quidem, atque in-
frequentem domicilijs, & habita-
toribus, insignem tamen emin-
ti palatio , quod amœniorem pagi
locum occupabat, inuenit . Ra-
puit ad se arcis venustas animum
admirantis , atque ad ingressum
inuitauit . Nec mora, adit locum,
fores apertas subit, atque in pri-
mo statim aditu, scalas , & sub sca-
lis

lis fontem offendit; miratur utrūque, nā scālæ cū essent amplæ ac magnificæ, denis tamen tantū gradibus ascendebantur, & fons perenni quidem, ac profusâ, occultâ tamen scaturigine non aquam, sed mel vino, oleoque mixtum fundebat. Superatis deinde scālis, magis eum attonuit crater hausti ex subiecto fonte liquoris plenus, qui supremo gradui, veluti ad sitim restinguendam paratus, insistebat. Accedebat etiam vox, quæ illud Seruatoris clarè ingeminabat. *Qui sitit, huc veniat, & bibat: Io. 7.* stupebat interim pius spectator raritatem hospitum: vix enim paucos suauitate eius nectaris, ac liberali inuitantis voce pellectos confluere videbat. Hoc denique tam portentoso spectaculo cū satis diu oculos, mentemque obletâisset, simulque etiam nectareo illo liquore a-

ui-

-52-

1- -23-

-53-

uidum guttur liberaliter proluiſſet
in vicinum campum foras prodiens
innumeras illic hominum cateruas
promiſcuè campum oberrantes in-
currit. Diſcurrebant formicarum,
more diuerſi diuerſis occupati ne-
gotijs, omnes tamen ſoliciti lucro
tantùm inhiabant. Quidam neſcen-
dis ſepibus inſudabant, alij flumi-
nis ripas ponte iungebant, & vtri-
que à tranſeuntibus veſtigal ſoler-
ter exigebant. Fuère multi, qui iu-
cundiore opere tibias, tympana,
ac fides increpabant, qui tamen,
& ipſi à ſaltantibus mercedem ex-
ſculpebant; alij denique alijs la-
boribus ſtrenuè intenti lucro ſtu-
debant. Attonito ad hæc Nico-
lao ſubitò adfuit diuina lux, quæ
eum ita illuſtrauit, vt facile intel-
ligeret, portenta hæc omnia, quid
ſibi vellent. In perenni illo fonte
Deum omnis boni inexhauſtum
fontem ſpeculabatur, tribus illis
ſua-

suauissimis liquoribus eiusdem v-
nius. fontis , personarum triadem ,
hauriebat , in denis scalę gradibus
Decalogum legebat , diuinę co-
gnitionis craterem propinari colli-
gebat his, qui scalas Decalogi per-
cursas transcendissent . Inuitari
multos , imò omnes mortales ad
preciosas has delicias , paucos ta-
men concurrere , imò fere nullos ;
vulgò ab hominibus meras inanias
quisquilias, lucra temporaria quæ-
ri , eò tandem omnia illorum stu-
dia, ac conatus omnes ferri . Vnde
ipsi denuò nouus accedebat stimu-
lus ad fluxa hæc prorsus deferen-
da , seseque totum fluentis illis pe-
rennibus immergendum .

Alio rursus tempore , cum do-
mesticis nescio quibus operibus di-
stineretur , tres ad se venientes vi-
ros graues habitu similes , æqua-
les staturâ , atque ad speciem æta-
te pares excepit , quorum primus
ad

ad Nicolaum seriô conuersus: Nū-
quid, ait Nicolae, placet tibi, vt
nostræ te potestati, atque arbitrio
totum corpore, animoque dedices
ac permittas? Ad hæc Nicolaus
toto cordis affectu respondit: Ego
vni, solique præpotenti Deo, nec
alij, deditionem mei totius facio,
cui iam pridem totis, quâ corporis,
quâ animi viribus famulari deside-
ro. Tum verò tres illi viri reni-
denti, ac hilari fronte capita veluti
conferre, subridere, annuere, &
primus denuo virum Sanctum hi-
sce solari: Si ergo, inquir, te de-
cretoriè vnus DEI obsequio to-
tum mancipâsti, age quod agis,
cæptoque constanter calli insiste,
vbi enim septuagesimum ætatis an-
num exegeris, corporis ergastulo,
omnibusque mundi ærumnis liber
ad cælos euolabis, vt illic debitam
laboribus tuis mercedem recipias.
Occurrent interim certamina mul-
ta;

ta, multâ tolerantia, robore multo depugnanda, sed macti esto animi miles, vinctes, triumphabis hostile quidquid euenerit. Et quamuis nunc tibi nihil nisi crucem tuis inectam ad nostri memoriam relinquimus, erit tamen olim, cum te multis alijs comitatum, quos scilicet exemplo tuo tecum trahes, lætiore sinu excipiemus, eos tu veluti magni exercitus signifer in æternitate illa duces, vexillum præferens, quod vrsini pedis pictura, veluti perseuerantiæ tuæ ac roboris symbolum, notabit. Atque cum his dictis viri illi videri desierunt, relicto in Nicolai corde ingenti desiderio ad ei soli seruiendū, qui ei iā sæpius voluntatem hac in re suam, tot indicijs declarasset.

His alijsque crebris illustrationibus instructus Nicolaus noster à Deo, cum denique vice quadam prædium quoddam suum pedes pe-

te-

teret, atque interim pro more mentem in Deum abreptus, id vnice sibi tandem demonstrari vrgeret, quàmnam denique viuendi norma, Deo soli viuere, ac placere posset, ecce tibi subito de cælo ad eum, nubes pulcerrima deuolui cæpit, ex qua vox delapsa in hunc ei sensum respondit: Incassum quærere, vanàque anxietate animi turbari, dum de vitæ instituto ambigeret, quasi verò suapte ingenio, ac viribus proprijs nixus, rem tam arduam adgrèdi, ac perficere possit; Quin potius, inquit vox illa, curas has omnes vnâ cum toto mundo abijcis? Quin te tandem, vt iam pridem facere recepisti, Dei nutui libens, volensque offers? an nescis promptum, liberum, ac liberale sacrificium Deo acceptissimum esse? excute igitur impedimenta omnia, in Deum te totum proijce, & quidquid denique de te ipse statuerit, id

id toto pectore amplectere. His auditis vir Sanctus fastidire iam, prorsus veterem vitam, diuitias, uxorem, liberos aspernari, abdicationem omnium meditari, solitariam vitam ambire, ac denique solerti, ac circumspecta indagine, media eam amplexandi indagare cepit, ut mox pluribus aperiemus.

PARS ALTERA.

*Vitæ ac rerum gestarum Nicolai de
Rupe Eremitæ Helvetij*

CAPVT I.

*Cum coniuge de vitæ mutatione
deliberat.*

ET jam Nicolao mūdus, omniaque mundana ita prorsus euiluerant, itaque apud eum cœlestis vitæ

vite votum inualuerat , vt nimis angustum sibi totius Orbis ambitum ad ambitum censeret, ac de cætero non nisi ampliora cœlorum spatia ad vite reliquum transigendum diligeret, atque ambiret. Decevit igitur abdicatis omnibus patriam deserere, atque eremo se abdere, vnde demum incognitus omnibus, liberrimos ad superos cœlorum camposexcursus haberet. Vnicum erat vinculum, quo se adhuc ligatum circumspiciebat, quodvè solum abrumpere se, nec velle, nec posse sine scelere videbat. Vinculum id erat coniugij, quo adstrictus adhuc tenebatur, quodque solum à concepto proposito eum retrahebat. Sed & illud tandem disciecit, modo non quidem illicito, aut violento, sed quo didicerat etiam Christi Seruatoris nostri discipulos idem olim vinculū discidiisse Mat. 16. Iusserat is præclarissimus Doctor

Et or discipulos suos inter cetera, etiam coniuges suas relinquere; relinquerunt, ac postliminiò ad eas deinceps non redierunt. Reliquerunt, inquam, non repudiârunt, inuitas non deseruerunt, sed volentes, ac consentientes. Id ipsum ergo & Nicolaus tentare decreuit, memor verborum, quæ Vas electionis Corinthijs scripsit, 1. Cor. 7. quæque Nicolaus verecundius, familiariusque quam nunc multi, interpretatus est. *Frangere se inuicem*, coniuges permisit D. Paulus, ex consensu tamen utriusque, ut orationi, ac abstinentiæ vacent. At verò, occurrunt multi, ad tempus id permisit, non in perpetuum; iussitque illos deinde *in idipsum reuerti*. Erras, mi homo, quisquis es, ad tempus indulgit abstinere, non præcepit: indulgit postea in idipsum reuerti, non mandauit; Hoc autem, inquit, dico secundum indulgentiam

non

non secundum imperium . Con-
sultit igitur continentiam con-
iugibus ad tempus, vt sanctius, at-
que expeditus pietati in Deum in-
dulgeant. Quid verò si totâ vita id
facere decernant? num hoc vetat
Apostolus? nec vetat, nec præci-
pit, sed idipsum permittit, ac con-
sultit ijs, qui incontinentiæ pericu-
lum exinde non metuunt, ac libi-
dinem omnem diuinitus adiuti ge-
nerosè frenare, ac domare cupiunt.
Id Pauli consilium secutos Nico-
laus nouerat; ingentes quondam
coniugum greges, perpetuò con-
tinuisse in ipso matrimonio mutuo
consensu. Nutricium ac Genitri-
cem Dei; Valerianum ac Cæciliam;
Iulianum ac Basilissam; Marcianum
ac Pulcheriam; Henricum II. Im-
per. ac Cunegundem; Boleslaum
V. Polonorum Principem ideo pu-
dicum appellatum, ac Cunegun-
dem prioris æmulam; Conradum
Re-

Regem Henrici IV. Imper. filium
& Mathildem ; Alphonsum item
II. Asturum Regem, qui cum con-
iuge continentiam observans, casti
nomen promeritus est ; Carolum
Crassum ac Richardem Reginam ;
audierat etiam Pharaildem Pipini
neptem perpetuam in connubio
virginem fuisse ; Eduardum item
III. & Editham coniuges ac virgi-
nes, Etheltedam Orientalium An-
glorum Reginam bis coniugem ,
perpetuò virginem , alios denique
quamplurimos, quibus in ipso con-
iugio continentiae , quàm coniugij
amor plus cordi erat . Horum igi-
tur præclaro motus exemplo Ni-
colaus coniugi suæ rem denique
aperire, eiusque animum ad peren-
nem continentiam sollicitare cepit .
Non placet, inquit, O coniux, ita
amplius, vti hætenus, vivere, Deo-
que trahenti reluctari , secretò de-
inceps vivere placet, procul patriâ
pro-

procul liberis, procul etiam te coniuge. Ea prorsus est Dei voluntas, multis mihi hætenus argumentis demonstrata, cui refragrari nefas esse etiam tu nōsti. Tuâ ergo id agere veniâ, tuoque consensu mihi vt liceat, etiam atque etiam obtestor, hoc ipsum à te si impetrem, pro summo beneficiorum numerabo, quæ vnquam in me contulisti. Addidit deinde etiam illud, non esse, quod de onere liberorum, & de cura rei domesticæ multùm angeretur, liberos iam prope ita adoleuisse, ac maturuisse plerosque, vt paternâ curâ non egeant; rem verò familiarem Dei beneficio loco esse tam copioso, vt sedule matris familias operâ, atque industriâ faciliè conseruari possit; quin etiam experiri se dicebat, quod quanto plus quotidie in diuinis proficeret, tanto ad humana inutilior efficeretur. Hæc, horumque similia cun-

stan-

stanti coniugi suggererebat sæpius, deliberandi enim tempus & illa prudenter poposcerat, tamque græue negotium, nō sine cognatorum, aliorumque intelligentium hominum consilio decerni posse, ac debere iudicârat. Conspirantibus tandem omnibus, quotquot rem maturo iudicio examinauerant, cedendum diuino placito, dandum hoc singulari Dei amico, vt Deo solo, curis omnibus exsolutus, liberrime frui possit, cessit denique & ipsa coniux, ac renunciauit iuri suo libens, volensque, & coniugi carissimo non sine fluētibus lacrymis datâ dexterâ liberam quoquò abeundi potestatem fecit. Incredibile dictu est, quanto Nicolaum internæ voluptatis sensu consensus iste perfuderit, alterum iam pedem inter sidera posuisse sibi videbatur, nec apparebat aliud quidquam, quod ei remoram obijceret, quo

minus propediem conceptum iam
dudum sublimioris vitæ institu-
tum plenius vlnis amplecteretur.

CAPVT II.

Patriâ exire parat.

OBTENTA igitur eo, quo di-
ximus, modo vxoris licen-
tiâ, eremum instituto suo idoneam
circumspicere, & quam potius am-
biret, atque vbi, intra an extra,
patriam, anxius ambigere cæpit.
Offerebât se in ipso patrio solo so-
litudines percommodæ, sed occur-
rebant interim animo varia, quæ
eum ad exterum locum euoca-
bant, vbi non tantum solus, sed
etiam ignotus degeret; cogitabat,
in patriâ non defore obtrectatores,
qui eâ de re diuersa iudicia forma-
turi, variosq; sermones sparsuri es-
sēt; alios vt fieri assolet, benè plures
etiam

etiam malè rem interpretaturos ,
apud hos temeritatis , apud illos o-
stentationis se nomen, ac notam nō
euitaturum , domesticos ipsos , ac
familiares desidem, atque ignaum
calumniaturos ; vitari denique pos-
se hæc omnia solâ distantîâ , quæ
omnem sui conspectum , & quod
sequi solet , etiam memoriam cun-
ctis eriperet . Quapropter septimo
mense anni quinquagesimi septimi
supra millesimum quadringentesi-
mum , jam quinquagenario maior
cognatis, ac domesticis certum pro-
fectionis suæ diem indixit, quo ijs-
dem extremum valediceret . Ad-
fuêre illi ad destinatam diem fre-
quentes , virique propositum ad-
mirati primùm , mox etiam appro-
bantes , cui contrauenire non po-
terant , variè tamen interim animis
officiebantur . Stabat coram eis
ositis veteribus exuvijs solâ ami-
cus tunicâ oblongâ è rudi panno ,

nudis pedibus , capite aperto, manibusque scipione armatis , diuinum quid, & habitus iste, & tota eius facies, ac potissimum lingua spirabat; amplecti singulos, singulis benè precari, ad virtutem. Deique timorem hortari omnes, iubere, vt sollicitudine de ipso positâ, suæ solùm salutis curam impensè gererent, sic fore, vt in cœlo tandem mutuis denuo aspectibus, ac colloquijs securiùs, lætiusque perfruantur. Quanti exinde singultus, quanti gemitus, & lacrymæ eius exceperint, dicendo exprimi non potest; deplorabant singuli orbitatem suam, parentem se communem, virum sanctum, speculum omnis probitatis amittere, absque eo etiam vitam sibi grauem fore, cum eo simul etiam diuini Numinis fauorem patriâ cedere quiritabantur. Ille verò solatus singulos, ab ijs se blandis, suauibusque verbis

bis sensim auellere, eodemque die iter versus Alsatiam arripere cæpit. Ibat solus, nullo comite, sine pera, sine viatico, quasi nihil unquam possedisset, quasi nihil prorsus diseruisset. Nunquam se beatorem existimauit, atque nunc denique Deum Conditorum se perfectè obtinere posse sperauit, cum rebus omnibus exsolutum se penitus gauderet.

Determinabat eum tempore Iura mons, quem alij Iurassum vocant, Heluetios à Sequanis, & Rauracis Occidentem versus; hunc montem quoniam Nicolaus noster omnino se patriam extorrem facere, ut dixi, decreuerat, mira animi alacritate superauit, ex ea parte, quæ ad inclitæ Basileensium Reipub. ditionem pertinet, quæ postea circa annum millesimum quingentesimum primum reliquis Heluetiæ Cantonibus fædere perenni con-

nexa; patriam nostram eximio auxit incremento, ac montibus ipsis firmiore munimento vallauit. Eos igitur fines ingressus viator noster, ad urbem eiusdem ditionis, quæ Basileam inter, & montem Iuram, media interiacet, Liechthal indigenæ appellant, circa crepusculum vespertinum peruenit; cumque iam cominus eam urbem contempleretur, dictu mirum est, quanto perculsus terrore pedem subito retraxerit. Sanguineo enim colore tincta apparebant tecta, turres, mœnia, & quidquid denique conspicuum ex vrbe erat, aut flammis, aut sanguinem rubescere videbatur. Collegit exinde Nicolaus, mone-ri se diuinitûs prodigiosâ hac oppidi facie, ne intro pedem inferret; quare diuerso itinere vicinam quandam subiens villam, amicè à villico, & perhumanè receptus est. Exactis mutux salutationis officijs,

in-

inter varios vltro citroque habitos sermones villicus de Nicolai patria, ac stirpe, deque viæ, ac vitæ instituto modestè sciscitari, Nicolaus verò tamen voti sui, vitæque seriem ex ordine percensere cæpit; Ere-
mum, inquit, extra patriam quæ-
ro, vt in ea meliorem patriam re-
periam, ideoque ex itinere ad te
huc diuerti, vt tuo consilio, at-
que iudicio adiutus salutare a-
nimi mei propositum exequar.
Quam ob rem si locum institu-
to tali idoneum, siue propè, siue
precul his terris mihi demonstrare
possis, æternùm me apud Deum,
Opt. Max. tibi obligatum, ac deuin-
ctum tenebis. Duc ergo, quo vo-
les, præi, sequar ductorem, neque
enim vel hac ipsa nocte inter ho-
mines versari, sed in solitudine li-
bet. Hic iam mirari villicus voti
sublimitatem, laudare alacritatem
animi, ac promptitudinem, pieta-

tis perfectionem suspicere , illud vnicum non satis probare , quod patris finibus excessisset , cùm esset ex Heluetijs oriundus; id genus hominum exteris nationibus pro tempore exosum esse, quocunque demum deueniret, exteros coactum in alicuius delicti pœnam exilium interpretaturos, profugi nomen, ac notam ei imputaturos; adhæc in ipsa eius patria solitudines esse, multas ad Dei obsequium perquâ accommodatas, vbi seiunctus ab hominum strepitu sanctę quieti ad libitum operam nauare posset, suadere se reditum eò, vnde venisset, suo iudicio id eum ex Dei nutu, ac voluntate facturum. Audiit attentus ferio monentem Nicolaus, gratijsque actis, eam se noctem deliberationi sumpturū, respondit, atque tum demum, quidquid DEVS suggereret, prono animo obsecundaturū, simulque veniâ petitâ discessit.

Sed

Sed mox in ipso itinere , non procul inde nox eum occupauit . Declinans igitur viam , sub dio abstrusio-rem ad pernoctandum angulum delegit , vbi in feruentissimas sese abijciens preces , anxie , vniceque à Deo instrui postulauit , reditusne , an cæpti itineris prosecutio ipsi potius placeret ; nec destitit ipse fatigatus DEVM precibus fatigare , donec sollicito , anxioque pectori somnus obrep- sit ; cui cum aliquantulum indul- sisset , clarâ sese repente de cælo luce circumueniri sensit , eius fulgore ceu fulmine quodam tangi , idemque graues in visceribus dolores experiri cæpit , veluti si adactus ventri culter in ipsa intus præcordia grassaretur , eumque prorsus cui- sceraret , atque ab ea hora nec famem vllam amplius , nec sitim sensit . Nautico item se quasi fune constrictum in patriam violenter retrahi sentiebat . Unde

fatis perspiciebat diuinam de se voluntatem, cui proinde promptissimè obsequi primo statim diluculo meditabatur.

CAPVT III.

*In patriam redit Nicolaus, vitamque
omnis victûs expertem orditur.*

SOLET nimirum Deus, quos
arctius amat, eorum etiam virtutem impensius testatam, probatamque facere, experiri variè, vtri uiuant, Deòne, an sibimet ipsis; promptine sint, quoquò ipsos Deus trahit; an sine delectu domi forisue, inter amicos, & hostes, notos inter & alienos, Deo, & non sibi sint parati parere. Iisdem etiam, experimentis Nicolai nostri voluntatem ad omnem Dei nutum factam probare voluit, vnde eum patria vix euocatum, eodem, vnde

de

de promptus abierat, mox reuocauit, quæque ante metuerat, contemnere, hominum nimirum iudicia, ac sinistros sermones docuit. Redux ergo in patriam terram Nicolaus eâdem, quâ excefferat, viâ, illud vnicè toto studio cauit, ne mortalium, maximeque cognatorum cuiquam eius reditus pateret, ne suarum rerum, quas magno animo deferuisset, vel extremo quidquam digito attingeret, aut leui desiderio affectaret.

In secretioribus igitur alpibus Subsiluanix vltioris abstrusum, densumque vepretum ingressus, ibidem solitariae suae vitæ tyrocinia ponere, imò si Deo placeret, totum eiusdem cursum absoluere statuit. Erant ipsi hæ spinæ, ac sentes omni roseto, aurisque, ac cedrinis receptaculis, acceptiores, nudus humus lasso corpori lectum, & durum saxum culcitam præbebat,

diurnos æstus, subitasque pluuias præ alta atque ymbrosa larix protecto arcebat. Nulla illi suppellex, nullus fons, nullum vitæ propagandæ subsidium. Ex eo momento, quo lares paternos damnauit, in-itu,redituque nihil omnino nec cibi, nec potus admiserat, & tamen, inde vires sibi minimè imminutas persensit; nihil famebat, sitiebat nihil, solâ diuinarum rerum contemplatione, & corpus pascebat, & animam faginabat. Multas interea grauesque inferi hostis infestationes ibidem tolerauit, qui tanto eum insensius, hostiliusque inuadebat, quanto illi ea nouæ vitæ rudimenta suspectiora erant. Repulit tamen insultus omnes, vicitque fortiter inuictus noster tyro hisce prælijs iam ante veterano magis exercitatus, ita vt nullo vafri hostis stratagemate, nullâ vi, nullisque armis posset expugnari.

Ocridium iam in spineo illo antro, nemine conscio, omnis victus expers, soli Deo intentus, exegerat, cum ecce ibi venatores casu ijs lustris oberrantes, ferasque captantes, ut est illi hominum generi nihil abstrusum, nihil imperuium, canum indicio etiam ad hoc sentietum, cui vir D E I inerat, pertrahuntur; Offendunt hi hominem, eo, quo supra dixi habitu, humi profusum, precibus abreptum, perfusum lacrymis; resistunt, obstupefcunt, ac denique agnitum alloqui tamen, aut turbare reformidant. Peracta autem venatione, recto itinere Petrum Nicolai germanum, fratrem conueniunt, rem ei omnem produnt, locum certis indicijs manifestant, moventque, ut certiùs experiundæ veritatis gratiâ ipse, si velit, in rem præsentem contendat. Nihil ille cunctatus è vestigio surgere, properare, designa-

gnatas latebras diligenter scrutari,
ac denique repertas, quâ data por-
ta irruere. Impulit eum ingens,
quo fratrem complectebatur, amor,
optatam eius diuque quæsitâ quie-
tem interturbare; Quid, inquit, hoc
est, mi frater? quid video? quid
de te experior? hæc cine ergo est
vita, quam dudum ambiisti? vita
tam feralis? tam inhumana? fru-
stra es, mi frater, hominem te ef-
se, non feram memineras; occide-
re hoc est, non debellare corpus;
quid enim hæc inedia? quid tanta
omnium rerum penuria? quid tam
immanis rigor aliud tandem, quàm
præsentem mortem afferent? Re-
mitte igitur, frater, de hoc animi
proposito, supra hominem sunt,
quæ exorsus es; ita scilicet coele-
stes Genij corporeæ compaginis
exfortes viuere possint, homo cer-
tè carne ac sanguine compactus, sic
viuere non potest. Hæc aliaque
his

his similia sincero, simplici que ore,
ac animo obijcientem germanum
Nicolaus placidâ, hilarique fronte,
ac linguâ quiescere iussit, ac su-
peruacaneas animo sollicitudines,
vndecimum nunc diem esse, ex quo
corpori nullam prorsus curam te-
cisset, nihil cibi, potûsue admisisset,
molestiam exinde se sensisse,
nullam, nullum deliquium; velle
se, si possit, sic perseverare, do-
nec infirmitas oborta aliud suade-
ret. Hisque nouitate rei percul-
sum fratrem abs se domum dimi-
sit.

Ne tamen temerè Deum tenta-
re velle videretur, cùm iam semel
proditus passim inuiseretur, clam
Sacerdotem notę prudentiæ, ac
probitatis virum ad se per inter-
nuncium euocat. Is erat Osual-
dus Isnerus Kernensis Parœciæ Cu-
rio, huic totam animam suam ex-
ponit fideliter Nicolaus, quamdiu
iam

iam incolumis victu omni caruerit; quanto desiderio à prima pueritia talis vitæ flagrauerit, quæ pabuli corporei prorsus expers maiorem sibi facultatem præbere, & mundo penitus valedicendi, & Deo soli adhærendi; nolle se tamen proprio suo iudicio, arbitrio nixum stare, sed rogare, vt re prudenter, ac maturè examinatâ, ipse denique de ea sententiam suam ferat, obsecuturum se, quidquid in medium consulturus sit. Tum verò rem inusitatam, ac prodigiosam mirari pius Sacerdos, faciem, manusque viri Sancti curiosius arbitrari, explorare digitis pedes, ac brachia. Videbat quidem faciem totam impaluisse, genas macie euanuisse, labia ariditate aspera rîmas egisse, totum corpus non iam carne ullôue succo amplius, sed meris ossibus cute solâ vestitis sustineri; in exsucco tamen corpore cernebat vivere

gere animum, & vires integras in
exhaustis membris; nihil viuacita-
tis, sanitatis nihil deesse huic ima-
gini mortis; vnde prudenter sanè
coniecit, nihil hic vanum, nihil su-
perstitiosum dilitescere, ventis ho-
minem, vanæque auræ flatibus tam-
diu sustentari non posse, Dei solius
hoc opus esse, qui de hoc viro ali-
quid supra naturam disposuisset.
Suasit igitur Nicolao cæptam pro-
sequi porrò abstinentiam, Deique
vnius hac in re ope niti, quamdiu
vires ipse, animumque talem sup-
peditaret. Arripuit vir Sanctus
forti, hilarique vultu consiliū
pro voto datum, cæptam-
que inediam totā
deinceps vitā
illæsus,
viri-
busque suis semper
constans pro-
duxit.

CAPVT IV.

*Nicolao asceterium erigitur in
eremo.*

CRescebat in dies fama Nicolai in his latebris delitescentis apud incolas, augebaturque inuisentium numerus, non sine magnâ Sancti viri molestiâ, qui toties operatam sibi quietem interturbari dolebat. Ad abstrusiora igitur latibula toto desiderio aspirabat, ubi vel ignotus omnibus, vel certè paucioribus cognitus degeret, unde eius eremi spelæa omnia lustrare; omnes angulos, cliuosque scrutari cepit, ut locum denique reperiret, quo se abditum hominibus magis subtrahere posset. Eum denique famulo suo benignissimus Dominus prodigio demonstravit, cum enim auia, ac deuia pererrans cœlum

lum casu suspiceret, Deique in hoc negotio ductum exposceret, lucidissimos quatuor radios, ceu faces accensas deorsum labi, atque in vallem quandam deuibrari conspexit, quam indigenæ *Marginem* vocant, eò fortè, quod eleuatiore, ac circulari quodam veluti margine clius eius cingatur. Exhilaratus mirificè tanto vir Sanctus spectaculo, vallem, quieti suæ cœlitus designatam, concito gradu subit, nunquam inde recessurus. Est autem locus ille medius inter australes Situanæ alpes, Saxlenses scilicet, & S. Nicolai, vt vocant, pari fere spatium Sarnensium, Kernensium, Saxlensiumque pagis distans, tenebris ac densitate horridus, non nisi syluestrium arborum, dumorum, ac virgultorum ferax, vdus, atque vliginosus ex aquarum de montibus circumiectis confluentiâ. Interluit medium rapidus torrens, aut si ma-
uīs

uis fluvius, Melcha dictus, à quo
& vallis ipsa nomenclaturam tra-
hit, quam strepitu suo ruens per
prærupta saxa aquarum vis longè,
lateque confundit; lacrymarum
vallem rectè dixeris, locumque
vitæ austeriori naturâ, situque ac-
commodatissimum. Illic ubi vir
solitudinis amantissimus Nicolaus
sedem, pedemque stabilem figere
statuit, vicinorum adiumentò ca-
sam ligneam farmentis contextam,
ac stramento tectam erigere, in ea-
que cæptum vitæ institutum pro-
sequi grandi animo, ac fervore cæ-
pit. Variæ interim de eo inter po-
pulares erant sententiæ, varij, ac
diuersi sermones. Arbitrabantur
clanculum omnes eius actiones,
vias omnes observabant, ita ut in-
exploratus nemo ad eum accedere,
nemoque inde reuerti posset. Cum-
que annuis prope eiusmodi exactis
vigilijs, studia eius omnia, omnem-
que

que viuendi rationem iam penitus exploratam, nihilque doli, ac simulationis subesse, ac nullo ipsum vano spiritu agi, pro comperto haberent, coiêre tandem communibus comitijs, vt quid de viro Dei statuendum sit, in medium singuli consulerent. Nemo omnium erat, qui pro ipso non staret, atque optima quæque quæ viderat, de eo diceret; cumque de sacello illic, vbi ipse degebat, erigendo mentio incidisset, quod tam ipsius, quàm incolarum eò confluentium sacro, pioque successui commodum esset, quamuis nonnulli dilationem operis, virique diuturniorem experientiam suaderent, præualuit tamen potior pars, ita vt communi impensâ distributis viritim laboribus, opus Deo acceptum adgredi decernerent. Certatim igitur materiam Sacello necessariam congerunt, lapides, cæmenta, ligna,

con-

conuehant, laborant per vices strenuè, nec ab opere nisi iam completo desistunt. Sacello denique non magnitudine, venustate tamè, tribusue aris conspicuo, tugurium nouum adijciunt, è quo viro Sancto in templum & prospectus, & aditus pateret ad preces Deo fundendas, quorum vtrumque vetustate, ac religione venerandum, etiam hodie pie visitur, ac frequentatur. Est casa illa vsitato patriæ more ex tignis abiegnis rudi opere per quatuor angulos connexis constructa, arcta pariter & humilis. Longitudo eius superat aliquando decem pedes, latitudo non totidem æquat; altitudo sex pedum procerè Nicolai stature nō respondebat, ita vt in pedes erectus non nisi conuerso aliquantulum ad pectus capite stare cogeretur; duabus fenestellis lucem diurnam admittit. Suppellex illi eadem, quæ in prior

ri

ri spelunca fuit, id est, nulla; pro lecto durus asser, ac pro cervicali saxum in cellę latere adhuc visitur, magnoque à confluentibus pietatis affectu honoratur. Hoc edificio tãdem circa annum Domini 1468. absoluto donatus est liberaliter Nicolaus à popularibus suis, illudque eodem tempore magno pietatis sensu incolere cępit.

CAPVT V.

Sacellum Nicolai dedicatur, ac donis exornatur.

EXspectabat iam edicula Nicolai extremam Pontificis manum, quã solenni ritu Deo, Diuisque pro more dedicaretur, itaque à profanis vsibus absoluta penitus, non nisi ad sacros, diuinosque designaretur. Ne igitur Subsilvani etiã hac ex parte officio suo, atq; auxilio

lio deesse velle viderentur , communi Plebiscito Legatos ad Hermanum ex prænobili Landenbergensium sanguine oriundum Constantiensium pro tempore Pontificem (cuius amplissimæ sacrorum curæ Subsilvania subest) destinant, petatum, vt misso initiatore suo in eas partes, ædem, quam Diuino comprimis cultui, ac municipis sui vsui construxissent, Deo sacrari curret. Nec mora, missus in Heluetiam sequenti, millesimo scilicet quadringentesimo sexagesimo nono, Thomas Ascalonitanus Pontifex, Hermanni Constantiensis in Pontificijs officijs Vicarius, Sacellum illud solennibus consuetisque auspicijs 5. Calendas Maias dedicauit. Atque ex eo tempore celebrior etiam fieri cæpit, tum eiusdẽ eremi, tum etiam ipsius viri Dei famâ. Multi quotidie eò confluebant, multi missis aliunde muneribus

bus locum illum sacrum exornabant. Certè Pontifex ipse Hermānus Constantiā Nicolao ad ornandam ædiculam recēns consecratam vim argenti non exiguam, duplicemque super aras lychnum ex aurichalco eximię magnitudinis misit. Et candelabra quidem Nicolai præcepto in æde Parœciæ Saxellensis diuinis officijs præluxerunt, argento verò fundus pascuus in rē Sacello necessariā cōemptus est. Liberalitatem huius sacri Principis æmulati deinde sunt etiam alij per Germaniam magni Proceres, ac Magnates Romani Imperij. Sigismundus in primis Austriæ Archidux eiusque pia coniux Eleonora Scotiæ Regina, loci, virique famā permoti, calices auro, argento, opere, pondere, ac magnitudine spectabiles, cætera item diuino cultui necessaria, supellectilia liberali manu per in-

E

ter-

ternuncios eò destinârunt, sese-
que, ac suos Nicolai ad Deum pre-
cibus enixe commendarunt. Eni-
muero grata fuisse Deo tantorum
Principum munera, & accepta,
Nicolai pro ijs profusa vota, euen-
tus declaravit toti patriæ exopta-
tus, ac salutaris. Nondum enim,
ad id vsque temporis infestæ ho-
stilitates Serenissimam inter do-
mum Austriacam, ac Heluetios
prorsus deferbuerant, quas tamen
hic ipse denique annus eius sæculi
septuagesimus tertius finijt, sopi-
uit, extinxit. Simul enim ac gra-
uis illa inter tantas partes simul-
tas viri Dei lacrymis, precibusque
veluti manu absterfa est; corda
vtriusque partis adeò inter se coa-
luerunt, vt perenni eoque hære-
ditario, quod vocant, fœdere a-
micitiâ perpetuâ stabilitâ, ipse
Archidux non paucos ex Lucer-
nensium ciuibz in certum datę fi-
dei

dei, pactęque amicitię signum, sibi à consilijs esse iusserit. Quam rem multi magno adscripserunt miraculo, nec refragari poterit prudens lector, qui anteaactorum temporum, ac discordiarum vel leuem notitiam consecutus sit.

Reuera subinde sacello etiam, aliorum hominum pia dona, ita, vt non multis pòst annis, septuagesimo nimirum septimo eius qui ex collata stipe honesti ad alendū Sacellanum reditus à Nicolao congesti sint. Quem proinde tabulę publicę, quę hodie extant, eius Capellanix primum Fundatorem produnt. Adiecit summus eius temporis Pontifex Paulus II. hisce profanis etiam sacros Indulgentiarum, vt vocant, thesauros, quibus ædiculam illam iam Deo consecratam condecorare, sui que animi singularem affectum tum in Nicolaum, tum in totam Helue-

tiorum nationem testatum facere voluit. Eiusce liberalitatis diploma sedecim purpuratorum Patrū grandioribus sigillis optimè communitum adhuc hodie in eādem æde conseruatur, eique cohæret etiam alterum Hermanni Constantiensis Antistitis, qui prius illud Româ receptum autoritate suâ non tantum stabiliuit, verum etiam recentibus gratiarum indultis cumulauit.

C A P V T VI.

*Inedia viri Dei varijs experimentis
denuo probatur.*

PLerisque iam indigenarum penitus persuasa erat Nicolai perennis inedia, non tamen omnibus, dubitare denuo ceperunt multi, & vt est inconstans vulgi ingenium; fraudem aut simulta-
tio-

tionem formidare, suspicari, ac palam murmurare, clanculum viro cibos inferri. Quamuis igitur, vt supra memorauimus, Nicolai hac in re sinceritas iam pridem, arctâ satis, diutinaque custodiâ probata erat; Siluani tamen certius etiam veritatem experturi, publico plebiscito recentes excubias decernunt, easque per omnem circumquaque vallem ita disponunt, vt accessus, recessusue ad eum pateret nemini, nemini vnquam permetteretur, donec res explorata penitissimè constaret. Mensem integrum custodes vigili solertique curâ in suis illis stationibus exegerunt, certi eo toto tempore Nicolaum omni non tantum subsidio, sed etiam aspectu humano caruisse; & quia interim vir Dei solus in summâ quiete diuinis commentationibus absorptus absque omni virium, ac valetudinis

decremento perseverâsse deprehensus fuerat, obsidio denique soluta est, omnisque de eius integritate vanus metus, ac falsa suspicio hominum animis exemptus penitus evanuit.

Quinimò quo rei veritas probatior, atque sublimiori auctoritate confirmata celebrior euaderet, cum de sacello initiando Subsiluani Constantiensem Præsulem, ut supra memini, convenirent, simul de prodigiosâ Nicolai inedia solennem apud eum mentionem fecerunt, ut, si vellet, eiusdem insigne aliquod, atque arbitrarium experimentum etiam ipse capere posset. Qui proinde Præepiscopo suo, Ascolitano, ut dixi, Antistiti seriò etiam hoc negotium, diligenterque discutiendum commisit. Peractâ igitur pontificio ritu templi dedicatione, Thomas præfatus Præsul affixam ædi sacræ Nico-

co-

colai cellam subit, multamque diei partem, sublimiora cū eo colloquia miscendo, multo cum pietatis, suauitatisque sensu consumit. Miratur diuinam in homine rudi eloquentiam, vitæ austeritatem, supra humanas vires, visiones, ac vaticinia insolita; ac denique cū de virtutibus sermo occurreret, rogat, quānam ipse virtutum omnium principem, ac reginam, æterno Regi ac Principi amicissimam esse existimet. Cui mox Nicolaus respondet, obedientiam, sibi inter virtutes cæteras imperium obtinere videtur. Dum verò ille suauiter renidens, sinu eam in rem recondita iam ante panis fragmenta, vinique potiunculam producens; en inquit, mi frater panem, quem tibi obedientia apponit, en vinum, quod eadem tibi virtus propinat; sume, gluti, vt obedientiæ præmium in coelis

obtineas. Percussus hoc dicto vir Dei, eò quod totius sesquianni spatio nihil iam cibi, potûsue gustâisset, obsequi tamen mandantis præcepto paratus vnum ex tribus panis fragminibus manu leuat, illudque vt in tres micas comminutum sumere liceat obnixè rogat. Cumque id haud ægre impetrâisset, ingestam ori buccellam non, nisi ægerrimè per aridam, insuetamque gulam, reluctante etiam ob cibi insolentiam stomacho, dimisit; vini deinde guttulam ore exceptam non sine graui horrore, ac nausèâ in ventriculum traiecit. Quâ sumptâ ingens stomachi dolor eum ita deiecit, vt attonitus pius Antistes veniã facto rogaret, palamque ediceret, hoc euētu incendiam viri Dei abunde probari, id se non suâ, sed Principis sui auctoritate sibi sumpsisse, vt virum tantum tentaret, relaturum se dili-

li-

ligenter, quod accidisse vidisset,
Deique in hoc homine gratiam,
ac prodigia passim deprecaturum.

Hermannō deinde officio, vita-
que functo in Constantiensi Sede
successor legitimè datus est Otho
Comes à Sonnenberg, qui famâ
de Nicolao in dies increbescente
excitus, in rem ipse præsentem ve-
nire, reique statum exploratio-
rem etiam facere decrevit. Qua-
propter tantus Princeps in viam
se dare, ad Siluanos contendere,
eremum, humileque viri Sancti
tuguriolum subire, verbis cum eo
de rebus diuinis congregi, ac de-
nique nihil omittere, quod ad for-
mandum de viri integritate iudi-
cium facere posse iudicaret. Mul-
tis igitur ultro, citroque habitis
sermonibus, in ea Princeps verba
prorupit, quæ viro Dei apud om-
nes ingentem laudem, atque exi-

stimulationem conciliabant; mirari se, ac prodigij loco habere vitam eius, morésque sanctos, gratulari se patrię, sibi, ac diœcesi suę talem virum, Deoque gratias ingentes referre, qui eo tempore tantam Ecclesia suę columnam suscitasset. Sperare, se eiuscè viri suffragijs, meritisque felix in pontificio suo munere regimen habiturum. Sic Pastor egregius de insigni ouiculâ suâ gloriabatur, eiusque pijs apud Deum precibus caulas suas commendans, eò, vnde venerat, est reuersus.

C A P V T VII.

Quo subsidio vitam tolerârît Nicolaus in tanta inedia.

PRIMIS, quos in solitudine Nicolaus transegit, annis, cum Sacellum eius proprio adhuc
Sa-

Sacerdote careret, rariùs quidem, quàm vellet, officijs diuinis assistere potuit, quotidie tamen, quòd corpore non posset, ijs animo, pijsque cogitationibus interesse studebat. Diebus interim ab opere feriatjs ad Saxlensem Parëciam mille inde passus sitam viâ arduâ, atque asperâ contendebat, ibique sacris operanti Curioni suo rarâ pietate, singularique exemplo aures, oculos, mentêmue accomodabat, ac peracto Dei cultu conuerso itinere rectâ domum remeabat. Quia verò semel saltem in hebdomada mysteria in Sacello eius celebrabâtur, ijsdem ipse assiduus assistebar. Verum vbi denique decennio pòst eremus illa proprium, vt dixi, Sacellatum sustentare potuit, facienti pius Anachoreta quotidie aderat ac deinceps, nisi fortè insigniores Indulgentiæ eum aliquò euocarët,

nusquam abibat. Hoc autem pacto cum diuinis epulis sedulus interesset, ne uos suos Sacerdoti prius confessus, priore quidem tempore, cum dies solenniores occurrerent, posteriore verò, quot mensibus ad eandem ipse proptus hospes, ac conuiua accumbebat.

Cum igitur eius iam toties explorata inedia multis admirationi esset, iidem, qui eo familiariter utebantur, ex ipso discere sæpius cupiebant, quâ tandem re pasceretur, vitamque toleraret. Integris perpetuò erat viribus, seu domi asconderetur, seu foras aliquando prodisset, hilarem, explicatamque frontem nunquam contrahebat, sano, viuaci ac forti corpore semper apparebat, omnis doloris & gritudinis prorsus expers. Quærebant itaque ex eo sæpius amici, quò tandem id nutrimento consequeretur, ut tam vegetus sine

ne

ne omni cura humana viuere possit. Id cū inter cæteros aliquando supra nominatus eius Parochus Osvualdus Isnerus ab ipso impensius exquireret, rei tandem seriem ipse, quamuis ægrè, ex ordine ei pandit: Cū, inquit, mi pater, facienti Sacerdoti adgeniculor, cumque sublimi illo cōuiuio pasci conspicio, aut ipse etiam suo tempore ijsdem diuinis dapibus vescor, tanto solet diuinitus perfundi animus meus deliciarum, roborisue spiritualis oceano, vt eius copia vbertim etiam in corpus redundet; hinc scilicet est, quod nec terrenum quidquam esurio, nec sitio: hinc robur, hinc vires meæ; Christi corpus eiusdemq; sanguis vnica mea sagina est; *in me manet ipse, & ego in eo, Io. 6. vivo ego iā non ego, uiuit vero in me Christus. Gal. 2. ipse mihi cibus, potus, sanitas est atque medicina.* Hæc ille.

Alijs

Alijs item rarioribus sibi, carioribusue amicis de eâdem re eum sollicitantibus, illud etiam addidisse fertur, extremos Seruatoris nostri in Cruce perlatos dolores, in commentationem adductos, tâtas in eius pectore suauitates operari, vt inde per corpus etiam diffusus vitalis quidam vigor membris omnibus robur, ac vires subministret. Præ cæteris autem potissimum morte Christi se pasci, inclinatum eius caput suo corde excidere, emissum eius spiritum hianti, ore haurire, hæc nimirum sua esse pascua, quibus quotidie nutriatur, indeque alio sibi pabulo opus non esse. Hic velim errorem suum corrigant profani nonnulli rerum diuinarum æstimatores, qui delicias suas, atque alimenta non, nisi cum beluis in terra quærunt, rati coelum nihil mortalibus necstaris aut suauitatis depluere, qui-

que

que adeò inter dulcissimas Angelorum epulas fament , ac macie contabescunt, nec saturantur, nisi quando cum canibus ossa rodunt, & cum vulturibus cadauera depascuntur : quando in cænosis voluptatum volutabris circumvoluuntur, tum denique benè habere se putant, qui inter aras nihil quod sapiat, inveniunt, toti ad haras nati ; fastidiunt, quæ Dei sunt ; quæ seruiunt abdomini, totis præcordijs complectuntur. Hi inquam tales Nicolaum sibi nostrum ante oculos ponant, vitamque eius cum sua componant velim, ac denique saniore sensu iudicent, quanta pro his interituris sit rerum supernarum efficacia, quantumque præ terrenis hisce coelestes escæ etiam in humano corpore possint, vt cum Nicolao nostro sani, validique, & animo, & corpore consenescant.

CAPUT VIII.

Quotidianæ Nicolai exercitationes.

N VLLVM diurni, nocturniue temporis momentum sine fructu aliquo singulari transibat Nicolaus, sed eius semel ritè positam, ordinatamque rationem observabat diligentissimè, nec latum ab ea recedebat vnguem. Potissimam diei, noctisue partem diuinarum rerum commentationi, officio diuino, alijsque sublimioribus exercitationibus dabat, idque à noctis medio ad meridianas usque horas ininterruptè facitare solebat; exinde vel aduenis ad eum consilij, solatijque causa concursantibus aures dare, vel cœlo fereno extra cellam eremū obambulare, nonnunquam etiam vicinum

num Anachoretam, quem socium
eremi adsciuerat, vt postea expo-
nam, inuisere, ac diuinos cum eo
sermones miscere solebat; sub ve-
speram verò ad consueta pietatis
exercitamenta solus redibat, ac
denique maturâ iam nocte breui
somno interquiescebat. Hic il-
lius vitæ cursus in eremo perpe-
tuis fuit, à quo nihil vnquam nisi
fortè aliud aliquando suadente
caritate, aut necessitate exigente
remittebat. Inter commentan-
dum potissimum mysterijs vitæ, ac
necis Seruatoris nostri intentus e-
rat, atque in eam rem succinctum
omnium eorum mysteriorum cō-
mentariolum in nonaginta duas
sectiones distributum memoriâ re-
tinebat, quem deinde ab alijs ex
eius ore exceptum calamo, pijssi-
mæ memoriæ P. Petrus Canisius
Societatis I E S V toto orbe notissi-
mus Theologus, ac Sacerdos, in
or-

ordinem redactum typis, ac luci publicæ mandavit. Quibus meditando formulis Author ille tantus inter alia in hunc modum præfatur: *Sciendum, inquit, est, à sermo illo Dei, pio, ac deuoto meditationes sequentes cum adiunctis diuersis suis præculis, dū adhuc viueret, confectas, dictatas, atq; dubio procul sæpe sapius noctu, diuque ingenti cum fructu, ac pietatis sensu usurpatas fuisse. Multorum item testimonio constat, à Deo idipsum calidis desiderijs sæpe expertus, ut ea denique precandi formæ in ordinem reductæ, ac typis vulgatæ, christianæ plebis manibus passim tenerentur. Probè enim satis intelligebat, quanti referret, vitam mortemque Christi sanctam atque innocuam assidue animis hominum obuersari. Deoque de tantis beneficijs grates sæpius agi. Quæ adeò diuinæ commentatiunculæ eò nobis acceptiores esse debent, non solum, quia no-*
ui-

nimus eas prodysse à rerum diuinarum peritissimo, Sanctique Spiritus ditissimo Dei amico, verum etiam quia præcipua auitæ fidei nostræ puncta breui compendio complectuntur, nostræque redemptionis potissima capita meditanda nobis proponunt, ac denique Christiani hominis officium clare exhibent. Hæc Canisius; ac post non multa præfationem illam hisce concludit: Deus Opt. Max. faxit, ut hæ meditationes, ac preces nunc primum in lucem editæ, ipsius Nicolai spiritu ab omnibus complexæ, ac sapius lectæ fructuosè usurpentur. Subijcit deinde idem grauissimus Author etiam alia nonnulla Nicolai pia suspiria, quibus verba Orationis Dominicæ, ac salutationis Angelicæ paulò prolixius considerando intercalare solebat, ex quibus omnibus diuinarum rerum perito facilè colligere est, quàm vir Dei in sacris rebus minimè rudis, sed

exer-

exercitatus esset, quibusuè in iisdem affectibus moueretur.

Illud identidem ad se accedentibus inculcabat, Nihil toto orbe terrarum esse melius, salubriusque quàm mentem puram, ac conscientiam mundam conseruare, eamque, si fortè labem aliquam contraxerit, per sacram exomologesin sæpius ritè expiare. Cùm quid aduersi pateretur, illud vnum pro axioma in ore versabat: Hæc est voluntas Dei. Pro triplici etiam beneficiorũ genere quotidie Deo gratias agitabat, primò quòd diuino nutu bonam vxoris, ac liberorum veniam sepositâ rei domesticæ curâ, solitariè viuendi, Deoque vnicè seruiendi impetrâisset; deinde quod eiusdem liberali fauore, nullo vnquam siue desiderio, siue cogitatione ad suos redeundi tentaretur; ac denique quod sine omni corporis alimento vitam sano; atq;
inte-

integro viuere diuinitus liceret, ad quam gratiam à puero se multis votis, ac lacrymis anhelâsse fatebatur, vt tanto remotius ab omnibus mundi huius impedimentis abesse, Deoque vni affixus hæerere posset.

Illud tamen cæterorum Dei in se beneficiorum caput, & fontem, censebat, quod ab vxore, ac liberis liber euolare in desertum permisus fuisset, idque tanti faciebat, vt etiam à Deo acceptam inediae gratiam huic longè posthaberet. Et quamuis corpore non procul domo abesset, animo tamen inde, tanto distabat interuallo, vt nullo vnquam tempore suos vel ad momentum interuifere in animum induceret, aut domum semel derelictam intraret, quantumuis illa omnino viæ proxima esset, quæ cum sæpissimè ab asceterio suo ad Saxellensem Parochiam diuinorum officiorum causâ ducebat. Euenit ali-

aliquando, vt eorūdem antiquos Penates suos præteriens die festo Nicolaus, nescio quid clamoris intus exaudiret, veluti si liberi eius inter se rixosis verbis altercarentur. Motus cā re pius Pater, & ad fenestellā propius ex itinere attractus, seuerè liberis pacem, ac silentium indixit, atque e vestigio pedem inde referens, viam suam pauidus perlegit, eò quod hoc factò ab institutū sui rigore deflexisse sibi videretur, eamque noxam seriā animaduersione in se expiauit. Solebat tartareus hostis ex eo tempore, in itinere redituū Nicolai ex sacrā æde, sæpius in eadem domo immanes tumultus excitare, quibus tamen eum nunquam permo- uere potuit, vt vel ad momentum consisteret, vel respiceret, quasi ad se domus illa nunquam pertinuisset.

Quod si etiam vxor comitanti-
bus

bus liberis nonnunquam, quod tamen rarò fiebat, tugurium eius ad visendum eum, videndumue ingressi essent, nullam ipse de rebus domesticis, profanisue vnquã mentionem faciebat, salutari compendio de vitã rectè, ac salubriter instituenda, ac constanti in diuinis obsequijs perseuerantiã instructos, breuique domuitionem parare iussos ab se dimisit. De hac re sic Petrus Canisius: *Vxorem suam, liberosque sæpius hãc salubri, ac paternã admonitione impertiebatur; Filioli mei, caute vnquam Omnipotentis Dei obliuiscamini, hunc time, eius Maieſtati seruite, cum omni diligentia, ac deuotione; omnes vestros conatus, vitamque adeò omnem eò intendite, ut ei tanquam supremo Domino vos consecretis, ipsius voluntati, ac mandatis obsequentes; ipse enim est, qui vitam dare, atque auferre, seruare, atque perdere potest.*

Ita

Ita Canisius. Aduenas, si quando ad colloquium horis, ut dixi, pomeridianis, ac subseciuis admitteret, comiter excipiebat, salutabat, venerabatur, faciem ipsis benignam, ac serenam explicabat, & quidquid in medium protulissent, æquabili semper fronte ad singula respondebat. Viros filiorum, fæminas omnes filiarum nomine compellitabat, solatia, consilia, instructiones, exhortationes dabat omnibus, stantes firmare, lapsos erigere, emendare improbos, erudire nescios satagebat. Cum viris etiam eruditissimis ipse omnis literaturæ, imò etiam scribendi, legendiùe artis expers, ita conuersabatur, ut non tantum omnibus faceret satis, verum etiam in multis facem præluceret, iisque rectos sæpe errores animo eximeret, id quod de ipso testatur etiam inter alios Abbas Trithemius his verbis.

his . Hic homo Dei nobis suo tempore miraculum fuit ; qui cum esset omnium literarum penitus ignarus , intellectu tamen Scripturarum mirabili subtilitate vigeat , dabatque ad interrogata quorumlibet eruditorum responsa non secus , ac S. ille Antonius Eremita Philosopho doctissimo quondam sine literis reddidisse fertur . Hæc ille .

CAPVT IX.

Salubribus monitis Heluetios populares suos instruit .

MAGNVS erat , vt dixi , unde quaque ad Dei virum , tam indigenarum , quàm peregrinorum è longinquo confluxus , nemo ferè Diuam Virginem in eremo Suitensium salutatum veniebat , quin idem etiam in eremo Subsiluaniensi (quamuis hæc ab
F illa

illâ vnius solidi diei itinere distet) tanti nominis, fameque virum conuenire, eiusque sese apud diuinum Numen pijs supplicijs commendare vellet. Multi velut miraculum mundi, id est, hominem visuri, qui cœlestium Geniorum more absque omni alimento subcœlesti viueret, ventitabant; alij velut ad oraculum conueniebant, vnde futura prœdiscerent; alij demum ad eum tanquam ad asylum properabant, quos scilicet aliqua insignior calamitas oppressisset. Exteros autem longè superabant populares Heluetij & frequentia, & audiendi eum, & discendi auiditate; his obedientiam cum primis commendabat, quam supra memoravi principem inter cæteras virtutes locum apud ipsum obtinuisse. De cætero eos sic plerumque affari solitus erat, teste Canisio: *Filioli mei ac filia, libenter audite*

*dicite Catholicos Pastores vestros, ac
Præpositos, ab illis veritatem discite,
doctrinam eorum mordicus tenete,
atque opere pro viribus complete,
quidquid vobis factum, creditumque ne-
cessarium proposuerint. Si his tan-
quam promptæ ouicula obsecundaue-
ritis, nihil unquam diuini nutûs so-
liciti desiderabitis, qui enim hos au-
dit, Christum audit, qui nobiscum
est, & manet in Ecclesiâ usque ad
consumationem sæculi. Si quâdo eti-
am opifices, ac mercatores instrui
ab ipso de suâ salute postulabant,
opificia eos sua, atque mercimonia
fincerâ fide, atque innocuâ con-
scientiâ exercere, nemini iniuriam,
dolum, fraudemue, seu dicto, seu
facto irrogare suadebat. Coniu-
ges monebat, in Dei timore vitæ
sux rationem sequi, sine querela
œconomiam curare, charitatem,
Dei, ac proximi vnicè in exequen-
dis officijs suis sectari, atque in,*

pictate perseverare, hâc enim viâ æque ad cœlos aditum patere, atque ex ipsa cremo; neque enim mortalium cuique concessum, aut consultum esse, vt ab omni hominum consortio seiunctus vitam in cremo cum Ioanne Seruatoris nostri præcurfore solitarius degat.

Proceres Heluetiorum consilij causâ ad ipsum crebrius concurrentes sui officij liberè admonebat, totique Patriæ proficuis consilijs adiuuabat; *Canete, inquit, O fæderati, discordias, inuidiam, atque odia mutua, ne admittite fauores, partiumque dissidia, veluti patriæ ac Reipub. vestræ pestes reprimite. Fæderis vestri limites non plus ultra promouete, sic enim quietius, ac securius libertatem, quæ tanto vobis, vt nòstis, stetit, tuebimini. Exteris negotijs, ac fæderibus ne commisceamini, munerum corruptelas execrari vos cane peius, & angue conuenit, ne*
unquam

unquam aut patriam vendere, aut proprijs commodis studere velle videamini; exules, domoque extorres, vestris finibus arcete; nisi gravis causa urgeat, ab hostili vi atque incurfu abstinete; vim tamen vi repellite, patriam ac libertatem viriliter propugnate, ita tamen, ut hac defendisse sufficiat: Ante omnia autem Deum timeate, & mandata eius custodite; Sacerdotes honorate, monita eorum observate, quamvis discoli sint, vitamque à statu suo, ac dignitate alienam vinant, quemadmodum enim frigida nihil interest, quocunque demum canali, plumbeo an cupreo, aureo an argenteo vehatur, ita divinis gratia donis perinde est, bonorum nè à malorum Sacerdotum ministerio cælitus in ritè, digneque dispositas mentes transfudantur. Hæc aliaque id genus plura monita popularibus suis Nicolaus dabat, quæ haud dubiè integritatem mentis in eo

viro singularem clarè demonstrârunt.

Dilingæ quondã Adamo Vuallassero autore libellus in lucem prodijt, ad cuius calcem Dialogismus quidam reiectus est, qui colloquium inter Nicolaum nostrum ac peregrinum quẽdam hominem innominatum continet, ex quo placuit nonnulla huc referre. Sic igitur orditur viator ille *Cùm essem in exilio meo, locauẽ gratijs, ac beneficijs diuinis illustraria perlustrarem, ex itinere in Subsiluaniensem eremum diuertĩ, ubi reperi hominem, quem fratrem Nicolaum indignitabant; ex cuius aspectu exiliebat præ gaudio cor meum, in eo enim miracula Dei contemplabar, eò quod omnis naturalis alimenti expers viueret. Cùm eum salutassẽ, ipse me vicissim peramanter suscipiebat: Tum ego, Mi frater, num placet aliquantisper in Dei amore colloqui? cum*

Serna-

Servator noster testatus sit , ubi duo in nomine eius congregati fuerint , in medio eorum se esse. Mat. 18. Tum ille, ediffere, inquit, quæ tibi de amore Dei occurrunt . Hæc ille, subnectit deinde quæstiones in medium prolatas, atque explicatas de diuino amore , de immaculatâ Deiparæ Virginis conceptione, de pane, quem quotidianum vocamus , de graui pestis lue &c. quæ omnia, percensere cùm superuacaneum, esse videatur, ac nimis longum, vnum tamen alterumue viri Dei responsum non tacebo, vt ex his paucis clucescat, quàm imbutus diuinis rebus fuerit serui Dei animus . Cùm colloquutor ille de quotidiano, vt dixi, pane quæstionem haberet, diceretue viuum, panem à Deo maximè esse postulandum, qui nos cœlestibus gaudijs æternum asserere possit, respondit ipse : Rectè, vt reor, de hoc

pane locutus es; in quolibet enim pane latet gratia Dei, quæ si subtrahatur, nequicquam homo vitam in eo querit, nec magis illo satiari potest, quam si lapides comederet. Quando Deus per suam illimitatam potentiam clanculum parvulam panis hostiam subit, tum quidem panis transubstantiatur, ita ut tam non sit illic amplius naturalis panis, sed ex Dei liberalitate caro & sanguis, verus Deus & homo, invisibiliter tamen, & in quâvis hostiâ à Sacerdote cōsecratâ, imò in quâvis eius vel minimâ portiunculâ perfectè, atque inconcise tota Deitas continetur, ac perseverat. Atque hic est denique panis noster quotidianus. Ita ille. De sæuâ autem pestilentie contagione, cum vir Dei quæreret ex hospite, quidnam censeret, num quisquam mortalium iræ diuinæ se subducere posset, & hospes in diuinæ id providentiæ, gratiæ uero manu consistere, pluribus asseueraret,

raret, eiusdem sese opinionis esse respondit; ire quidem diuinæ subtrahere sese neminem posse; tamen qui se in veritate conseruaret, ætatemque in amore Dei constanter ageret, quidquid demum accidat, id malè ei euenire non posse. His alijsque vltro, citroque habitis sermonibus, de quibus paulò infra pluribus, viator ille incognitus preces Nicolai exposcens, iter suum repetijt.

CAPVT X.

Viso mirabili instruitur Nicolaus.

SOLET Opt. Deus varijs modis erudire, atque illustrare suos, quorum quidem simplicitatem animi, mentisque candorem eximium, ac diuina addiscendi, partiendiue ardorem experitur. Et solet id non rarò efficere ostentis.

quibusdam, ac figuris ad speciem quidem exigui momenti, quæ tamen & plena mysterijs, & ad commentandum de rebus sublimissimis accommodatissima sint. Testes huius rei habemus ipsas etiam sacras tabulas, quæ veterum nobis vatum Isaïæ, Ezechielis, Danielis, ac cæterorum rotas, currus, mira animalium spectra, & sexcentas alias formas obiectas exhibent, quibus illis sapientissimus Deus summa Sacramenta veluti tenui velamine operta demonstrare voluit. In horum numero Deus etiam Heluetium nostrum Vatem censuit, vt cum ex supra memoratis, tum etiam ex iam memorandis videre erit. Rota ei quondam coelo submissa ante oculos videbatur, quæ duplici abside iuncta sex radijs æqualiter distinguebatur; modiolum seu rotæ cardinem facies miri decoris firmabat, & facies

cies quidem illa diuinam præ se
Maieſtatem ferebat, redimita co-
ronâ, quali ferè Imperatores vtun-
tur. Radij ipſi aurei, ac lucentes di-
uerſis formis variabantur, tres e-
nim conuerſo in faciem cuspide,
ex eius oculis, auribus, oreque exi-
bant, & in extremâ rotæ abſide la-
tius deſinebant. Reliquorum verò
trium cuspis auerſus erat à facie,
extremæque rotæ margines aliquân-
tum tranſgrediebatur. Interiori
autem eius abſidi latius ſeſe dif-
fundentes eorum baſes inſiſtebāt.
Eiaculabatur hæc tota machina,
tam intenſam ex ſeſe vndequaque
lucem ſplendoremue, vt eo veluti
fulminatus vir Dei auerſo vultu in
terram proſternetur, tantoque ter-
rore perſtriſtus, cor ſibi in mille
partes diſruptum iri cēſeret. Imò
ex hoc incendio ſcintilla quædam
in viri ſancti faciem euibrata, ita
in eam velut in Moïſis quondam,

facie ad mortem vsque hæsit, vt qui eum deinceps viscebant, primo intuitu perterrefacti splendore quodam insolito percellerentur. Atque hanc ipsam tam admirandam figuram sibi cœlitus ostensam Nicolaus subinde in tabellâ delineari, ac perpetuò sibi ante oculos versari voluit, eamque tabellam librum suum appellitauit, quem in Spiritûs Sancti Accademiâ legere didicisset, in quo reconditissima quæque Sacramenta meditando quotidie perlegebat. Facies illa coronata in interiori rotæ abside, immensæ diuinitatis abyssum in summo cœli throno residentem, omniaque interim longè lateque implentem significabat. Interior absis supremum diuinę indiuisęque naturæ, atque essentiæ solium. Exterior verò totius Vniuersi ambitum repræsentabat; tres illi radij, quorum acies diuino nutui in-

fixa videbatur, diuinitatis triadem notabant. Procedebant illi ex ore, oculis, ac auribus, atque in extremo rotæ circulo terminabantur: unde vir Dei discebat, verbo Dei ex ore eius condita esse omnia, regi, ac gubernari omnia, quæ coeli terræque ambitu comprehenduntur; nihil vsquam agi, cuius ipse oculis suis arbiter non sit; nihil vnquam dici, quod ipse non auribus suis audiat. Hos eosdem etiam radios in exteriori circulo terminatos veluti vias quasdam sibi imaginabatur, per quas ex rebus conditis in cognitionem Conditoris veniri possit. Cæteri verò radij contra rotæ absides excurrentes diuinæ immensitatis notæ erant, quæ totius Vniuersi ambitu concludi atque comprehendendi non possit; eos etiam veluti vias quasdam explicabat, quibus Deus ipse liberalissimus in homines sese prodigaliter

liter effudisse, idque triplici præcæteris beneficio Creationis, Redemptionis, & Institutionis SS. Synaxeos. Quod denique bases eorum intus quidem latiores essent, foris verò in cuspides acuminarentur, id sic interpretabatur, Dei quidem opera in se magna esse, infinitæ verò Maiestati eius comparata exigua apparere; infinitum item Numen parvam formam in terris assumere, seseque sub exiguis panis, vinique speciebus in diuinissimo Eucharistiæ Sacramento occultare voluisse. Ex ijsdem etiam radijs colligere solebat virtutem illam Altissimi, quæ Deiparæ Virgini ab omni ævo prædestinata est, eamque suo tempore obumbravit, atque Spiritûs S. gratiâ implevit. *Luc. 1.* Item breuitatem vitæ humanæ, quæ cùm fluxa prorsus sit, ac transitoria, nobis tamen infinitam promereri possit beatitudinem.

nem . Hæc igitur cœlestis illius
 philosophia fuit, ac Theologia, cui
 Magistro Deo totis prope viginti
 annis dies, noctesque solerter in-
 cubuit, quamque etiam prout ipse
 didicerat, auditoribus suis magnâ
 animi demissione professus est .
 Nec dubium est, quin Deus hunc
 seruum suum multis etiam alijs o-
 stentis sæpe aut erudierit, aut exhi-
 larârit, quæ tamen eiuscè viri mo-
 destia in vulgus prodire, ac prodi
 noluit, ita prorsus ab omni iactan-
 tiâ atque ostentatione alienus erat .
 Illud inter cætera memoriæ prodi-
 tum reperio, quod diebus hilario-
 ribus, quos alij Baccho potissimum,
 venerique prauâ consuetudine so-
 lent dedicare, à familiaribus suis
 aliquando conuentus Nicolaus, in
 suâ cella humi prostratus, adeoque
 ab omni sensu abstractus repertus
 fuerit, vt mortuo quàm dormienti
 similior excitari vix maximo co-
 natu

natu potuerit. Vbi se sibi prorsus denique redditum sensit, quærentibus anxie, vbinam fuisset, quidne interim actitasset, paucis respondit: Suauissima sese hilaria loco procul dissito magnâ animi voluptate transegisse.

C A P V T XI.

Insidias dæmonum Nicolaus superat.

EO nimirum ingenio est, semperque fuit capitalis humani generis hostis, ut quos Deo amicissimos esse cognoscit, atque coniunctissimos, eos vel maxime hostiliter infestet, ac persequatur. Atque huius rei testem Iobum ex veteri testamento, ex nouo Paulum, aliosque liceret sexcētos producere, si causa ipso meridiano sole clarior patronis, ac testibus egeret. Quid enim veterum Patrum
toto

toto orbe longe, lateque per abditiſſimas terrarum eremos diſfuſaſceteria aliud, niſi paleſtræ, circi, aut amphitheatra fuerunt, in quibus viri ſanctiſſimi cum hâc beſtiâ decertârunt? Loquantur ipſi Antonij, Pauli, Hilariones, cæteri innumerabiles pugnas ſuas, ac victorias, quas de hoſte obtinuerunt, ego quia id ſuperuacuaneum eſſe duco, ad Nicolaum noſtrum poſtliminiò regredior, *Ne enim eum magnitudo revelationum extolleret, datus eſt ei Angelus ſathana, qui eum colaphizaret. 2. Cor. 12.* Tanto ſeſe impetu ſæpe tartareus ille turbo effractis veluti ſtygijs clauſtris effudit, atque in viri Dei tugurio- lum incurrit, vt illud propius à ruinâ abeſſe, funditusque peruerſi videretur. Sæpius aſſumptâ horribili ſpetie introgreſſus, cum eo cominus congredi non eſt veritus, vt vel verberum atrocitate, vel

mina-

minarum terrore cum inde exactum à proposito suo auerteret. Nonnunquam etiam eò audaciæ progressus est, vt fortem athletam venerando capillicio prehensum, ac proteruâ violentiâ foras protrahere eijceret. Verum enim omnes hæ turbulenti hostis machinæ incassum ceciderunt, vicit inuictissimus Nicolaus, vim quidem non vi repellendo, sed magnâ virtute sustinendo: obiecit viriliter infano tortori exsuccum inediâ & exâgue corpus; cædi maluit quàm cedere; raptari, trahi, proijci potuit, à proposito tamen suo auelli non potuit. Quid igitur vafer inimicus agat? receptui canat? manus det? herbam porrigat? peruicacia nimirum eius, etiam triumphata, frangi tamen non potuit.

Pro more atque ingenio suo, à vi ad fraudes, ac stratagemata descendit; hominis effigiem assumit,
virum

virum nobilem vano corporis oris-
ùe habitu mentitur ; vestis illi bō-
bycina , torques circa collū aure-
us , saphirus in digitis ; equo sede-
bat nobili , animi gratiā desertum
se obequitare simulabat , excitum
tugurio Anachoretam ad collo-
quium inuitabat , varia in medium
proferebat , atque inter cætera ,
displicere sibi eam vitæ rationem
in tali viro , rudē eū esse , atque im-
peritum , à versuto hoste facile de-
cipi posse , solum paruo impetu
sterni , & si ceciderit subleuantem se
non habere . Eccl. 4. tutius esse in
hominum societate viuere , sibi que
non nimium fidere ; longam nimis
esse hanc vitam , quam auspicatus
esset ; falli eum , si se in eā ad finem
vsque perseueraturum crederet .
Subiecit denique certò sibi consta-
re , hoc eum viuendi modo æter-
nam , quam quæreret , beatitudi-
nem , patrięque illius cœlestis gau-
dia

dia non consecuturum; rectius itaque facturum, si singularis esse destinat, ipse homo hominum more, atque inter homines viuat, nihilque humani à se alienum ducat. Altius, quàm dici potest, hæc tam fraudulenta, ac perniciofa dicta, Nicolai animum subiêrunt, eumque teli adinstar grauitèr fauciarunt. Sensit nimirum extemplo quis esset, qui talia suggereret, nobilis scilicet illè apostata spiritus, ruinâ cœlesti, nobilis implacabili in genus humanum odio, atque inuidia; vnde ipsum responsione non dignatus, silentio referendum, atque contemptu censuit. Mentem interim ad Deum, eiusque Deiparam Matrem conuersus, contra versuti veteratoris technas obfirmavit, opemque obnixè flagitauit. Quo factò vanus spiritus confusus euestigio apparere cœdesijt.

Aliàs

Aliàs item non procul à cella sua ad Melchæ ripam obambulantí Nicolao idem præstigiator opulenti mercatoris habitu occurrit, grandis enim ei de cingulo crumena pendebat. Cumque iam proxime virum Dei nefandus spiritus assisteret, sic eum affari cæpit: Quid tu hîc, mi frater, in solitudine solus? quid homines refugis, cum hominibus prodesse plurimum possis? prudens es vir, providus, ac præ cæteris multarum rerum experientissimus; hæccinè igitur omnia in deserto hoc te sepelire? subsidia tua, atque consilia, multis indigentibus necessaria, atque salutaria per separationem istam, atque obstinatam tuam absentiam suffragari? ad hæc Nicolaus: Tu verò, inquit, miser, quid me doces? tibi ipsi, si sapires, melius olim sualisses, cum cœlesti adhuc gloriâ fuerêre, ne vnquam
inde

inde expulsus in tartareas voragines demergereris. Atque hoc dicto superbum hostem ab se procul abegit.

CAP V T XII.

*Nicolaus Deiparam Virginem
enixè colit.*

FERVNT Nicolaum cuidam intimo suo amico Senatorij ordinis viro sæpiùs fassum esse, quotidianum quidem sibi cum larvis illis infernalibus certamen esse, se tamen post Deū præsidium in Deiparâ Virgine ponere, cuius ope, ac solatio in suis certaminibus nūquā destitueretur. Vnde multi non vana coniectura colligunt, pijsissimam illam Dominam sæpe seruo suo in ijs concertationibus aspectabili formâ adstitisse, ac monstrosa illa spectra in fugam vertisse. Illud omnino

nino indubitatum est, præcipua
post Deum pietate, ac veneratione
Nicolaum in hanc suam patronam
flagrasse, id monumenta de eo te-
stantur antiqua plurima, pictæ ta-
bellæ, biographorum eius scripta;
schediasmata cætera, quæ de ipso
mentionem faciunt. Coronam
certè eiusdem Virginis, seu rosa-
rium, ut vocamus, quod piacula-
ribus eidem salutandæ orbiculis
contextum veluti tesseram catho-
lici hominis circumferimus, è ma-
nibus ille nunquam ponebat, sed
versabat, ac percurrerebat creber-
rimè. Sed & peregrinus ille, qui-
cum, ut supra recensui, singulari de
rebus diuinis colloquio congres-
sus est, id se passim de eo per fa-
mam cognouisse prodidit, peculia-
ri Nicolaum in cœli Reginam
exarsisse religione, atque adeò fer-
re non potuisse, sed correxisse eos,
qui dicebant, intemeratam illam
Virgi-

Virginem in vtero quidem materno non sine originals peccati labe conceptam esse, mox tamen ut concepta fuerit, in ipsis adhuc maternis visceribus eiusdem macule purgationem, ac perfectam anime corporisue sanctificationem obtinuisse. Quid si hodie viueret vir Dei, quid dicturum putamus, & quam censuram notaturum eos Mariomastygas, quibus tam paruo in pretio ac honore est magna Dei Mater, quam quæuis ex geneatriobolaris læna? qui capram ab eam dignitate non superari blasphemant? qui facetijs, scommatibus, ac sacrilegijs eam, vbiunque possunt, lacerant? Præuidit sanè vir prouidus, ut paulò post exponam, hoc sacrilegum hominum genus, imò hanc styge oriundam prolem, eamque prius etiam, quam nasceretur, suo calculo damnauit, ac viperam magis cauendam, fugiendamque

damus præmonuit. Refert pijs-
simæ memoriæ Petrus Canisius, in-
ter alias precandi formulas, qui-
bus Nicolaus singulariter assueue-
rat, etiam hunc pium orandi, ma-
gnamque DEI Matrem salutandi
modum; *Salve pura, intemerata,
sanctaque Dei Genitrix Maria, ma-
ter misericordie, mater Christi Om-
nipotentis Dei, atque hominis. Rogo
te incotaminata, ac nobilis virgo pia,
ac digna Dei mater, esto nobis apud
Filium tuum dilectum, ac Iudicem
nostrum Iesum Christum efficax pa-
trona, ut miseros nos peccatores infi-
nitâ suâ misericordiâ in hac lacry-
marum valle impertiatur, ac in amo-
re suo, & gratiâ usque, & usque con-
seruet, nec nos huius mundi exilio
eximi patiatur, nisi corde contrito,
puroque pectore, pretiosa eius corpo-
re, ac sanguine pastos. Rogo te etiam;
O laudum, ac gratiarum plenissima
mater Maria, id nobis inter cetera*

à Filio tuo dilecto Domino nostro
impetra, ut piam misericordiam
suam non tantum ad omnes viros
peccatores, ac peccatrices, verum
etiam ad omnes fidelium animas ex-
tendat, easque ex penis purgatorij
liberet, atque in sempiternum suum
regnum misericorditer suscipiat, Amen.
Vnde denique abundè manife-
stum est, quo affectu, ac studio in
beatam Virginem noster Nicolaus
ferretur.

CAPVT XIII.

*Occultas hominum cogitationes
agnoscit.*

Multus quidem erat ad vi-
rum Dei, ut dixi, ex omni
hominum genere confluxus, ve-
rùm enimvero non omnibus sine
discrimine, ac delectu patebat adi-
tus, diuinitus enim id consecutus
fue-

fuerat, vt aduentantium ad se corda penitus introspiceret, etiamſi præſentes nondum eſſent, eoſque ipſe nec vidiffet ante, nec vnquam cognouiſſet. Probè igitur procul perſpiciebat, quos melioris vitæ ſtudium, ac fruges, quosque curioſitas ad eum detuliſſet, & hos quidem oppeſſulata ſpecûs ianua arcebat, illos autem blandè, ſua- uiterque excipiebat. Si quos leuitas animi tantùm, ac phariſaica tentandi libido eò adduxiſſet, hos ſcilicet omni ſtudio declinabat, nec eos vnquam in conſpectum ſuum admittebat. Acceſſerat ad ipſum vir neſcio quis moribus haud ſanè caſtis, quippe qui adulterino amore ſaucius coniugalis thori leges nullo loco habebat; is, cùm ſimulatâ religione multa, ab eo ſciſcitaretur, ſeſeque diſcendi auidum oſtenderet, manu prehenſus, atque à viro Sancto,

qui arcana pectoris eius jam prorsus peruaserat, ad profluentem Melcham deductus est. Cùm vterque descendisset, Nicolaus ad impurum hominem cōuersus. Hic, ego inquit, tibi demonstrabo, quis in alterâ vitâ sit eorum status, qui dum viuerent impuris, ac adulterinis amoribus sese implicuerunt. Quo dicto extemplo vmbrae duæ teterrimæ, (earum fortè pellicum, quibus ijs dum viuerent, turpiter insueuerat) ex aquis emerferunt, plusquam ferrum candens ignitæ, ita vt ex ijs vndique igniuomi flammæ globi prorumperent. Ruebant extra aquas in mutuos amplexus, atque in altum sublatae horrendum collidebantur; mox verò quadam vi occultâ in torrentem retrusæ non comparebant; vnde sæpius eiectæ, identidem atrociter vociferantes eodem reprimabantur, donec tandem videri prorsus

prorsus desierunt. Ea res adultero illi; de quo dixi, tantum terrorem incussit, ut vix pedibus constaret, animoque, ac viribus destitueretur; at verò Nicolaus contra suauiter hominem compellare, roborare, hortari ad meliorem frugem, turpes amores dissuadere, Dei in pœnitentes misericordiam commendare, atque ita eruditum ab se dimittere. Redijt ipse vnde venerat, suosque mores, ac vitam seriò correxit.

Socium suum Vdalricum, de quo plura infra, horis pomeridianis nonnunquam vir Sanctus inuifere, & cum eo de rebus diuinis commercium habere solebat. Cùm igitur die quadã sub dio pro more colloquerentur, ecce tibi adolescens procul ad eos accedebat oneratus tribus recentibus butyri massis, quas eius parentes tribus illius loci sacellis in lampadis vsu

offerendas deuouerant. Cùm igitur eminus vir Dei adolescentem aduentantem conspiceret, sublatâ dexterâ multas contra eum in aère cruces formabat, ita vt adolescentem, qui id obseruabat, in magnam raperet admirationem. Et iam Nicolaus abierat, cùm propius accedens ad Vdalricum puer, acquid frater Nicolaus eum eminus tot crucibus signâsset, sciscitabatur. Cui Vdalricus, ingenti, inquit, te cacodæmonum turba, cinctum vir ille perspicax vidit, qui tibi clanculum suadebant, hæc parentum tuorum vota in tuam rem conuertere, ijsque templa, quibus destinata erant, defraudare. Agnouit, quòd res erat, adolescens, vnde nimirum cogitationes, quas animo versâsset, originem traxissent: perlatis igitur, quò iussus fuerat, oblatisque patrijs illis donis, domum reuersus, vtrius-

vtriusque Eremitæ sanctitatem
deprædicare nunquam cessauit.

In pago Kerns maritus quidam
apud vxorem suam in suspicionem
adulterinæ consuetudinis cum vi-
cinâ muliere venerat. Fouebat in
fæmineo pectore zelotypas hac fa-
ces tartareus hostis, nec ei locum
interquiescendi vllum dabat; pro-
dibat aliquando infelix fœmina
domo in vicinum pratum, cuius
vmbilicum densi frutices occupa-
bant; huc cùm oculo suspicione
plenos conijceret, omnino videre
sibi videbatur virum muliere co-
mitatum, qui inter illas frutices se
occuleret, nec dubitabat, quin
maritus suus vnâ cum suspectâ fe-
minâ eò se adulterij committendi
gratia penetrasset. Vehementi igi-
tur furore succensa cultrum vagi-
na nudat, plenoque cursu ad lo-
cum properat, adulteram protin-
us confossura. Purum id erat lu-

dibrium impuri cacodæmonis, fructum enim ingressa neminem illic reperit; domi deinde suæ recto itinere requisitam mulierem suspectam, scabello residentem inuenit, atque in eius gremio filiolum, qui ab eius vberibus pendeat. Animo igitur penitus confusa, quod se delusam videret, ad fratrem Nicolaum se tandem conferre, eiusque consilio vti decreuit. Quo vbi peruenit, omnes ad eum aditus ab hominum multitudine, qui eo fortè tempore illuc confluxerant, obseptos deprehendit; succedebant adeuntibus recentes turbæ, quæ eam excludebant, quo minus secretò, quæ vellet, viro Dei colloqueretur. Non cessabat intèrea callidus ille genius clāculum perturbatæ mulieris animum furiosius incendere, eique indentidem suggerere, id quod de viro suspicaretur, dum ipsa domo labesset, certo

certo certius opere completum esse; unde cum accessum illo vespere ad virum Dei desperaret, iam jamque se ad reditum accingeret, ecce tibi vir Dei tugurio suo in sacellum, ubi hæc mulier inter confertissimam utriusque sexus turbam adhuc consistebat, prodire, sublataque voce veluti concionabundus simul omnes affari, ac dicere. Anxia quædam inter vos femina versatur, quæ huc me consultum accessit, huic ego confessor, domum ut redat, falsamque opinionem, quam de duobus illis immerito concepit seponat, cum sint eius criminis prorsus expertes. His dictis, ille quidem exemplo in cubiculum suum rediit, præsentibus verò homines admirabundè circumspiciebant, ignarè ad quem, vel de quibus verba illa tam fideliter, atque apertè prolata essent. Mulier verò illa, cuius causa age-

G 5

batur,

batur, rem probè intelligens, eodem momento, & se dubio, zeloque omni liberam, & maritum ab omni peruersa suspitione tanto testimonio abundè vindicatum persensit.

Accefferat aliquando ad virum Sanctum Heluetius nescio quis habitu, ac voce profanus, in vestitu enim nihil helueticum, sed peregrina erant omnia; nihil auitū, sed omnia ludicra & histrionica; hiabat enim vestis varijs de industria scissuris, ac per fenestratum thoracem vanitas vndique tralucebat. Hic igitur vanissimus homo, cum sese magno cum fastu ad virum Dei inferret, ac iactabundus rogaret, nunquid ei cultus iste placeret? respondit ille, si cor bonum sit, de cætero salua esse omnia; tuum verò cor tam sincerum, ac bonum esse posset, vt spreta hac damnata indumentorum insolentia à patriæ modestia

destia non degenerares . Atque ita
suauiter simul & neruosè correctū
domum remisit, quid verò nunc Ni-
colaus de sua Heluetia sentire cre-
dendus est, in quam è coelesti spe-
culâ despiciens, totam Galliam,,
Angliam, Italiā, Hispaniam, quoad
vestes videt immigrâsse? vanos
prorsus ne dicam stolidos popula-
res suos si pronuntiet, nimis certè
leui eos censurâ ferire iudicandus
est, vtpote qui tanto interuallo ab
antiqua maiorum disciplina defle-
xerint.

Constansiensis quidam ciuis pe-
corum mercatum exercens, ita re-
rum suarum incurius erat, vt breui
tempore ad incitas redigeretur; sæ-
pius illi per Heluetiam iter erat, vn-
de Nicolaj celebris fama eum late-
re non potuit . Cùm igitur sua in-
fundo videret, dicebat quibusdā
multa se de fratre Nicolao inaudis-
se, proinde iturum se, atque expe-

rientiâ probaturum, quid tandem vir ille possit. Pergit, à cingulo ingentem crumenam non ære, vel argento, sed fæno turgentem, restes item suspendit, quasi totos pecorum greges, atque armenta coempturus, atque ita Sancti viri conspectui se sistit. Ad quem Nicolaus, simulas, inquit, diuitias miser, tuamque paupertatem dissimulas; turget crumena, sed ne teruncium quidem condit. His dictis rubore perfusus inanis mercator pedem, vnde venerat, retulit.

CAPVT XIV.

*Absentium, & futurorum prognos-
es est Nicolaus.*

NON tantum corda hominum diuinitus adiutus Nicolaus inspicere potuit, sed etiam longè diffusa, ac multo post tempore secur-
tura

tura prospicere. Helvetiorum genti suæ multa veridicus vates præ-
nunciavit, quæ posteriora primum
secula non sine luctu, & dolore as-
pexerunt. Circa annum erus æni
sextum supra septuagesimum Hel-
vetiæ Cantones celebribus victo-
rijs de Carolo Burgundionum Du-
ce, qui eorum fines populabundus
intraferat, oppidisque nonnullis vi
captis, propugnatores eorum sus-
pendio multauerat, triumpharunt,
atque opimâ manubiorum prædâ
ditiores domum redierunt. Fuit ta-
men ea res ipsis fœderatis seges li-
tium, ac discordiarum; de spolio-
rum partitione dissensio inciderat,
& quidem cum in octo partes dis-
partienda essent Tigurini, Berna-
res, ac Lucernenses maiores portio-
nes postulabant, eo quod in eas ex-
peditiones maiores etiam cæteris
impensas fecissent; cæteræ verò
quinque Resp. quod æque se acce-

quæ rem gessisse, periculisue capita
obieciſſe dicerent, tribus illis Ci-
uitatibus inferiores eſſe nolebant,
ſibiſque de prædâ nihil ſubtrahi pa-
riebantur. Accedebant & Noitho-
num Legati, Friburgenſis ſcilicet, ac
Solodorenſis Reip. qui confædera-
torum animos ſolicitabant, vt in
eiufdem fæderis ſocietatem admit-
ti cum cæteris Cantonibus poſſent.
Dissentiebant etiam hic ſtudia, ac
vota; trium Ciuitatum ſententia
erat, non reſpuere tales ſocios, qui
ſe vltro offerrent; renuebant reli-
qui præfractis animis fædera am-
pliare. Tigurini igitur Bernates,
& Lucernenſes, cum cæteros à cõ-
ceptâ ſemel mente dimoueri poſſe
deſperarent, ſingulari ſibi fædere
Friburgēſes, & Solodoranos aſtrin-
xerunt, id quod permoleſtè ſanè
grauiterque Vraniēſes, Suitenſes,
cæterique fæderati acceperunt, at-
que eò denique lis deducta eſt, vt
ad

ad arma propè proruentes, non nisi ferro eam decidi posse sperarent. Displicuere meritò hi motus Nicolao nostro, quippe qui probè norat, quo incentive suscitarentur, quantæque illi Rerumpublicarum, pestes essent. Bono igitur publico quietem suam postponens, operam vnicè dabat, vti Stantiam Subsiluanæ oppidum communibus comitijs Heluetiorum Proceres coi- rent, ac de pace, fæderumque conditionibus æquis inter se animis disquirerent. Friburgensium etiam ac Solodorensium Legatos per internuncios hortabatur, iisdem comitijs sese sistere, ac Ciuitatum suarum causam denuò vrgere. Incredibile dictu est quanto studio tota Heluetiorum natio viri tam magni consilium arripuerit, prosperum iam inde omnes comitiõrum exitum augurabantur, quod tanti viri auspicijs conuocarentur. Ea passim popu-

popularium vna vox erat, Fratr^{is} Nicolai meritis, ac feruētibus apud Deum obsecrationibus omnem patriæ incolumitatem deberi, in prælijs illis Gransonensi, Murteni, ac Nascensi, non suas vires, sed Nicolai preces vicisse, absentem ipsum in militum manibus pugnasse, actū se acturos fuisse contra tantum hostem, nisi diuinum ipsis Numen Nicolaus propriū fecisset. Ita sanè disertis verbis Henricus Gundelfingius, hac de re scribit. *Ea nobis, inquit, certè sententia est, ut indubitatio credamus, Maximum, Optimum, Omnipotentemque Deum suos mites, atque benignos oculos conuertisse iam tandem ad robustissimos de magnâ Ligâ federatos, velleque hoc Religioso, Beatoque Eremita Nicolao intercedente à quamplurimis eos molestijs, perturbationibus, morbisque sanare, in eaque Liga conseruare, ac saluos facere. Quem sanè intercessorem in Bur-*
gun-

gundi or
rihen, q
habere a
colao gr
sioemq
nis gen
set pro
Nicol
tiones
felici
gione
Fede
ille
fin
suff
ter
fr
q
r
P

gundi onum circa Gransan, & Mu-
rihen, alijsque bellis federati nostri
habere alium potuissent, hoc uno Ni-
colao graviori, deuotiori, religio-
siori, & in omni absolute religio-
nis genere præstantiori? Actum fuis-
set profectò de federatis nostris, nisi
Nicolai, aliorumque deuotorum ora-
tiones apud Deum illuxissent, cuius
felicissimo ductu, firmissimæ reli-
gione perpetua quædam salus cunctis
Federatis nostris orta censetur. Hæc
ille.

Anno igitur eius sæculi octoge-
simo primo, indicto communibus
suffragijs, quo Nicolaus loco, ac
tempore suaserat, conuentu, cum
frequentes confedissent, antequam
quidquam tractandum proponere-
tur, ipse Nicolaus damnatâ pro tẽ-
pore, quiete, ac tugurio suo, qua-
tuor horarum iter emensus, Stan-
tium contendit, ac curiam ingressus
præsentia suâ coronam illam illu-
strem

strem mirificè exhilarauit. Cupidissimè aspiciebant virum famâ, ac Sanctitatis nomine toto orbe celebrem, elucebat ex totius oris, corporisue habitu eximius quidam splendor, qui omnium oculos perfringeat, nec iam quidquã aliud, nisi vt comitijs ipse præluderet, taciturni omnes oculis in eum defixis desiderabant. Tum verò Nicolaus modesto, ac graui vultu pauca præfari, propositiq; sui rationē exponere, cur desertum eo tempore deseruisset, cur comitiorum author fuisset, cur in tanto confesso dicturus ipse accessisset; de patriæ nimirum salute agi, deque popularium incolumitate, quorum vita, ac fortunæ animorum dissensione in discrimen vocaretur; decuisse utique priuato publicum bonum antepondere, suasurum se, non quæ suo pte ingenio aut humanâ prudentiâ, qua ipse minimè polleret, sed quæ ex elitis

Deo

Deo suggerente didicisset; discordiam Rerumpublic. pernitiem esse; fœdus eorum concordia coaluisse, eiusdem vinculo rupto, nihil firmum, nihil stabile superesse; diuinum ipsis hætenus fauorem aspici-
râsse, non quod viribus, sed quod animis coniunctis militâssent; pro patria vtique illos, non pro præda vitam exposuisse; turpe id sanè videri, quod nunc patriam perditum ire velint, ob leuis lucri cupiditatem, pro qua tanta prius alacritate proprium sanguinem profundissêt, Hæc aliaque id genus de tanta remomenta graui tanto ardore, tantaque oris libertate in medium vir Dei producebat, vt animis auditorum altius infixæ hærent, ipsique de pacis, vnionisque redintegrandæ conditionibus mox seriò circumspicere, omnesque simultates ponere non dubitarent, idque, vt Iosias Simlerus, quamuis à fide Catholica alie-

alienus historicus refert, Solinus Fratri Nicolai pij illius in Siluania Anachoreta interuentu, qui iam tum à tota Heluetia, imò ab omnibus passim veluti Sanctus habebatur. De Friburgensium verò, ac Solodorensiū Rebus pub. in fæderis societate admittendis, certò sibi constare dixit, id ex Dei mente, ac voluntate esse: Ego, inquit, vos federati mei, non hortor solùm, ac moneo, sed etiam oro, atque obtestor, ut eas Ciuitates vestro fæderi adiungatis, erit enim, erit præfectò tempus, cùm vos earum ope, atque præsidio oppidò indigebitis, habuistis hætenus Cantones octo, posthac decem numerabitis. Nec queso plures admittatis, hisce contenti estote. Obtinuere igitur Ciuitates illæ à reliquis Cantonibus nonum decimumue locum, cùm ante hac per ipsos centum viginti quinque annos nonnisi octo, vt dixi, Heluetico fædere comprehenderentur. Re-

tule-

tulete non ita multis ab hinc annis
viri Friburgi Nuithonum Consula-
res Henricus Lamberger, & Petrus
Falck, quorum hic etiam num gran-
dæuus viuit, in Comitijs Lucernen-
sibus, quibus Legati ab eâ vrbe in-
terfuere, legisse se in fastis eiuscè
vrbis, missos olim esse ab ea ciuita-
te in gratiarum actionem ad Nico-
laum quinquaginta nummos au-
reos, quod eius transactionis ipse,
vnus, ac præcipus auctor, actorque
fuiſſet, quos tamen ille magno ani-
more missos respuisset, quod diceret
se nec petere quidquam, neque eâ
pecuniâ vlllo pacto opus habere. Et
experiuntur nunc sanè ij, quibus
hoc tempore per Heluetiam auitæ
religionis studium animo sedet va-
tidici sui Eremitæ veras fuisse præ-
dictiones, ipsæque adeò Ciuitates
illæ peculiari huic Patrono suo etiã
hodie pro eo vaticinio gratias refe-
runt, quo eas in fide veteri man-
su-

furas, cæterisque Cantonibus opitulaturas prædixit.

Sedentibus etiam in eodem conuentu patriæ Primatibus prophetico sanè spiritu futuras religionis causâ turbas vaticinatus est: Religio, inquit, O Patres patriæ, scissuras patietur non multo post obitum meum, unde damna toti Reip: ingentia emergent: Cauete igitur, filij, cauete sedulò, ne nouitatibus eiusmodi, ac versutis fallatijs decipiamini. Manete coniunctis animis in verâ fide vestrà, nolite instar arundineti quouis flatu circumagi; insistite recto calli, à maiorum vestrorum vestigijs pedem ne latum quidem unguem mouete; quam fidem cum lacte materno hausistis, eam ratam, sanctamque habetote; perstate in fidei cōcordia; Seduciores fugite, atque à vobis arcete, sic enim imminentium tempestatum procellæ vos non turbabunt. O Deus immortalis, subdit his omnibus magnus noster Canisius, quâ

utile

utile quamque necessarium esset, si federati nostri prophatias has Fratris Nicolai, paternasque admonitiones aquis auribus, animisque excipere, eiusque cunctis consilijs acquiescere, ac parere vellent? quam facile non temporaria tantum, sed etiam aeterna animarum detrimenta ex mutata religione oriunda caueri, amoverique possent? cecus profectò est, ipsa uè talpâ exoculator, qui ex presenti patriæ statu non aduertit Nicolai vaticinia euentu iam pridem comprobata esse. Hec ille.

Talia igitur Vates noster non tantum in Stantianis illis Comitibus vaticinia edidit, sed etiam in eremo, cum patriæ Magnates ad eum visendum sæpe venirent, eadem ipsis, aliaque plura repetijt, atque iterum, iterumque inculcauit. Illud interim etiam hisce futurarum hæresum vaticinijs addere solitus dicitur, sperare se de Dei bonitate, sectas illas supra centum annos

annos nō multū duraturas. Quin etiam anno comitia hæc sequente literis suis ad Bernenses datis de iisdem periculis eos iteratō cōmonefecit: quas ego pro rudi simplici que, quo datæ sunt stylo, latinè redditas sic ad verbum interpretatus sum.

*Venerandis, pijs, ac consultissimis
Prætoribus, Senatuique Civi-
tatis Bernensis.*

Venerandi &c. Nomen IESU sit salutatio vestra, precorque vobis omnia fausta atque felicia, & Spiritus Sanctus sit ultima mea merces. Principio gratias ago vobis magnas pro dono vestro, ex quo paternum in me vestrum amorem cognosco, qui mihi ipso munere gratior est, cum quo me optimè contentum esse velim vobis persuadeatis; imò si dimidiato minus esset, abunde tamen mihi

mihī satisfecisset . Illud igitur ut caritati vestre apud Deum, hominesque compensare possim, promptissimè elaborabo. Nuncius, cui donum tradidisti, in manus meas illud fideliter resignavit, quem vobis, ut ex amore mei commendatum habeatis, etiam atque etiam rogo. Scribo itaque vobis ex obedientia, quæ maxima virtus est in cælo, & in terra, ideoque curandum vobis est, ut mutuum inter vos vigeat obsequium, idque carissimum vobis esse noveritis, à quo res omnes felicissimū ducunt exordium. Semper in Deo pax est, imò Deus ipse pax est, nec unquam conturbari potest. Discordia autem cōturbatur. Laborandum ergo vobis, ut pacem sectemini, viduas, orphanosque tueamini, quemadmodum huc usque fecistis. Quod si cuiuspiam fortuna super terram in melius augeat sit gratus Deo, ut ea etiam in cælis crescat. Sceleribus publicis resistite, iustitiam

semper administrate. Christi tormenta pectoribus vestris fixa retinete, quæ in extremis summo solatio esse solent. Multi circa fidem vehementer dubitant, & circa eandem plurimos tentat diabolus, nos autem in fide ne dubij simus, ita enim ea se habet, uti hætenus instituta est. Hæc autem non ideo scribo vobis, quod de vera vestra fide dubitem, vos enim bonos Christianos esse non ambigo. Scribo autem vobis pro cautela, ut si forte malus genius in hac parte quenquam tentare velit, eo fortius constantiusque resistat. Hæc hætenus; Deus Opt. Max. sit vobiscum. Date festo die sanctæ Barbaræ, Anno octogesimo secundo. Has easdem etiam proprio meo sigillo muniri feci.

Ego Frater Nicolaus de Rupe.

*Hæc Nicolaus ad Bernenses;
Qui in Comitibus Confæderatorum
gene-*

generalibus non ita pridem, cum de his literis mentio incideret, ingenuè fassi sunt: Earum autographum etiamnum apud se in Curia, atque ingentis thesauri instar in pretio esse; cumque illud catholici Cantones enixè donari sibi peterent, negarunt id quidem, exempli tamen eiusdem se copiam facturos sponponderunt, eo loco apud se Fratrem Nicolaum esse dictitantes, ut inter Sanctos viros eum adnumerare minimè dubitent.

Accesserat aliquando ad virum sanctum insigni pietate nescio quis homo, quo cum de rebus diuinis multus ei, diutinusque sermo fuit, ita ut admirabundus denique in hæc verba prorumperet. O quam, inquit, mi pater felix, ac perbeatus es tu? Cui mox vir Dei, Noli, inquit, mi filij, me beatum prædicare, soli enim Deo pijsimus quisque notus est, atque impijsimus;

sed progressu tēporis religio quædam, ac fides noua orietur, cui, qui se murum, ac veluti rupem opposuerit, næ ille tandem beatus dici poterit.

Honestus quidam ciuis Kernensis Siluanus, cū filiolum suum, decennem ad viri Dei tugurium secum deduxisset, & colloquium cum viro Dei in horas aliquot iam protaxisset, puerulus denique ad parentem accedere, domuitionem vrgere, lapsi temporis admonere cæpit. Tum verò Nicolaus, positâ super caput pueri dexterâ, blandis verbis, pietatem, inquit mi pufio, ac cumprimis erga parentes obseruantiam diligenter cole, Deus enim ætatem tuam longæuo in terris senio condecorabit. Nec aliter quàm prædixerat diuinus vates post eâ euenit, nam puer ille nonagennario maior vitâ denique excessit.

Hone-

Honestā quædam matrona num-
tum suam ad eundem deduxerat,
quæ nouam vestem ex peregrino
quodam panno confectam induta,
cū magnificè, ac veluti iactabun-
dè se illi ostentaret, vir Dei ad il-
lam seriò conuersus: Si, inquit,
hac veste ad superbiam vteris, li-
cet in cœlo iam constituta esses,
inde tamen te, quā cum hisce in-
dūuijs deturbandam certò nôris.
Quod si etiam liberos tuos, qui ex
vtero tuo egredientur, pretiosè
vestiendo superbieris, faciem certè
Dei nunquam videbis. Et quidem
benignus Deus multā te prole do-
nabit, multam tamen ab eadem
tu patiēre molestiam, quod tum
tandem experiēre, cū titionem
foco subtractum in rixantium libe-
rorum globum abiectura vaticiniij
mei mæmor eris. Respondit vati-
cinio euentus, vndecim enim li-
berorum facta mater, cū post

multos annos ad focum sedens minimam natu prolem gremio foueret, cæteræque petulantius concertantes molestas matri turbas cierent, arrepto titione pacem factura, tum denique viri Dei præfagium in mentem reuocauit.

Atrox per idem tempus pestilentia lues inter Siluanos exortâlatè jam vulgari, ac grassati cæperat, ita vt vir quidam consularis de duobus filiis, quos efflictim deperibat, periculo eximendis vehementer laboraret. Morti igitur mortales subtracturus, aliò illos, vbi aërem purgatiorẽ esse intellexerat, mandat, donec domi contagio desæuisset. Cumque id factum deinde Nicolao narrâisset, ipse se uero vultu eum intuitus, vide, inquit, ne filios tuos coelo subductos in infernum fortè ablegaueris. Horrendum dictu; non longo temporis interuallo vterque re-
pen-

pentinâ, ac præproperâ nece extin-
ctus est, ac prior quidem in foro
Sarnensi popularis sui sicâ confos-
sus interiit; posterior verò equi fe-
rocis tergo excussus, fractis ad ar-
boris ramum ceruicibus, vel, ut alij
referunt, lapsi currûs fæno onusti
pondere oppressus, animam exha-
lauit.

Rebus diuinis absentem Nico-
laum in templis. longè dissitis ad-
fuisse, id quod nunc narro, testa-
tum facit. Ad D. Nicolai procul
ab eis cellulâ germanus eius Pe-
trus vnâ cum alio honesto viro, of-
ficio diuino cùm assisterent, vidit
subito Petrus è templi pauimento
arborem proceram pulcherrimè
efflorescere, seseque per omnes
ædis angulos diffusis ramis expor-
rigere, mox verò flores ex arbore
deciduos in hominum capita de-
fluere, atque in diuersorum qui-
dem capitibus partim e vestigio

exarescere, partim verò vigoris sui
pristini retinentissimos esse. Eâdem
visione Deus etiam absentem (alii
præsentem fuisse referunt) imper-
tiuit Nicolaum, cùm enim viri
illi peractis sacris in reditu exiti-
nere ad eum diuertissent, rogatus
ab eo Petrus, quid illo manè in
æde D. Nicolai sacrificij tempore
vidisset, spectaculum totum ex or-
dine percensuit. Tum enim uerò
eiusdem se spectatorem fuisse pro-
tinus Nicolaus prodidit; arbor,
inquit, quam vidisti, Petre, diuinæ
in homines liberalitatis ob incru-
enti illius Sacrificij oblationem,
circumquaque sese diffundentis
erat symbolum; flores illi Dei do-
na, ac fauores designabant, quin in
capita mortalium decidentes, quo
animo quisque rei diuinæ assiste-
ret, significabant, aridi quidem,
aridos, frigidosque, ac nulla scele-
rum pænitudine ductos; cæteri ve-
rò,

rò , quibus suus mansit vigor, pietate, ac piaculari næuorum suorum dolore feruentes homines , qui proinde , contra quàm cæteri , à Deo quondam ingenti etiam in cœlis gloriâ erunt præmiandi .

Sæpius etiam prædixisse fertur Nicolaus, exteris, peregrinis uè negotijs Heluetios sese olim nimirum oneratuos, atque eo quidem tempore frugū terræ inopiâ tanto grauius eos laboratuos, quanto sese impensius externis turbis immiscerent . Plura talia referre nostri instituti non est , tum quia priuata sunt , tum etiam quia hoc caput in immensum excresceret .

CAPVT XV.

Miracula Nicolai ante mortem .

CVM etiam & adhuc inter uiuos degeret Nicolaus, uoluit

luit ipsius amantissimus Deus sanctitatis eius testimonia miraculis edere, quorum nonnulla huc referre operæ pretium esse duxi. Filium habebat vir Dei sibi cognominem, quem supra natu minimum esse diximus; hunc altiori ab se vitæ generi destinatum, liberalioribus disciplinis imbui voluit. Vnde ad Basileensem Vniuersitatē eiusdem æui anno quinquagesimo nono à Pio II. Pont. Max. stabilitam ac priuilegijs ornatā amissum, Frederico Guarleto Eistettēsi I. V. D. viro pietate iuxta, ac diuitijs claro, Basileæ tum commoranti, commendauit: Is, vt erant Anachoretæ nostri perstudiosus, quippe quem in crebro pietate ductus inuiserat, magnamque de eius innocentia, ac vitæ sanctitate existimationem conceperat, commissum sibi Nicolai pignus in ædes ipse suas beneuolē, ac liberaliter suscepit
suis

suis alendum impensis, enimuerò
 magni beneficij loco censebat suæ
 mensæ alumnū habere eum, cu-
 ius parens solius Dei alumnus, non
 nisi cœlestibus ferculis vescere-
 tur. Quamobrem Nicolaus ille,
 Nicolai tanti Mæcenatis profusa,
 liberalitate solerter vsus ad poli-
 tioris literaturæ studia tantâ sedu-
 litate incubuit, vt breui, humanio-
 ribus superatis, ad altiora sese ap-
 tum, promptumquē demonstraret.
 Lutetiam deinde Parisiorum ab
 eodem Mæcenate suo amandatus,
 adeo seuerè illic ad seueriores etiā
 disciplinas animum applicuit, vt
 tandem in solempni illius celeberrimæ
 Vniuersitatis theatro supre-
 mâ Philosophiæ laureâ donatus
 fuerit. Eo fortè tempore iuuenis
 quidam natione itidem Germanus
 in eâdem Vniuersitate literis ope-
 ram dederat, ac denique in pa-
 triam rediturus à contubernali

fuo Nicolao binas acceperat, optimo eius Parenti, quem ex itinere conuenire decrêrat, deferendas. Accidit autem nescio quo casu, vt earum alteras ad ipsos Burgundionum fines imprudens amitteret, ideoque cōsternatus viro Dei præsentem se sistere formidaret, atque eius offensionem aliquam vereretur. Recepto tamen subinde animo iter profecutus, cū iam non procul Sacello Nicolai abesset, eundem ipsum sibi obuiam prodeuntem conspexit. Mirum dictu, ostentabat vir Dei elatâ manu literas procul perditas, ac iam prorsus tabellioni desperatas, vultuque sereno, ac hilari stupore defixum rogabat iuuenem, num quas alias item à filio suo Lutetiâ perferret. Recreatus hoc prodigio sollicitus hospes, virum Dei magis suspicere ac venerari cæpit, ad quem haud dubiè coelestibus in-

ter-

ternuncijs literæ illæ amissæ peruenissent.

Interlacenſi è Bernenſium diſtione viro conſulari pes ita graui tumore intumuerat, vt grauiffimis doloribus iactatus, nullam quietis partẽ capere poſſet. Et iam defecerant humana præſidia, vnde conuerſus ad diuina vir religioſus Deiparæ Virgini, quæ tum in Sacello Nicolai multis propitia erat, è cetrâ pedem deuouit, Nicolai precibus ſe vnice commendauit, itaque breui ſanitatẽ priſtinam recepit. Receptis tamen viribus, vt eſt mortalium ingratitude beneficiorum plerumque immemor, oblitus voti ſe reum, anathema deferre, quò debuerat, neglexit; vnde vindex Dei manus veteri eum plagâ ad votum exſoluen- dum coëgit. Mox igitur ubi neglectæ religionis ultionem ſentire cepit, quantâ æger potuit ad Sacellum

cellum viri Dei celeritate iter maturavit, ac suspenso anathemate Nicolai pia apud Deum supplicia pro pedis incolumitate poposcit. Dictum, factum, fusus in preces vir Dei e vestigio pedem ægro ex integro restituit, inspectante Sacellano suo; alioque honesto viro Bernate, qui cum consule se cò contulerat. Prodigio fidem facit res in publicas tabulas continuò relata, atque his testibus oculatis abunde testata.

Præcipuus supra Siluam pagus, Sarnen dictus, ad extremum aliquando discrimen delatus pij popularis sui etiam absentis opem, præsentem expertus est. Incendio is graui flagrare nescio quo casu, cæperat, itaque jam flammæ in multas ædes grassabantur, vt nulla eas vis aquæ, quantumvis profusissimè incendio ingesta, obrueret, passimque de eo sopiendo, pagus-

goue conseruando desperaretur. Tum verò in tantâ trepidatione, nonnullis ciuibus in mentem venit, per certum internuncium, tantam necessitatem Fratri Nicolao suggerere, eiusque opem rei deploratæ implorare. Mittitur nuncius, denunciat, quod iussus erat; nec mora, vir Sanctus relicto domicilio suo vnâ cum nuncio ad locum editiorem, vnde ad incendium prospectus erat, properat, manuque sublatâ crucis signum contra ignem per aerem ducit. Quo facto flammarum globi confestim minui, in se redire, ac non multo post prorsus desinere cæperunt.

Plura alia, quæ viro Dei ante obitum miraculosè euenerunt, prudens prætereo, ne nimis longus sim. Vnum coronidis loco adiungo, vnde quo nutrimento crebrius Nicolaus refici soleret, abunde

de testatum fiet . Multi aliquando ad eum consilij causâ confluxerant , quibuscum sermonem habuit vir Dei foris ante templi sui fores . Mox verò interrupto colloquio , petitaque venia , cùm se propediem rediturum spondisset , veluti rem grauem confecturus , intro in cubiculum se suum recepit . Redijt non multo post tempore vir pius , secumque ex suo tugurio tantam odoris suauissimi fragrantiam ad astantium nares detulit , vt nemo esset , qui non iudicaret , coelesti interim nectare , diuinâque ambrosiâ refectum Nicolaum ,
eam fragrantiam ore
exhalare.

CAPVT XVI.

Nicolai mors, ac sepultura.

A N NVS jam voluebatur Nicolao ætatis septuagesimus, qui ei postremus, coelesti, vt supra meminimus, vaticinio futurus erat. Mense igitur Martio eius anni in grauem, ac fatalem incidit morbum: qui cum toto corpore male pessime acceptum penitus tandem prostravit. Peruasit vis morbi ipsas omnium membrorum fibras, ossa, ac medullas, ita vt acerbissimis doloribus exagitatus huc illucque lamentabiliter volueretur. Erat tamen doloris patientissimus: quamuis ipsos octo dies sine vllâ quiete, ac remissione cum grauissimis illis cruciatibus conficeretur. Octiduanis igitur hiscè tormentis exantlatis, to-

to pectore ad supernam illam, felicemque Patriam anhelare, instanterque diuinum epulum, quo ad iter illud veluti viatico Christiani homines munire se solent, experere cæpit. Ex allato cum suauissime etiam plus quam solebat, magnaque animi demissione, ac reuerentiâ præfruitus esset, mox composito super consuetum asserem corpore, ac protensis pedibus, inter profusas Dei laudes & gratiarum actiones placidissime in Domino quiescens, animam Conditori suo reddidit. Id factum anno æui eius octogesimo septimo, duodecimo Calend. Apr. qui dies D. Benedicto quotannis sacer ac festus est, quo eodem in hanc lucem ante annos septuaginta editum supra commemorauimus. Feritur in extremis, antequam animam exhalaret, circumstantibus hisce paucis quidem, sed pietate,

ac religione plenis verbis extremum vale dixisse: *Quamuis inquit, Fratres mei, dolores, qui animam à corpore eijciunt, graues sint, grauius tamen, terribiliusque est, mihi credite, incidere in manus Dei uiuentis. Studete igitur, ita vitam uestram ac mores componere, ut hilari, letoque non puido, ac trementi vultu Iudicem uestrum intueri possitis Placet subiungere de hac morte verba Henrici Gundelfingij: Mortuus sanè est, inquit, Nicolaus noster, cum haud quaquam corpore immortalis fuerit. Neque tamen morte eius pro morte ducamus, eum namque mortuū pramissimus, existimantes illū precedere, nobisque apud Deū suffragio, esse non emori. Et quamuis eum mortem obijisse nobis nunciatum sit, gaudio tamen summo, & letitiā affici debemus; neque cum mortuum appellare audemus, sed viuendi in terris finem fecisse dicimus. Optemus omnes*

nes, & singuli nos talem vita habere finem, eoque modo huiusce seculi arumnis excedere, Christumque intueri. Hæc ille Petrus verò Canisius de eius morte sic loquitur: Est quod gaudeamus nos Catholici, & de tanto nobis Heluetio gratulemur, ipsius fide religionem nostram firmemus, eius etiam hodie intercessione nos solemur, eiusque gloriosam memoriam in benedictione celebremus, ac præcipuè die festo S. Benedicti vicesimo prima Martij Deū in ipso laudemus, & honoremus; hoc enim ipso die vir pius, per quē Deus miracula multa operatur, ex hac lacrymarum valle piè, religiosoq. decessit, tãque sua sãctitatis signa hic in terra reliquit, ut procul dubio iam in Ecclesia triumphãte pro nobis ipse Deo supplex fiat, nostrisque precibus in hoc mūdo nullo modo indigeat. Ita Canisius. Cæterorum de hoc viro testimonia paulò pòst pluribus referemus.

Vul-

Vulgatâ viri Dei morte , dici non pôtest , quantus luctus popularium animos occuparit , nullus nisi de eo sermo erat , communem patriæ parentem sibi ereptum , omnes quiritabantur , flebant orbitatem suam , eius vitam mores , miracula , vaticinia , consilia prædicabant . Postera dies funeri eius dicta omnem circa Siluaniam exciuit , ita vt totâ illâ regione Sacerdotum nemo eo die domi sacris operaretur . Celebrata sunt funebria cõsuetâ solenni pompâ in Saxellensi D.Theoduli æde , vbi vir Dei tumulari ante obitum petierat ; humatus est ante D. Virginis aram , tectusque lapide viri Dei imaginem affabrè incisam præferente . Eodem etiam die , quo iusta ipsi persoluta sunt magnus ægrorum confluxus ad eius exequias sanctitatem eius mirificè illustravit , multi enim à varijs libe-

berati morbis subitò integrè restituti sunt sanitati; duo certè viri primarij ex Lungerensi pago, quorum alter etiam supremum illic magistratum gerebat, febrili ardore diu, multumque vexati, ab ijsdem exequijs prorsus incolumes domum rediere. De alijs eius prodigijs post mortem ad eius tumulum diuinitus ostensis, dicemus parte sequenti. Nunc aliquid de viri Dei socio Vdalrico subiiciamus.

CAPVT XVII.

Socius Nicolai in eremo fuit Vdalricus nobilis Lauarus.

HViuscè viri vitam, ac res gestas compendiosâ enumeratione complexus est Matthæus Raderus Societatis nostræ scriptor, in sanctâ suâ, quam typis edidit, Ba-

Bauariâ, cuius proinde verba huic narrationi inferere placuit principio, ac deinde quæ ipse præterijt subnectere: Sic igitur ait.

BEATVS VDALRICVS
Nobilis Boius Anachoreta,
Nicolai Sub-
siluani Socius.

Fames auri, & sitis opum cogit
 genus humanum ire in viscera
 terræ, & rimari venas argenti, ful-
 gentesque metalli globos quantouis
 cum periculo perscrutari. Imus &
 nos in rupes, & hiatus montium non
 ut thesauros inde euocemus, sed au-
 ri contemptores in lucem proferamus.
 Notus est in orbe Christiano impran-
 sus ille & incenatus Heluetiæ gentis
 miraculum, & oraculum Nicolaus
 Subsiluanus, qui ipsos prope viginti
 annos in secessu montis ritu cælitum

non esuriſſet, nec quidquam cibi è terrâ nati, laticisque guſtavit, ſatur ambroſiâ panis, qui de celo deſcendit, & nectare celeſtium contemplationum inundatus. Huius tanti viri famâ afflatus, letique ſideris fulgore circumfulſus Vdalricus, maiorum in Boica terra imaginibus clarus, & nobili Baiorum familia natus (ſunt, qui Monacensem fuiſſe putent) ad Nicolaum viſendum, colloquendumque venit, inuenitque ſanctitatem fama celebrati respondentem, aut etiam ſuperantem, captusque & inflammatus (viti Sanctorum voces carent, incenduntque) oratione, & conſuetudine Nicolai, infirmis precibus obnixiſſimè ab eo contendit, ne ſe ab vite ſocietate, ſeiunctum velleret; deliberatum ſibi ipſo illo puncto temporis rebus humanis nuncium remittere, & in ipſius contubernio, & magiſterio perſeuerare, neque domum unquam reuiſere. Ceſſit tandem quan-

tumuis agrè exoratus Nicolaus, quod ipse mollet sibi vitæ sanctioris Magistrum quarere, quàm alijs viuendi praecepta tradere. Iam sibi perbeatus videbatur Vdalricus, quod in disciplinam Nicolai esset receptus, emulasque morum & vitæ, altius ordiri cepit, quàm finire, neque una omnium est dignatio Numinis, aut via, qua mortales ad sanctimoniam deducit: Hunc per modestiam, & silentium vult incedere, illum per aperta, & ingentia prodigia, & ostenta, alium continentiam, sapientiam alium, alios alijs donis cælestibus illustrat, prout ipsius prouidentie visum, quæ exploratissimè nouit, quid ad cuiusque salutem expediat. Vdalricus ergo primum ad Doctorem sui exemplum omnia stomachi fomenta remouit, nihil obsonij, nihil etiam panis ad mensam adhibuit, diesque tredecim totos omnino ieiunus, & sine labore, fameque sanctissimis cogitationibus initia-

ius, in mapali, quod Nicolaus, primum ipse, deinde aditus coluerat, transegit. Tum deinde Nicolaus cælesti consilio doctus dimidiatum illi panem Melchario tingendum, edendumque submittit, quem Vdalricus quavis auersante iam stomacho (adeo citò se ad famem tolerandam composuerat) tamen ieiunium obsequio posthabendum ratus Nicolai mandata exhausit, indeque postero die alterum dimidiatum sumpsit. Tum demum sentire tantam cepit inedia molestiam, uti nullis placare ventrem epulis sibi posse videretur. Iam hoc futurum præceperat animo Nicolaus, suisque domesticis in mandatis dedit, uti copiosam Vdalrico cenam instruerent, quo tredecim dialem famem expleret. Miratus tamen Vdalricus exempta iam fame, quid ita non passus esset se ceptum ab abstinendo cibo institutum prosequi, cum totis illis diebus nullum ab inedia in-

com-

commodum accepisset. Sufficiebat, inquit Nicolaus, hoc tibi, itaque Dei natus prescribebat, quem exquirere porro desine. Id in quem finem (inquit auctor vite) mi lector considera, nempe ut miraculoso dierum tredecim ieiunio Angelica semideniginti annorum sobrietas Nicolai, ceu sigillo obfirmaretur. Exin Vdalricus Ioanni custodi templi casa restituta, sub caua, & exesa rupis saxum trans Melcham secessit, propterque specum ediculam sacram cum tribus aris posuit, caelestium Legionum Ductori Michaeli, Bartholomaeo Apostolo, Annae Christi Liberatoris nostri Dei genetricis optima parenti inscriptas. Ibi palestram constituit religiosae exercitationis, ibi corpus fragalissimo, tenuissimoque victu tuenda vita causa sustentabat, chaumenys, vigilijsque, & excubijs assidue vexabat, & precando, meditandoque torquebat. Septennium ad supremum usque diem

sanctissime exegit, quadriennium Nicolao superstes cum trimestri, decessit ipso die, quo triumphum corporis Christi agitabat Ecclesia, in Paræcia Kernsina conditus. Magno natu diem obysse ex habitu corporis intelligi potest, veneranda quippe canitie visendus erat, ceterum statura inter proceram, & breuem media, barbitio lato, denso, promissoque, corpore vasto, sed macie, palloreque deformato, cultu, vesteque Nicolaum emulabatur, pedes nudos, nullo socco muniebat, somnum humi subiecto capiti saxo capiebat. Admiranda & ab obitu patrasse fertur, sed enarrator rerum ab illo gestarum, nullum exprimit singulatim. Cippus è saxo in modum aræ corpori impositus huiusmodi refert Epitaphion.

HIC SEPULTVS IACET,
FRATER V DALRICVS,
QVI OBIIT FAELICITER.
ANNO M. CCCC. XCI.

Hæc

Hæc de Nicolai socio Raderus,
Iconem eius subsignat idem Au-
ctor hoc epigrammate.

*In solos saltus, & inhospita tesqua recedit,
Et mundi pelagus, naufragiumq; fugit.
Immanes inter scopulos, rabiemq; ferarum
Tutior, humanas, quàm sedet inter opes.
Nam temerant animiū feda contagia turba,
Aut trahit in mores aula superba suos.
Qui solus celso metitur pectore cælum,
Hic terram pedibus calcat, & astra suis.*

Placuit his adijcere quæ ex
Henrico Gundelfingio decerp-
simus, qui de hoc Vdalrico agens
sic ait: Abſtinentia Nicolai id etiam
effecit, ut quendam nobilem virum
Vdalricum vocatum ex agro Norico
natum, ad ſe traheret. Is Eremita
Nicolai integerrima, religioſiſſimaque
religione auditâ, viſendi eum deſi-
derio captus, hoc euangelij elogio mo-
tus, Nihil habentes, & omnia poſ-
ſidentes, omnia pro Chriſto conſan-
guineis ſuis reliquit, ad Nicolai e-

eremum concessit, perbenigneque ab eodem susceptus longas, quas in hoc lubrico seculo molestias sustinuisset, ipsius religionis rigorem aduentus sui causâ Nicolao perquirenti Vdalricus fuisse dixit, eumque ob hoc inuisendi desiderio captum, ad hanc altam, inuiamque vallem venisse, neque eremitarum quenquam in religione eremiticâ, atque abstinentiâ religiosiorem adhuc offendisse, ipsumque per silvas, nemora, inuiaque inga peregrinando tanquam in sua vita refugium, animaeque suae salutem perquisisse; omnia etiam in mundo turpia, dira, infanda, execranda, fera, barbara, inania, omneque mortalium genus impudens, pestilensque esse, perspicacius effatur. Atque Nicolaum tam manifesta virtutis suae, ac demùm amoris signa interloquendum sibi demonstrasse, maioremque in modum in ipso sermonis aggressu admiratū fuisse, eum unum

ex omni eremitarum turba iam mit-
tem, pium, rectum, omnique religione
eremiticâ preditum inuenisse te-
statur. Hæc ille. Subdit deinde,
paulò post: Vdalricus ad omnem
eremi austeritatē, præter hoc quod
ob omni corporali cibo abstineret, sese
obtulit, cum suam naturam iam iam
ad vesperum declinantem, senioque
confectam pane, & aquâ duntaxat,
iuxta eremitarum antiquam reli-
gionem, obseruantiarumque refocil-
landam consuerit. Ita Gundelfin-
gius.

Subseciuis horis hunc Achatem
suum Nicolaus sub rupe sua lati-
tantem conuenire solitabat, de-
que summis rebus cum eo collo-
qui, huic vni obitûs sui horam,
prout iam pridem de eâ edoctus
fuerat, manifestauit; imò vterque
quidquid pectore clausum habe-
bat, mutuâ sibi, synceraque con-
fidentiâ aperiebant; quæ tamen à

Nicolao acceperat Vdalricus usque ad eius obitum silentio tegens exinde primùm in plures evulgavit. Eo anno, qui Nicolao postremus fuit, Vdalricus Romam contendit Principum Apostolorum limina, cæteraque sacra urbis loca salutaturus. Retulit inde veneranda multorum Sanctorum lypfana, variasque à Sede Apostolicâ asceterio suo indultas gratias, quæ vel hodie ibidem publico diplomate comprehensæ, adhuc leguntur. Id Romæ secundo Februarij anno supra millesimum quadringentesimum octogesimo septimo datum, sedecim grandioribus sigillis appensis etiam hodie munitum manet. Offendit domum redux Vdalricus pium parentem suum Nicolaum in extremâ jam luctâ constitutum, ac fortiter dimicantem, cuius spiritum non sine ingenti luctu ipse excepit, atque

ocu-

oculiffimi fui Magiftri oculos denique fluentibus lacrymis moeftâ claufit manu. Iuftis denique perfolutis sub cauâ fuâ rupe inftar turturis deferti orbitatem fuâ ingemifcens deplorauit. Atque hæc de Vdalrico Nicolaj socio pro noftro instituto breuiter fuperioribus addidiffe fufficiant.

CAPVT XVIII.

*Nicolai nepos, eiuſdem in eremo-
pino Succeffor.*

IS FUIT Conradus Scheüber ex Dorothea Nicolaj filia, VVolfenſchieffij in Subfiluania natus, atque ab eâdem piè educatus. Iuuenis erat præſtanti corpore, egregiâ formâ, ac forti animo; vnde juffu magiftratûs inter ſuos militiæ operam dedit, atque ex vndenis, quibus interfuit, expedi-

tionibus gloriosum nomen reportavit. In ijs conflictibus, quos Capellanos à Capellenfi quondam coenobio vocant, etiam Conradus iste circa annum M. D. XXXI. heroem se præstitit. Certabat illic cum auità fide nouiter exorta hæresis; multi cum paucis; sed vicere pauci, vicit æquior causa, jacuit inter cadauera ipse etiam impiæ tum sectæ, tum militiæ caput, ac princeps Vdalricus Zuinglius, infelix apostata, prostravit globo trajectum ciuis Saxellensis Andreas Ander Halten Subsiluanus, quod certissimâ fide comperum est, cumque humi jacens, rogatus an per confessionem animâ eluere & in gratiam cum Deo redire vellet, ipse abnueret, alius eiusdem Silvaniæ ciuis (sic refert Basileense Chronicon) postratum bipenni terræ affixit, animamque infelicem orco transmisit. Ex hoc præ-

prælio Conradus cum suis victor
in patrias alpes redit, militisque
clarius facinoribus senatoria pri-
mum, mox etiam consulari digni-
tate meritò cohonestatur. Functus
aliquamdiu hisce functionibus ma-
gno patriæ bono, suaque ipsius
gloria, longè alia paulatim animo
concipere, mentem in diuersa ver-
tere, atque se Nicolaj nepotem
meminisse cæpit. Inanias mundi,
eiusque instabilitatem, ac pronos
in sublimi fastigio casus quotidie
meditabatur, dum tandem in ipsa
sui aui vestigia insistere, mundo-
que ac pompis eius nuncium mit-
tere decreuit. Relictis igitur vxo-
re, liberisque auito exemplo eandem
eremum vni deinceps D E O serui-
turiis adit, eodem se tugurio in-
cludit, atque incredibili austeri-
tate inibj corpus exercet. Car-
nium, ouorum, ac piscium esu pror-
sus abstinuit, ac nihilominus dies

plerosque esuriales habuit. Ipsos
decem & octo annos, quibus ere-
mitam egit, ab hoc rigore nihil
remisit; mentem interea diuina-
rum rerum commentationibus as-
fiduè pavit. Diros Christi crucia-
tus; eiusque crucem ita animo
complexus est, ut crucem aliquam
post Christum etiam corpore ferre
avidè concupisceret: cuius voti
tandem compos factus est. Cum
enim vice quadam more solito in
Nicolaj aui sui cella precibus ad
Deum fundendis intentus esset;
magna vi tartareus hostis irum-
pens alterum eius femur afflixit
tanto tamquam inmedicabili vul-
nere, ut nullo malagmate curari
vnquam posset, ipseque perpetuò
claudus quidem corpore, animo
tamen erectus ad extremum usque
spiritum maneret. Triennio in sui
aui tugurio pium nepotem loci re-
ligio, & sanctitas tenuit, ad mor-
tem

tem usque retentura, nisi tanti
quotidie mortalium jam non tam
Nicolaj memoriam; quam eius as-
seclam Conradum inuisentium,
concurfus fierent, quibus ipse,
non sine graui molestia à sancta
sua quiete crebrius auocabatur.
Abditorem igitur secessum quæ-
siuit in nemore suo supra montem
primo à patria sua lapide distan-
tem, illic humile casale sibi ere-
xit; vbi Deo quidem seruire, ho-
mines verò latere non potuit; om-
nis ætas, sexusue ad eum excurrit,
instrui ab eo, moneri, solatio im-
pertiri omnes certatim petierunt,
quibus ille tandem refragari am-
plius non ausus, sed singulis pati-
enter audientiam præbens, pro
cuiusque necessitate adiutos ab se
dimittebat. De absentibus, ac fu-
turis rebus ita sermocinabatur, ac
si eas præsentis inspiceret. Sed
neque viuorum tantum asylum
fuit

fuit Conradus, ipsi etiam vita fun-
ctorum manes nocturnis horis cel-
lulæ ipsius fores pulsare, ac lamen-
tabili vlulatu piacularem opem
flagitare, ac dicere solitabant. Fer-
opem, Conrade frater, quia im-
mane quantum ignibus purgato-
riis excruciamur. Diuina myste-
ria adiit Conradus sacratioribus,
ac solennioribus diebus in sua
Vvolfenschiefsiana parochia, at-
que ita demum grandæuus natu
emaciato per ieiunia corpore fe-
licem vitam beatiore etiam fine
clausit. Plura de hoc viro DE I
câque admiranda referuntur, quæ
tamen hic inferre re superscedeo, cū
hæc de pio pijssimi aui nepote ad
vtriusque commendationem dicta
sufficere videantur. Nunc ad ip-
sum auum redeo, eiusque hono-
rem posthumum quàm possum
paucissimis expedio

PARS TERTIA.

*Vita ac rerum gestarum Nicolai de
Rupe Eremitæ Eluetij.*

CAPVT. I.

*Nicolaus statim post obitum apparet,
& in sua imagine colitur.*

POSTRIDIE eius diei, quo
humiconditus est Nicolaus,
gloriosus ipse tum coniugi suæ,
tum etiam ciuibus alijs honoratis,
ac fide dignis visus est. Stabat su-
pra eam rupem, quæ ipsi gentili-
tium nomen dederat, splendor cla-
rissimus ex eo sese longè, lateque
diffundebat, atque oculos intuen-
tium perstringebat; gestabat ma-
nu vexillum candidum vrsini pe-
dis picturam præseferens, illudque
per auras ventilans victoriam, ac
triumphum concinebat. Magnū
id spectaculum attulit mœstæ co-
niugi

niugi solatium, magnam apud populares suos ipsi viro Dei commendationem, ac æternæ felicitatis fidem. Ut primùm enim hæc res vulgata, certisque testibus cōprobata innotuit, noui animorum motus erga virū Dei cunctis oboriri cæperunt. Is passim inter omnes de eo sermo erat, vicisse Nicolaum, triumphum diuinitus quondam promissum reportasse, hunc se Ducem, hæc signa se sequi atque sub his viuere, pugnare, ac vincere certos de futuro triumpho velle. Atque hinc etiam passim, palamque vir Dei coelestibus honoribus coli cæptus est, vnde & imagines eius inter reliquias Diuorum iconas publicæ positæ, atque appensæ sunt. Quinquennio post eius obitum, id est, nonagesimo secundo supra millesimum quadringentesimum, in Saxellenfi æde, vbi conditum diximus Ni-

colaum, cùm princeps ara recen-
ter poneretur, in altera alarum eius
eleganti, ac nobiliore pictura ima-
go viri Dei visa est primùm vola-
re. Quo eodem anno etiam in
æde Diui Nicolai Myrensis Pon-
tificis, haud procul inde jam an-
tiquitus in Kernsiâna Curiâ positâ
vtriusque Fratrum, Nicolai, sci-
licet, atque Vdalrici imagines
summæ aræ appictæ, piorumque
venerationi pròpositæ sunt. Quæ
cùm in dies accresceret, magni-
que vndique ad vtriusque ascete-
ria quotidie confluxus fierent, ita
vt non raro toti pagi, oppidaque,
& parochiæ plures effusæ longo,
decentique ordine eò supplicatum
procederent, multos necessariò à
diuinis officijs audiendis angustia
locorum excludebant. Quapropter
anno sæculari proximè secuto
designatâ inter vtramque cellam
eremitoriam in eâdem valle amœ-

nâ, ac capaci arêâ nouum, augustinusque cæpit excitari templum, quod tertio post anno ope potissimum, ac liberalitate Bernensium, Lucerinorum, ac Vallesianorum absolutum est. Fama non obscura est, ipsum Nicolaum, dum adhuc viueret, eodem loco Deiparâ Virginē aspectabili specie vidisse, atque ab ea templi ibidem olim construēdi præfagium, ac delineationem accepisse. In arâ eius templi principe è ligno posita visitur bicubitalis viri Dei imago opere statuario raro, ac operoso, quæ formam eius ad viuum censetur exprimere, ideoque præ cæteris in sui admirationem, venerationemque intuentium animos, oculosque rapit.

Non multò post in æde Saxellensi ad latus altaris erectum est tabernaculum, quod vocant, seu reconditorium SS. Eucharistiæ viginti

ginti pedes editum, cuius impensas confluētium mortalium pietas, lapides verò, atque manum artificē Basilea dedit. Multis statuis præclarè ornatur hoc opus, inter quas suum etiam Nicolaus locum habet. Eidem diuino epulo constructum, est etiam illo ipso tempore ferculum argenteum pro eadem æde, Basileensi manu, opere planè regio, siue artem, siue pondus spectes. Circumstant eam turrim veluti excubitores Diui multi inauratis statuis effigiati, quos inter etiam Nicolaus cum baculo suo, globuiue precatorijs stationem suam tenet. Vnde facilè colligi potest, quis hominum sensus, de hoc viro statim post obitum fuerit. Ex eo enim tempore, qui tot annis in eremo latuerat, per totum Orbem videri cæpit, cum varijs modis artifices eius effigiem expressam passim spectandam exhiberent, ita vt etiam

Chri-

Christianissimi Galliarum Regis intuitum conclaue (quod certa relatione compertum habeo) penetrarit, atque illic inter amplissimi eius regni tutelares Diuos affixa cernatur, atque honoretur. Ipsi etiam Belgæ ære suo expressam huius Sancti viri effigiem sparserunt, eamque eleganti hoc epigrammate subscripserunt.

Nicoleos hic est, impransus & incanatus

Qui solus quinas vixit olympiadas.

Helvetica cautes, & conscia saxa loquantur;

Quot biberint lacrymas, audiorintq; preces.

Alijs eius imaginibus nonnullis hanc epigraphen inscriptam legi:

Nicoleos hic est, qui passus corpore Christi,

Cætera ieiunus bis duo lustrasuit.

Atque hæc de eius in sua imagine cultu dicta funto.

C A P V T II.

Reliquia Nicolai post eius obitū culta.

EXEMPTO ex humanis Nicolao, iustisque omnibus rite
exa-

exactis, hæredes eius relictam sibi à tanto parente hæreditatem adire, atque inter se partiri properârunt. Totum patrimonium tunica talaris fuit, globuli precatorij, scipio, quo gressum regere consuêrat, nixus humilibus scabellis asser, ac superpositus in culcitra locum lapis, siue truncus, cui in dormire solitus fuerat; hic eius apparatus omnis, ac tota supellex erat, nam cætera, quæ olim possederat, iam pridem hæredibus reliquerat. Hûc igitur thesaurum permagni utique æstimatum, ut inter se diuiderent, hæredes conuenêre. Et iam baculus ille quidem peregrè migrârat, nam celeberrimi Murensis Monasterij Præsul, cum viri Dei exequias etiam ipse præsens cohonestare vellet, eum baculum multis precibus obtinuit, atque in Cœnobium suum pro ingenti thesauro delatum argento concinnè or-

nauit. Is nunc Friburgi Heluetio-
rum in thesauro D. Petri Tèchter-
man eiusdem Reipub. Senatoris
viri Consultissimi conseruatur,
maximaque in veneratione, ac pre-
tio habetur. Cætera itaque inter
hæredes hoc modo distributa sunt.
Vestis viri Dei filio eius Gualtero
de Rupe olim Siluanie Consuli
obtiguit, ac post eius decessum Ni-
colao de Rupe, quem Gualterus
parens tum consulatûs sui tum
etiam paternorum bonorum suc-
cessorem, ac hæredem reliquit.

Fertur hic Nicolaus Nicolai ne-
pos complures annos summâ cum
prudentiæ, iustitiæ, ac pietatis
laude vsque ad extremam sene-
ctam, ad clauum Reip. in patriâ
fedissee, & cùm nonagenarius è
vitâ decessisset, sacras illius exu-
uias filio suo eiusdem nominis, ac
dignitatis viro Dei pronepoti,
transcripsisse. Is denique sacrum
illud

illud indumentum, ne longius à Saxellensi æde abesseret, filio suo haud procul illinc habitanti commisit, ut eò peregrinantium pietati, ac religioni commodius satisfaceret, qui sacram hanc togam videre, exoculari, ac religiosè contingere certatim cupiebant. Et certè etiam hodie in magnâ adhuc veneratione habetur, quotquot eam aspiciunt boni, singulari religionis sensu, sacroque calore pectus accenduntur, mali verò salubri horrore, ac rubore exterrantur, ut ad frugem se recipiant. Atque hæc de ea veste, quâ indutus vir Sanctus ex hac vita ad meliorem migravit.

Superest enim etiam altera quedam, in qua sanctioris vitæ suæ institutum inchoasse, multosque annos transegisse creditur, Servatur ea, magnoque in pretio habetur iam multis annis Lucernæ in templo

plo S. Saluatoris Patrum Societatis I E S V, ibi enim ex superiore odæo statua Nicolai, eius quæ ille fuit proceritatis, vitreo loculamento concinnè inclusa in subiectam totius templi aream prospicit, quæ hoc amictu circumfusa, & templo ornamentum affert, & viro Dei venerationem auget donauit. Hunc thesaurum Collegio Lucernensi D. Vttenberger per honestæ familiæ, ac senatori Ordinis vir, ad quem ille à maioribus hæreditario jure deuolutus fuerat. Quo autem modo ad vestis ad illam familiam peruenerit, sic narrat vetus, & non vana traditio. Erat quondam nescio quo fato, casuue, vrbs Lucernensis crebris obnoxia incendijs, ita vt totis nonnunquam vicis vastationem inferrent, imò toti sæpe ciuitati voraces flammæ cineres minarentur. Senatus, populusque ad omnem pietatem religio-

ligionemue iam tum ficti, factique, cum humana tantis cladibus auertendis remedia deficerent, ad diuina confugerunt, votumque solennis supplicationis annuatim per omnia circum vrbs pomæria pridie salutatæ Virginis Deiparæ instituendæ nuncupârunt, quo die præcipuam Dei opem in incendiaris illis calamitatibus experti erant. Ea supplicatio cum jam multis annis maximo indigenarum, aduenarumque confluxu, ac religione celebrata esset, vt maior inde animorum fructus emergeret, in commune decretum est, à Summo Pontifice piacularem aliquam gratiam expetere, quæ etiam sponte currentes ad sacram illam pompam alacrius ornandam extimularet. Sedit eo tempore ad supremum Reip. Christianæ clauum Iulius Secundus eo nomine Pontifex Max. qui anno tertio

supra millesimum, ac quingentesimum clauēs Petri moderandas ab Alexandro sexto decessore relictas acceperat. Is cognito pietatis ardore, quo Respub. Lucernensis supplicationem illam ad Deum placandum prosequeretur, pia liberalitate motus, annum supplicibus indulxit iubileum, quod eius subinde successores Pōtificēs huc vsque singuli singulos decem, quindecimue annos non tantum confirmarunt, sed largissime etiam auxerunt, atque ad plures dies annuos extenderunt. Id fecerunt Clemens septimus, Paulus tertius, & quartus, Gregorius decimus tertius, Sixtus quintus, Paulus item quintus, ac denique Gregorius decimus quintus, qui eas Indulgentias postremā suā bullā ad duo lustra anno millesimo sexcentesimo vigesimo secundo, sui Pontificatūs primo consignauit.

uit. Hiscè autem gratijs quibus Pontifices, vt dixi, eum cultum diuinum exornârunt, ipse etiam Lucernensis Senatus liberalem suam manum adiecit. Sacerdotibus enim incolis, accolisue, quotquot ad eam confluerent, singulis vini duos Lucernensis mensuræ cyathos, pisciumque sex pondo assignauit. Solet ea pompa ex æde principe D. Leodegarij SS. Eucharistiâ, sacrisque Sanctorum lypsanis, Clero item ingenti, populoque comitata, procedere, & lacum quidem vicinum, amnemuc Rusam nauigio superare, reliqua verò vrbs mœnia ita ambire, vt postquam in suburbano monte sub dio Ecclesiastes ad clerum quidem Romano sermone, ad plebem verò vernaculo perorauerit, eò demum redeat, vnde exierat. Huic igitur supplicationi Lucernæ quotannis interfuisse Nicolaum no-

strum certissima extant argumen-
ta, teste Eichornio, sed oportuit
id factum esse prius, quàm ea Pon-
tificijs indulgentijs, quas supra
memorauì, exornata fuit, vt faci-
lè intelliget, qui rationem tempo-
rum diligenter examinauerit. Di-
uertit vir Sanctus Lucernæ apud
Vttembergios, quorum maiores
ex Subsiluania ortu traxisse ferun-
tur; cumque togâ iam tritâ ac la-
cerâ amictus esset, oblatâ nouâ,
sed non minus ex rudi, griseoque
panno confectâ, veterem sibi re-
linqui, donariuè pij hospites petie-
runt, atque impetrârunt; hanc
deinde honorificè, ac religiosè as-
seruatam, js, quem supra nomina-
ui Vttenbergius templo Societatis
I E S V recens Lucernæ excitato
piè consecrauit. Atq; hæc de Nico-
lai vestibus.

Ad cæteram supellestilem re-
deamus. Grandiusculos eius orbi-
culos,

culos, quos precatorios appellamus, quosq; vir Dei assidue manibus versare, ac percurrere precando solitabat, inter se cæteri hæredes amici, ac familiares distribuerunt, magnique thesauri instar recondiderunt. Ligneus denique illius lectulus in minutissima segmenta concisus ab indigenis, aduenisue sensim asportatus, magni etiam thesauri loco habitus est. Tanti nimirum reliquiae viri Sancti vel ab ipso eius obitu aestimatae sunt. Hodie verò incredibile dictu est, quanto in honore habeantur officula, puluisculi de eius corpore, fragmina item de eius tumbâ, atque de eius veste vel tenuissima fila; auro conduntur, margaritis æquantur, inter alia sacra amuleta ex collo suspenduntur, lypsanothecis includuntur, pro sacris aris ad venerationem, ac tanti viri memoriam,

constituuntur. Certè Illustrissimus, ac Reuerendissimus Dominus D. VVladislaus de Aquino S. R. I. Cardinalis, & ad catholicos Cantones quondam Nuncius Apostolicus, ad sepulchrum Nicolai profectus, non nisi positis humi genibus venerabundus de eâdem veste fragmentum à Curione Saxellensi accipere voluit. Ioannes krummenacker ciuis, & totius Subsiluaniæ Labarifer inter suos thesauros numerat, nummum aureum, qui quondam ad Nicolaum pertinuisse dicitur, quem ille non tantum summâ in veneratione habet, sed etiam ægris exposcentibus pro impetranda sanitate sæpius commodatò mittit, non sine fructu, vt multi testantur: Ex quo denique patet, communi catholicorum, omnium, piòque sensu, ac consensu hunc virum inter Diuos iam pridem habitum esse.

CA-

CAPVT III.

*Nicolaus magnificentius conditur, &
colitur à Magnatibus.*

Verum enim non voluit com-
mittere præpotens, ac beni-
gnum Numen, vti ab hominibus
tantum seruus suus post obitum
honoraretur, sed & ipse manifestis
signis toti mundo demonstrare vo-
luit, quibus ipse cum in coelis fa-
uoribus prosequatur. Iacebat ad-
huc sacrum eius corpus eo, quo tu-
mulatum dixi, humili loco, terra
defossam, ac grandi lapide conte-
ctum, atque interea Deus ingen-
tibus quotidie prodigijs, quæ il-
lic fiebant, ostendebat, honoratio-
ri tumulto dignum esse tantum pi-
gnus, idque vnum se velle, vt ossa,
ac cineres absque terrestri alimen-
to tam diu sustentata, è terra su-

blata eleuatiore mausulæo sustentarentur. Id ergo demum agere decreuere Subsiluani anno post Christum natum supra millesimū quingentesimum decimo octauo, post viri Sancti decessum trigesimo primo. Inuitarunt ad id operis perficiendum Illustrissimū, ac Reuerendissimum Dominum D. Benedictum De monte Ferrando S. R. Imperij Principem, ac Lausannensis Ecclesiæ Pontificem, virum egregium, ac Nicolao per quam deuotum, collectoue per omnem Subsiluaniam Clero eā diem huic solennitati nominarunt, quæ D. Benedicto annuatim festa ipsi verò Nicolao in terris quidem postrema, in coelis autem initium æternitatis fuit. Eo igitur die præsentibus, quos dixi, alijsque frequentissimis spectatoribus, lapide semoto, tumulo aperto, reperitur corpus, imò iam non corpus, sed

cinere operta ossa leuantur humo ,
sacrique Antistitis manibus nouo
reponuntur sarcophago , quem
eius rei gratia quernum fecerant ,
receptaque sacra lypsana ferreis
claustris, ac repagulis clauduntur .
Eodem deinde loco , quo primo
defossa iacuerant , excelsum eri-
gunt mausolæum è solido Lucer-
nensi lapide , celatum vndique ,
& affabre figuris ornatum ; in hoc
lapidem collocant , qui prius mo-
numentum texerat, huic sarcopha-
gum imponunt , adiuncta capsula ,
quæ litteras memorati Lausanensis
Antistitis ad rei memoriam com-
plectebatur ; totum monumentum
ingenti denuo saxo claudunt, quod
augustum serui Dei simulachrum
egregio opere incisum præsefere-
bat , ac totum corpus ferro can-
cellato circumueniunt , muniun-
tue , & septem lampadibus perpe-
tuò arsuris exornant . Addita est

epitaphia inscriptio his verbis:
*Frater Nicolaus de Rupe relicta co-
 nuge, ac liberis, in eremum secessit,
 seruivit Deo sine corporali cibo annis
 decem & nouem, ac mensibus sex,
 obiit festo die D. Benedicti anno Do-
 mini 1487.*

Apertum est denuo hoc mauso-
 læum anno sæculari sexcentesimo
 supra millesimum, post eius ere-
 ctionem octogesimo, cum Saxet-
 lensis ædes necessario dilatanda
 esset, eoque quo diximus, ordine
 reperta omnia, nisi quod litteræ
 Pontificiæ vetustate, ac murorum
 humiditate consumptæ, legi am-
 plius non potuerunt. Qui tum præ-
 sentes fuere, suauissimo se odore
 ex tumba prorumpente afflatos
 fassi sunt; inter quos id constantis-
 sime semper asseuerauit Iacobus
 Antistes celebris in Subsiluania
 Cœnobij, quod à monte Angelo-
 rum nomen habet, qui tum, cum,

hæc fierent, Parochiæ Saxellensi vicariam operam impendebat. Sūt, qui in singulare omen trahunt, quod circa id tempus, quo in Saxonia enormes, omnibusque retro sæculis inauditæ aduersus auitam religionem hæreses exortæ pullulârunt, Saxellæ in Subsiliuania sacrum Nicolai corpus translatum, eximioque honore affectum sit, tum quia idipsum sic fore vates ille veri dicus prædixerit, tum etiam quia nascentibus atque ex ipso orco prorumpentibus Hagiomastygibus, Deus etiam recentes suos Sæctos honorare, atq, illustrare voluerit, vt apertè doceret, eā esse nouam illam, alienam uē fidem, quam orituram Nicolaus, canequē peius, & angue fugiendam, sæpius iam olim præmonuerat. Hæc de viri Dei in nouum maiusolænni translatione dicta sufficiant.

Illud quoque non in postremis recensendum est, quod iam inde, ab eius propè obitu Sacerdotes catholici, qui frequentes Saxellam confluebant, diuino Numini ad viri Dei honorem proprio sacrificio incruentam hostiam, quod peculiaribus, ac perspectis Dei amicis ab Orthodoxis Sacerdotibus fieri solet, litauerint, idque totos sexaginta duos annos, donec scilicet anno denique 1603. Illustrissimus, ac Reuerendissimus Dominus D. Ioannes Georgius ab Halvvil Cōstantiensis Præsul, cū dicecesim suam lustraret, re compertā, præcocem nimis religionem inhibitione publicè factā suspendit, quod diceret: Agnoscere se quidem, eximiā sanctitate virum fuisse Nicolaum, eoque honore minimè indignum, veruntamen absque supremā in rebus sacris authoritate permittere se non posse, vt viro,

b. III o J etiam

etiam Sancto, nondum tamen solenni ritu inter Diuos relato is honor decernatur. Quamobrem ab eo nihilominus vsque ad hæc nostra tempora, dies ille quo coelo natus est Nicolaus, festiuus per totam Siluaniam quotannis coli, eodemque die in æde Saxellensi celeberrima Sancti viri memoria haberi cæpit. Solet eo die celebrior, ac frequentior, quàm toto anno, omnium ordinum concursus fieri, ita vt multitudinem vix dimidiam templum, quamuis capax, capiat. Procumbunt summi infimique ad viri Dei sepulchrum, vestem eius demisse venerantur, asceterium obeunt, & obrepunt multi, pauimentum exosculantur, lacrymis rigant, & nullum denique religionis, ac pietatis genus omitunt, quo animum suum erga tantum virum testari se posse arbitratur. Cultus autem diuinus eo die
in

in illa & de hoc ordine solet institui. Ornantur aræ quàm fieri potest festiuissime, ac præter priuata sacrificia, ter horis antemeridianis solenni ritu Deo litatur, primùm pro liberandis ex pœna purgatoria, qui de familia Nicolai vitâ functi sunt, ipsum enim Nicolaum tali ope haud quaquam indigere pro certo habetur; secundùm in D. Benedicti, ac denique tertium in SS. Trinitatis honorem, vbi etiam Diuorum omnium commemoratione Nicolai memoria comprehenditur. Ad circumfulam concionem, qui eo die perorant, vt plurimum in viro Dei exornando, atque ad exemplum vitæ, ac virtutum mortalibus proponendo se occupare solent. Altero statim, qui eius obitum insecutus est, anno, id est millesimo quadringentesimo octogesimo octauo authore Henrico de Hundelſingen Canonico Beronensi,

si, compositum est de hoc viro Dei integrum, quod vocant, Officium, qualia de præstantioribus cœli incolis quotidie à Clero catholico decantari, recitatiue solent, quòd cum maximopere ad viri Dei commendationem totum faciat, totum tamen huc transferre nimis longum visum est. Spero interim Lectori minimè molestum futurum, si ex eo officio simplicem ei antiquitatem, ac sincerum affectum authoris erga hunc eremitam vel extremis labris delibandum propinem, id quod descripto vno, alteroque hymno ad calcem totius operis agam, vnâ item, alterâue suffragij formulâ, qua Deum in hoc viro Dei honorauit, atque inuocauit.

Fuit autem Nicolaus etiam post obitum suum non plebeijs tantum, sed etiam principibus viris in summo pretio, ac honore. Il-

lu-

Iustrissimus certè, ac Reuerendissimus S. Romani Imperij Princeps Matthæus Schinerus Sedunensis Pontifex, ac Vallesiæ Præfectus, &c. qui anno millesimo quingentesimo nono inter purpuratos Patres Romæ cooptatus est, cuius eximias laudes, Paulus Iouius insignis historicus tom. i. lib. ii. fusius exequitur, is, inquam pius Princeps pio, religiosoque prorsus affectu in hunc virum Dei ferebatur, id quod præclarè testatum facit, eius tum liberalitas, quâ noui templi ædificium iuxta Nicolai asceterium anno millesimo quingentesimo primo, vt dixi, erigi cæptum, ipse suis impensis cum primis promouit, tum etiam Henrici Lupuli Canonici Bernensis præfatio, qua libellum suum de vita Nicolai eodem iam nominato anno cōscriptum, vt infra pluribus tradam, Principi huic Nicolai amantissimo

mo

mo dedicauit, vbi inter alia eum
his affatur: *Cum etiam me minimè
lateat, quanta non solum ad hunc Ni-
colaum, atque totam illius propagi-
nem, sed & ad omnes Vnderual-
denses ciues affectione mouearis, eum
libellum, ornatissimè Princeps, tue
excellenti dignitati supplex, & offero
& dedico, non vt incultum verborum
contextum tæ politiissima censura vl-
lâ parte placiturum insaniam, sed
quò intermissis nonnunquam maiori-
bus negotijs, tam Sancti viri proba-
tissimos mores lectitando fatigatas
interim vires recolligas, atque ipsa
historia proprij authoris robore pa-
rum suffulta tanti iudicis castigatio-
nem subiens à detractorum calum-
nijs minus explodatur. Hæc Lupu-
lus ad illum Principem.*

Inter alios etiam Primates qui
Nicolai sepulcrum religiosè inui-
serunt, fuit Carolus Borromæus
Archiepiscopus Mediolanensis, ac

S. Romanæ Ecclesiæ Cardinalis, vir ille sanctimonix, ac prodigiorum famâ toto orbe decantatissimus, qui anno septuagesimo supra millesimum quingentesimum Saxellam venit, magnaue animi; corporisue demissione ad viri Dei mausolæum procumbens preces suas ad Deum supplex profudit, atque ex eo tempore quamdiu superstes fuit, singularem se Helvetiorum Patronum, ac Patrem exhibens, omnes animi conatus in eorum salutem obnixè impendit, vt eius acta publicis tabulis signata, abunde declarant. Nec dubium est, quin etiam postquam hic esse desijt, Helvetiæ tamen vnâ cum Nicolao, quem vnice, vt dixi, coluit, Patronus esse nunquam desierit. Ferunt hunc eundem Sanctum virum conspectâ Nicolai iconæ, publicè professum esse, iudicare se eximix vtique sanctitatis hunc virum

rum fuisse, quem etiam iteratò vivere in Subsilvania iam decreerat, nisi prematura mors iter ipsi intercidisset.

Serenissimus Austriæ Archidux Sigismundus, apud quem supra memorauimus magno loco, ac honore Nicolaum fuisse, ubi de eius obitu nuncium accepit, centum Sacerdotum Sacrificijs eius pijs Manibus parentauit, non quod, ut ipse fatebatur, tali eum subsidio in pœnis egere crederet, sed ut suum erga eum amorem, atque existimationem, quam de ipso conceperat, etiam post eius fata testatam faceret.

Cæterorum Principum, illustriūque virorum nihil attinet longum catalogum attexere, qui ex omnibus Europæ partibus longis itineribus Nicolai tumulum interuifere, supplices ei accedere, magnificisque muneribus templo oblatis, suam

suam in eum pietatem hætenus
testari voluerunt, cum eo vel in
hunc diem nihil communius sit,
nihilque frequentius; ad alia igitur
eius sanctimonix testimonia nunc
gradum faciemus:

CAPVT IV.

*De Nicolai canonizatione quid hæ-
tenuſ actum sit.*

Vix dū Nicolaus mortali po-
sitâ sarcinâ ad superos in cæ-
lū euolârat, cū multus iam passim
rumor de eius solenni, ac publico
inter Diuos cultu, ac veneratione
spargi cæptus est, id quod ex eo
vel maximè fit manifestum, quia
eo ipso tempore preces de illo ho-
rariæ, quarum iam supra memini,
à magni nominis, ac religionis au-
thore compositæ, ac vulgatæ sunt,
quas non nisi Diuis persolui
cer-

certum est, quos suprema authoritas colendos esse decreuerit. Verum, ut ego quidem reor, iniquitas temporum obstitit, quo minus res tanti momenti, uti par erat, vrgeretur; & quamuis tum Romæ, tum etiam Tridenti magni illius Concilij tempore multa eius negotij mentio sæpè incideret, grauissimæ tamen Ecclesiæ calamitates, quæ quotidie nouæ incidebat, quorum intererat animos adeò aliò auocârunt, ut quæ inter priuatos parietes de hac re disceptata fuerant, in publicum vrgeri, & ad Sedem Apostolicam deuolui non possent; atque ita res hæc ad alterum vsque sæculum à viri Dei obitu dilata est, nam circa annum denique millesimum quingentesimum nonagesimum instinctu Illustrissimi, ac Reuerendissimi Domini D. Octauii Parauicini Episcopi Alexandrini S. Rom. Ecclesiæ Cardina-

dinalis, atque ad Heluetios eo tē-
pore Legati Pontificij, Comitia
Catholicorum Cātonum in Subsil-
uaniam eam ob rem in dicta sunt,
vbi communi consilio conclusum,
in sanctam Nicolai vitam solerter
inquirendum, omnia in tabulas
publicas referenda, testibusque
omni exceptione maioribus sta-
bilienda, itaque ad pedes Sum-
mi Pontificis consignanda esse.
Deinde solenni supplicatione or-
dinata, ipsi ad Comitia collecti
Heluetiorum Proceres sequentes
omnium Ordinum ingenti multi-
tudine, ex Sarnensi oppido ad ædē
Saxellensem processere, ibique ad
tantum opus, imploratā diuinā o-
pe, ac re diuinā celeberrime pera-
ctā eodem ordine, vnde abierant,
rediēre: lectis denique ex omni
Subsilvania quindecemuiris fide,
religione, atque aūthoritate præ-
stantibus ad hoc negotium præfe-
ce-

cere Petrum Embergerum pro tē-
pore Lucernæ Canonicum, ac po-
stea Beronæ Præpositum, Iacobum
Krusium Rectorem Collegij So-
cietatis IESV Lucernæ, & Ren-
vuardum Cysatum seniore, No-
tarium Apostolicum, S. Latera-
nensis Palatij Comitem, Equitem
auratum, atque Reip. Lucernen-
sis Archigrammateum, quibus mā-
dârunt, fide publicâ omnia tra-
ctare, diem dicere, conuocare quos
vellent, singulis aures dare, scru-
tari, iusiurandum exigere, ac de-
nique nihil omittere, quod perti-
neret ad fidem faciendam ijs, quæ
hactenus de vita, morte, ac mira-
culis Nicolai siue famâ siue scripto
vulgata fuissent, aut recenter in-
dagari possent. Solutis Comitijs,
ij, quibus negotium datum, illud
sine dilatione aggressi sunt, mense
scilicet insequentis anni primo,
vbi auditi cum primis ij, quorum

vel

vel parentes, vel sanguine proxime iuncti Nicolaum in eremo quondam & viderant sæpius, & cum eo collocti, testes oculati eius innocentiae, ac sanctimoniae fuerant. Narrabant illi ea, quæ hæcenus de viro Sancto in chartas congeffimus, simplici sanctâque fide, quæque enumerassent; datis dextris confirmabant, qui ritus ijs locis iurisiurandi vim obtinet. Accessere deinde plures alij longo ordine, qui prodigiosa beneficia viri Dei ope sibi suisque impetrata eadem fide testabantur, quibus referendis paulò infra suus erit locus. Exacti plures in eo examine dies, relata omnia in tabulas, ac publico Procerum Subsiluanie addito decreto stabilita & roborata sunt. Renvvardus verò Cysatus, quem supra nominaui, Notarius Apostolicus, quæ probatâ fide adnotata fuerant, in compendium breuemq;

com-

commentarium retulit, ut ipse de se testatur his verbis: Peracto denique, & concluso presenti actu, ac processu, modo & formâ, quibus supra cum omnibus clausulis, & solennitatibus adhuc requisitis, & necessarijs, omnia per me infrascriptum Notarium in notam sumpta, & fideliter presenti hoc libello comprehensa fuerunt, presentibus, Venerandis religiosis, ac perdoctis viris DD. Ioanne Melitore Artium, & Philosophiæ Magistro, Parocho Lucernensi, ac venerabilis Beronensis Collegij Canonico, & P. Martino Leubenstien supra memorata laudabilis Societatis IESV Collegij Lucernensis Sacerdote re-
stibus ad hoc specialiter vocatis, & requisitis. Qui quidem actus, & processus in hoc præsens instrumentum, & præsentem hanc formam ad petitionem præmemoratorum Dominorum Vnderwaldensium redactus, & ipsorum Dominorum examinato-
L rum

rum, qui eundem actum, ac processum solito iuramento proprijs manibus tactis Sacrosanctis Dei Euangeljs, suarumque dictarum manuum, nec non testium, & mei Notarij publici subsequenter nominati subsignatione roboratus, & confirmatus fuit, in edibus prefati Collegij Societatis IESV Lucernæ Calendis Februarij anno reparata salutis 1591.

Subscribere hisce omnibus, quos supra nominaui Inquisitores, ac iureiurando testati sunt, nihil in hunc actum doli mali, fraudisue irrepsisse, sed sanctâ sincerâque fide, quantum humanitûs fieri potuit, negotium susceptum, atque expeditum esse. Acta denique omnia in commentarium, vt dixi, relata concludit hic epilogus: Ex hac igitur breui, & verissima relatione vite, & miraculorum tanti Viri Sanctissimus Dominus, Dominus Papa colligere poterit, quid

catholica Heluetia votis, quid totius
populi sententia, & tot probatorum
hominum testimonijs de admirabi-
li huius nostri Nicolai abstinencia,
& vite sanctimonia, deque euiden-
tibus, & in vita, & post mortem
miraculis, quid denique horum tem-
porum necessitatibus ad catholica
pietatis, & fidei in hisce regionibus
catholica Heluetie amplificationem
debeat. Quare Potentes, ac clarissi-
mi Domini Cantorum sue Pagorum
Heluetiorum Catholicorum humili-
bus precibus per Legatos suos deputa-
tos à sua sanctitate contendunt, ut
intuitu huius viri, & tot fidelium
pientissimis votis annuendo, premis-
sis diligenter inquisitis, & exploratis,
ad eiusdem consecrationem, & cano-
nizationem procedere dignetur, ne
quem tam Deus in cælesti floriâ San-
ctorum chorodignum fecisse pluribus,
ac manifestis indicijs, & miraculis
ostendit, in terris debito Sanctorum

honore defraudetur. Misère Siluani Romam Legatos viros illustres Melchiorum Luffium, & Melchiorum in Campo, vtrumque equitem auratum, ac Siluaniae vtriusque Consulem, quorum prior etiam catholicorum Cantonum ad Concilium Tridentinum Orator fuerat. Suscepit illos peramanter Pontifex Gregorius quartus decimus eiusdem nominis, Luffium praesertim, quem iam Tridenti nosse ceperat, magnamque illis spem fecit liberaliter obtinendi, quod pie, religioseque petissent. Et certe spes haec illos non fefellisset, nisi mors interueniens promptissimum in hanc rem Pontificem à viuis subtraxisset. Itaque negotium denuò reiectum est in annum è vicesimum primum supra millesimum sexcentésimum, quo suapte sponte Congregatio, quae Rituum appellatur, eò quod prior illa,
in-

inquisitio requisitis nonnullis solennitatibus caruisset, annuente Pontifice Max. Gregorio decimo quinto decreuit, de nouo inquirendum in vitam, mores, ac miracula Nicolai, quod decretum, Pontifice breui ex humanis sublato, S. D. N. Vrbanus Octauus modernus Pontifex catholicorum Cantonum rogatu non modo confirmauit, verum etiam proprijs ad eosdem Cantones datis literis abundè demonstraui, quò animo erga Nicolaum sit, quantumue piorum in hoc negotio hominum desiderio satisfacere cupiat. Litteræ eius sic habent.

VRBANVS PAPA VIII.

DLECTIS FILIIS SVLTETIS,

Lantammannis, & Senatui octo
Pagorum Heluetiorum, Lucerna,
Vranta, Suintj, Subsilvania, Tu-
gy, Friburgi, Solodori, & Abba-
tis Cella, Ecclesiastica libertatis
defensoribus.

Dilecti filij, Salutem & Apo-
stolicam benedictionem,
Sanctorum cultus, non solum
Christianæ pietatis officium, sed
etiam principatus omnis propu-
gnaculum; si enim cum Christo
regnantes iudicant nationes, &
dominantur populis, atque eos
potissimum cælestibus beneficijs
muniunt, à quibus in se omnipo-
tentis Maiestatis gloriam coli gau-
dent. Quare in Alpes vestras vi-
demini elicere auxilia Angelo-
rum,

rum, & patrocinia Sanctorum, dum coelestes honores, & radiata diademata petitis Nicolao de Flue Vndervualdensi, quem sanctimonia in cremo creditur educasse caelo. Grande hoc Helvetiae gentis decus, non modo quarere in acie trophaea Regibus, & custodire in stationibus Principatus, sed etiam in castris Christianae poenitentiae vim caelo inferre, & mereri triumphos beatitudinis. Tam pia nationis fortissimae vota pronis auribus excepimus. Quare, expectamus Eremitae Nicolai tum mores, tum miracula publicis consignata monumentis, ut caeleste hoc negotium solitis pietatis, ac prudentiae consilijs perpendere Pontificia auctoritas quamprimum possit. Orabimus autem illum, qui Sanctorum principatum tenet, ut id tam graui in deliberatione decernere Nobis praecipiat,

quod catholicae Ecclesiae salutare
sit, & Heluetio Nomini gloriosum,
Vobisque Apostolicam benedi-
ctionem impartimur. Datum Ro-
mae apud S. Mariam Maiorem sub
annulo Piscatoris, die 13. Sep-
tembris, 1625. Pontificatus No-
stri anno secundo. *do. Ciampolus.*

His acceptis à Pontifice literis,
quibus mandatum est ab eodem
Pontifice, illo adhuc anno ad no-
uam, eamque postremam inquisi-
tionem processerunt, idque per
quam solertissime accurarunt, ut
eorum nihil prætermitterent, quod
vniuersalis Ecclesiae consuetudo,
tantique negotij magnitudo exi-
gere videretur. Atque hic de-
mum processus solemnibus consueta-
que formâ confectus Romae acce-
ptus, approbatusque dicitur ab his,
quorum interest de huiusmodi

negotijs disquirere, ac pronuntiare, adeò vt jam superesse aliud nihil videatur, quàm vt tanto negotio extrema denique Summi Pontificis authoritas, ac manus imponatur, quod propediem fore speramus.

CAP. V. T. V.

Vita Nicolai iam olim à varijs conscripta.

VITA M^o Nicolai, primus omnium, compendiosè, tamen conscripsit Reuerendus, & Doctissimus D. Henricus de Gundelfingen artium, & Philosophiæ Doctor, amplissimique Collegij Beronensis in Heluetia Canonicus, eamque inclyto Lucernensium Senatui altero post obitum viri Dei anno dedicauit. Titulus libello præfixus est; *Nicolai Vnder*

valdensis Heremita prædicationis.
Ipsius verò opusculi exordium,
quia virum Dei non parum com-
mendat, placuit hic descriptum
oculis tuis Lector subijcere: sic er-
go orditur: [Qui omnia in solâ
virtute posita esse iudicârunt, quæ
ad benè pertinent, beateque vi-
uendum, hi mihi sensisse temerè
nihil videri solent. Nam quid est
in corpore, aut fortunâ ipsâ, quam
vocant, aut bonum, aut expeten-
dum, si honestate vacet? Id certè
solum, quod honestum est, & se-
cundùm virtutem, bonum cense-
ri oportere, non solùm Stoici ver-
bo vsurpârunt, sed longè magis
re etiam Frater Nicolaus de Sa-
xelon Vndervualdiæ religiosissi-
mus declaravit. Quid enim
Nicolaus noster aut cogitavit, lo-
cutus est, aut egit, quod non ex
mediæ virtute, ac religione profi-
ciscatur? Qui, si vel in corporis
vel

vel in fortunæ bonis, commodisque præclarum quiddam, aut præcipuum positum esse arbitratus fuisset, tum quieti, voluptatique studuisset, tum cumulandis diuitijs post se liberis, vxorique suæ relictis. A quibus omnibus ita abborruit, vt nihil à se magis alienum existimarit, quàm diuitiarum ineptum studium. Nouit fanè Frater Nicolaus Heremita noster religiosissimus, istiusmodi omnia esse seruilia, & animo ingenti, excelsoque indigna, intellexit eum hominem, qui extrinsecus sit, interiore homini obtemperare, parereque debere, huius autem esse ita imperare, vt ratio, intellectusque præscribit. His enim duobus quasi luminibus mentem humanam omnia aspicere, omnia videre, omnia dilucidè cernere, siue ea sint temporis, seu eternitatis, siue sit in mundo, seu supra mun-

dum. Itaque desinant mirari, si imperiti rerum aliqui fortassè cæperint, cur Nicolaus Heremita quum primum solitariam, anachoriticamque vitam cum consensu conthoralis suæ quæsiuerit, ad nihil aliud magis animum conuerterit quam ad restaurandam eremiticam religionem, ab Antonio, Paulo, alijsque Patribus institutam penitus iam tam oppressam. Sciebat sanè Nicolaus se natum esse non sibi soli, sed multò magis etiã eremiticæ religioni, suæque animæ salutis, alijsque eremitis lexemplo: cuius ærumnosam oppressiorem pati diutius aliorum eremitarum desidia, existimabat non minus perniciosum ac funestum, quàm indignum, & dedecorosum. In primis quare quem morari circa conchoralem, liberosque suos educare oportebat, in tanta corporis validitate, & permolesta vxoribus

ris viduitate ; id non modo neglexit ; sed etiam contempsit cum satis diuitiarum eis reliquerit, nihilque nisi peram, & baculum secum receperit &c.] Hæc ille ; quibus deinde subiungit ea pleraque, quæ nos de ortu, vitâ, Obituque viri DEI iam exposuimus.

Eodem ipso etiam anno, eiusce scilicet decimi quarti à Christo sæculi octogesimo octauo, qui mortem viri Dei secutus est ciuis quidam Norinbergensis, Nicolai eiusque prodigiorum famâ excitus, Subsilvania in rem præsentem venit, quæcunque ipse compertissima de eo habere potuit, propriâ manu, ac simplici stylo in membranas retulit ; quorum exemplum etiam nunc inter monumenta Saxellensia iuperest. Constat item illo ipso iam tempore maiorum autoritate certos fuisset tabelliones constitutos, qui non nisi testatissima ac iureiu-

ran-

rando stabilita de viro Dei in illa
monimenta referrent. Tertijs in-
ter Nicolai Biographos locus de-
betur Henrico Lupulo Bernæ Nui-
thonum Canonico, viro ætate suâ
eruditionis, virtutisque laudē cla-
ro, magnæque apud Heluetios exi-
stimationis; dicauit hic industrium
laborem suum Matthæo Sedunen-
sium Antistiti, de quo superius fa-
cta est mentio. Eidem verò libel-
lo suo non ineleganti procemio
prælusit, quòd cum egregiè faciat
ad eius historiæ confirmationem,
placuit verbatim describere.

*Henrici Lupuli Bernensis in B. Ni-
colai de Saxo vitam ad Vnderuua-
ldenses ciues præfatiuncula.*

QUAM ea per vos mihi, Vn-
dervualdenses Viri primùm
iniungeretur prouincia, ve
in excudenda seriatim Dini vestri
Ni-

Nicolai vita diligentius elabor-
rem, fore nonnullos subuerebar,
qui vel ignoti authoris eiusque cæ-
cutiente vſi calamo, nomen, vel
inaudita his nostris ſæculis Histo-
riæ nouitatem abhorrentes no-
ſtrum potius (vt eſt inuidentium
latratus) calumniarentur quàm
approbarent inſtitutum. Eoque
ſiebat, vt me inuitum, atque tardum
iniuncto iam operi accingerem.
Verùm vbi mentem parumper do-
meſticis ereptum curis quietius
cöllegiſſem, intellexi ſanè res ge-
ſtas nullius cenſendas momenti, ſi
ſcriptorum dumtaxat innixæ viri-
bus atramento fidem cogantur mē-
dicare. Vnde meo quidem iudi-
cio veritas ipſa ſufficientiſſimam
ſibi ſuo iure vſurpat autoritatem.
Nihilque refert dum vera ſcribat
ignotus Author, elegantiffimo Au-
relij Auguſtini adſtipulante elo-
gio: Fiat, inquieris, ipſa veritas,

authoritas, finè qua nec valet authoritas. Neque adeo ipsa insolita est historia, vt cuiquam fidelium veniat respuenda, cùm & eiusmodi religionis, ac abstinentiæ quam plurimos non solum virilis sed etiam muliebris sexus, fuisse prioribus illis Ecclesiæ temporibus nemo Christianus ignoret. Quod si fortè rarius nostræ nunc eueniat ætati, non id benignissimi atque optimi Conditoris tenacitati, qui volentibus affluenter elargitur, sed nostræ potius inueteratæ malitiæ, qua boni simul cum malis affliguntur, venit imputandum. Quapropter audacior factus volui de mum vestræ morem gerere petitioni, eaque vt ita dicam fragmenta varijs hinc inde codicillis absque ordine fide tamen dignorum testimonio conquisitis ad me nuper delata in vnâ componere lectionem: quæ in multas dissecta partitici-

ticulas, huius Nicolai tam ætatem, quàm etiam mores commendatissimos serie quadam ita complecteretur, vt nihil in se includeret, quod non iurisiurandi Sacramento vestra prius opera constaret exploratum. Cui deinde & ipsa quibus Dei famulus hæcenus clauit miracula subiunxi, vt si qui viuo (quod & iustissimis maximè euenit) æmuli præsumpsissent insultare, mortuum saltem prodigijs corruscantem perdiscerent reuereri. Quæ in re longius etiam sumendum erat exordium, quo ipsa vestra laudatissima Ciuitas, inter Heluetij foederis partes non minima, quibusdam tamen exteris adhuc ignota regionibus Diui huius Nicolai fama eminus illustrata, nostris quoque scriptis, dum locum ipsum ac gentem pandimus, fidem augmentaret. Hunc igitur libellum, optimi viri, nostri
labo

laboris primitias equo suscipite,
 animo; quo meam in vos obser-
 uantiam, atque vestre Patriæ Spe-
 culum cunctis Vndervualdensibus
 intuendum facilius positis perspi-
 cere.

Hoc exordio Lupulus Nicolai
 vitam descripturus Siluanos allo-
 qui voluit; addo etiam exordio
 perorationem; qua commentariū
 suum clausit: [Hæc mihi viri Vn-
 dervualdenses, de Diuo patre, at-
 que conterraneo vestro Nicolao
 conscribenda sunt oblata. Quæ ta-
 meti verissima sint, nullam tamen
 temerè quid aut ineptè gloriandi,
 sed amplexandæ potius, & augen-
 dæ diuinæ religionis occasionem
 vobis debebūt administrare. Quid
 enim potuit à Summo DEO vestræ
 Ciuitati donari gratius, quam hu-
 ius Eremitæ ditatam patrocinio,
 incolumem atq; pacificam Remp.
 in tam dubijs fortunæ euentibus

con-

conseruari? Nemini profectò ambigendum est, nedum suis concubibus, sed & toti Heluetio foederi, illius interuentiones persæpè hæctenus fuisse suffragatas. Quapropter summa vobis videtur impendenda opera, quo cuncta tanti aduocati beneficia in Dei laudem ac vestram ædificationem cumulatissimè conferatis. Quod si feceritis non erit cur vnquam illius vos adiutorio conqueramini destitutos. Reliquum est hoc nostrum opusculum hilari fronte atque integro in omnes Vnderualdenses animo exaratum maturius per Vos diuulgari, vt & deuotæ Nicolao mentes aduersantium (si qui sint) emulorum maledicentiam facilius occludant, & ipsi sibi pietatis exemplar proponentes in Dei, ac famuli eius obsequium ardentius inflammentur. Vbi etiam benignum lectorem velim exhortatum, ne mihi

hi

hi succenseat, si sortè ineptius aliquid, aut minus politum offenderit excidisse, cùm magis ad edicendam veritatem, quàm in trutinando limitatæ orationis labore defudârim.] Hęc Lupulus, cuius opusculum adeò iam olim probatum, acceptumque fuit, vt etiam à fidei catholicæ hostibus præter morem, atque ingenium eius farinæ hominum laudatum sit, vt breui fusius docebo.

Circa annum deinde instauratę salutis millesimum quingentesimũ vicesimum primum Sebastianus Rhætus Sacerdos, qui nostri Nicolai Sacellum multis annis curauit, vir antiquę fidei ac sinceritatis, etiam ipse eius res gestas ex Lupulo cæterisque vetustis monumentis, vnâ cum viri Dei sacris, spirituque plenis apophtegmatibus, & vaticinijs, in libellum congressit, qui hodieque manuscri-
ptus

ptus in Subsiluania apud R.D.Ioachimum Eichorn, de quo paulò post, superstes custoditur. Fuitq; adeò hic quartus vitæ Nicolai scriptor.

Huic deinde in hoc labore successit vir integritate, ac prudentiâ eximius Ioannes Salatus ciuis, ac publicus Lucernensium Notarius, cuius opus anno reparati orbis millesimo quingentesimo trigesimo sexto typis editum, ac Senatui Lucernensi dicatum etiamnùm extat. Commendatur eius historia in ipsa eius libelli præfatione his simplicibus verbis: *Atque hæc vera est, authentica, Deoque placida historia, quæ fidei Christianæ Catholicæ patrocinari egregiè queat, scitu utilis, ac necessaria, nulloque modo regenda amplius silentio; exemplum pietatis, honestatis, ac veræ fidei, quod nemo unquam eleuare fuit ausus, imò quod subuersu, & refutatu impossibile est.*

prorsus. Hęc aliaque plura ibi, quę
tamen lubens omitto. Et quamuis
hi, quos dixi, commentarij copio-
sè satis prælo subiecti in lucē pro-
diissent, tanta tamen erat erga Ni-
colaum in hominibus pietas, ac re-
ligio, vt eius vitam legere cupien-
tium feruori exempla, quamuis
copiosa, minimè sufficerent. Vnde
primo supra septuagesimum eius
æui anno Vdalricus Vvitvilerus
Ecclesiastes celeberrimi Coenobij,
quod à Deiparę Matris eremo nū-
cupationem sortitur, piorum de-
sideria impleturus ex iam nomina-
tis authoribus, quos ipse probatos
agnouit, Nicolai historiam recen-
ter concinnauit, ac Dilingę Sue-
uorum impressam quinque Catho-
licę Heluetię Cantonibus eruditā
præfatione nuncupauit. Cumque
ne sic quidem omnium votis exē-
pla illa responderent, idem deinde
eiusce Monasterij Pręsul, ac S. Ro-

mani

mani Imp. Princeps appellatus ,
eandem à se conscriptam historiã
maximo numero recudi spargiue-
fecit, ac denique hic ipse Prin-
ceps Illustrissimus Reuerendissi-
musque Præsul, eo anno, quo su-
pra dixi sollemniter in Nicolai vi-
tam inquiri ceptum, id ipsum,
quod de eo publicis tabulis edide-
rat, luculento testimonio designa-
tis Censoribus, totique orbi sta-
biliuit. Et quamuis illud longius-
culum sit, quia tamen & nostræ
etiam historię, & viro Dei autho-
ritatem non exiguam facit operę
pretium visum est, illud ipsum Le-
ctori hic descriptum dare. Sic ha-
bet.

[F. Vdalricus Dei, & Apostoli-
cæ Sedis gratia Abbas celeberrimi
Monasterij, ac Sacelli Diuæ
Mariæ Virginis Heremitarum di-
uinitus consecrati, Sacrę Aposto-
licę Sedis immediati subditi, Ord.

D. Be.

D. Benedicti Constantiensis Diocesis, prouincię Mogunt, &c. & Sacri Romani Imperij Princeps omnibus, Christi fidelibus ad notitiã salutem. Deum Opt. Max. iam inde ab orbe condito, ad nostra vsq: exulcerata tempora, contra ruinas, scelera, scelerumque poenas, calamitates, & flagella humano generi in vniuersum vel etiã priuatis partibus impendentia ipsum prius varijs miraculis, ac virorum Sanctissimorum cum monitis, tum vite exemplis premonere solitum fuisse, in sacris literis, historijsque Ecclesiasticis vel mediocriter versato patebit. Protoplastum enim ipsemet casus sui, per Noë mundum vniuersum diluuij per Moysen lege data viuendi rationis, per Prophetas variarum captiuitatum, & angustiarum, per Christum & Apostolos eorumque sequaces varios probatissimos hęresum, ac errorum

rorum pestilentissimorum, qui in Ecclesia Dei (id hominum peccatis extorquentibus) orituri erant , præmonuit , atque contra præmunivit. Hinc quosdā posuit in Ecclesia sua Apostolos , alios Prophetas , quosdam Doctores , alios virtutes , gratias curationum alios , in ædificationem Corporis Christi, ut illi contra omnes nefarios in, vniuersum occurrentes hostium insultus sua non deessent præsidia , ac munimenta . Instabant sæculo postremo longè omnium periculossissima tempora , quibus infinitis propemodum hæresum , atque sectarum portentis rete Petri hominum perfidia sciendendum erat , in quæ nos infeliciter admodum nati incidimus. Quo itaque hominum iniquitatem maiorem , & pericula grauiora futura Deus providebat , eò maiora etiam , ac plura prouidere voluit malorum re-

media. Supra vetera igitur, & nobis cum alijs communia dedit nouum aliud, & peculiare salutis adminiculum. Necdum enim exortis, ac præforibus instantibus, & quæ iam inuiti videmus, ac patimur in Heluetiâ nostrâ, ac passim alibi funestissimis religionis Catholicæ naufragijs, nascitur in eadem Heluetiâ Cantone Catholico Subsiluanienfium sub annum Domini MCDXVII. Nicolaus de Flue, vulgò Frater Nicolaus dictus, quem Deus in matris utero vita, & morte spiritu prophetico, virtutibus, inuicta in fine Catholica constantia, miraculis item, Angelis, & hominibus admirabilem pariter, ac venerabilem fecit, prout eius rei multa Orthodoxi viri, qui adhuc nostrâ memoriâ in viuis extiterunt, oculati, & fidelissimi testes: Insuper vitæ ipsius omnium passim manibus trita, notissimaque

ma-

manu scripta, & prælo etiam commissa historia, indubitata fide faciant; Fuit eius vitæ series primò, quod vidi, circa annum Domini MCDLXXXVIII. publicis typis in Civitate Catholica Lucernâ Heluetiorum excusa: postmodum deficientibus exemplaribus à plurimis bonis viris, & Catholicæ Ecclesiæ coniunctissimis iterata ipsius editio avidè, & importunè admodum tum ab alijs, tum à me etiam præfato Fratre Vdalrico VVittvuilero eius temporis prædicti Monasterij mei Decano, & Parocho instanter petita, & expectata fuit. Cœgit honor Dei, & viri Sancti gloria variè manifesta, impulit salus patriæ publicæ; visit demum eiusdem miserrâ ob grassantes hæreses, ac perturbatissima conditio, instigavit rei quoque ipsius, tum gravitas tum veritas, desiderijs piorum pro vi-

ribus morem gerere, donec ab alijs viris doctioribus, vel ab Ecclesia Dei aliquid præclarius, aut sublimius ederetur. Ope ergo gratiæ diuinæ, & viri iusti, cuius historiam scripturi eramus, patrocinio implorato, ac vetusto admodum originali manuscripto exemplari ex Subsilvania accepto, cum impresso typis vnâ cum multorum fide dignorum fidis relationibus diligentissimè collato, cum ea per omnia in vnum conuenire, & nihil contra fidem Catholicam aut bonos mores in se complecti conspiceremus, opus aggressi sumus & libellum edidimus, eumque nos hisce præsentibus edidisse testamur hoc titulo prodeuntem. Verè mirabilis historia & vita, integerrimi, pij, deuoti ac nominatissimi Nicolai de Rupe germanicè *von der Flüg* dicti vulgò *Bruder Claus*. Qui supra siluam

uam in Subsiluania Heluetiorum
natus est, renouata, & aucta per
Frat. Huldaricum VVytivuilerum
Decanum Heremitarum: vna cum
præfatione, & admonitione Chri-
stianâ eiusdem, ad laudatam Hel-
uetiorum Gentem, cum priuile-
gio Cæsareæ Maiestatis impressa,
Dilingæ per Sebaldum Mayer,
Anno Domini MDLXXI. Recusa
postmodum ibidem per Ioannem
Meyer, An. Domini MDLXXXV.
In ea editione (sic enim Deum &
Sanctos eius testamur) falsi nihil
aut ficti, nihil noui, nec de nostro
profecti, quod ad rem non esset,
adiiecimus inseruimusque, sed so-
lum id in lucem misimus ordine,
nonnihil immutato, quo clarum
omnibus, quod vetusto manuscri-
pto originali, quod veteri excuso
exemplari, quod fide hominum
integerrimorum, senumque rela-
tioni, quod demum quasi à maio-

ribus de manu ad manum traditum veritati consonabat. Quidni ergo in lucem prodiret rarum hoc nostro afflictissimo sæculo, diuinæ potentiae, ac benignitatis, & veterum Heremitarum non absimile exemplum? Quid ni vir iste Heluetius nostris temporibus ceu Antonius, & Hilarion alter Floridus Heluetiæ turbulentæ ac caliginæ hæresum oppressæ ceu stella limpidissima iterum oriretur? Nobis siquidem peculiariter natus, nobis datus, & paulò ante nos intermortales mortalis, & ipse sanctissimè conuersatus est. Non profectò decebat sub terra latere tantum à Deo traditum thesaurum; eruendus erat, & ex profundis obliuionis humanæ fodinis in lucem vindicandus; non debuit suppressi nec sub modio abscondi tam limpidum, tam lætum, tam venerabile verè Euangelici viri lumen;

in

in candelabrum publicè cunctis proponendum fuit, quod à Deo datum erat ad illuminandum magnam Ecclesiæ domum, ad illuminandos quotquot in tenebris errorum, & in umbra mortis peccatorum lethaliū sedent, ad dirigendos item pedes omnium in viam veritatis, justitiæ, salutis, & pacis. Bonis quidem & qui à Catholica fide non deuiarunt, hactenus proponi debebat, ut in religione auita, ac Catholica, in unica Christi orthodoxa Ecclesia, in sanctissimorum Sacramentorum fide veneratione usu, ac frequentatione tanti viri exemplo viuo immoti, fixi, constantes, & imperterriti persistant, nec ullis heresum procellis, ac schismatum monstris se concuti, ac percelli sinant, à quibus tam frequenter, tam seriò, tam sollicitè, tamque fraternè nobis cauendum vinens adhuc suis

coæuis simul, & sequacibus in-
nuit, & inculcavit. Illis verò qui
à Catholica fide vel ipsi nefariè
desciuerunt, vel ab impostoribus
fraudulenter, ac miserè decepti, &
seducti in errorum tenebris agi-
tantur, ad propriam ipsorum con-
fusionem, quæ tamen (si sapere
velint, & ex vitæ ipsius serie, vnde
& quo miseri delapsi sint, diligen-
tius secum cogitare) ipsis cedere
possit in errorum suorum cognitio-
nem, eosque ad illud, vnde de-
uiârunt, & in quo vixit, ac mor-
tuis est Nicolaus noster, amicum
Christi & Ecclesiæ Catholicæ ovi-
le Romanum reducere. Glorian-
tur isti se clarum Euangelij lumen,
ac Verbi Dei subscamnis inuenif-
se, veniet certè tempus, nisi ad
Fratris Nicolai vestigia reuertan-
tur, quando irreparabilis, ac æter-
num lamentabili suo damno ex-
perturi frustra que deploraturi sũt,
quan-

quando ex crassissimis, ac plusquā
cymmerijs perfidiæ errorū ac hæ-
resum tenebris, scelerumque ter-
ræ caligine, quibus obuoluti, &
oppressi iam tenentur, in exterior-
es, atque sempiternas illas præci-
pitabuntur. Nobis hæc gloria sit,
hoc nostrum gaudium, & exulta-
tio, hoc præconiū libertatis, & no-
bilitatis nostræ, Dei beneficio
tantum nobis virum esse donatum
eius fidem, vitam, mores, Dei
mirabilia in ipso iugiter non con-
templari modo, nec ore tantū,
de eius sanctimoniā gloriari, sed
fidem fidei, vitæ vitam, moribus
mores coniungere, & conformare,
sicque verè Deum in Sanctis suis
mirabilem ore, & opere hīc, & in
æternum prædicare. Atque hæc
editionis nostræ, eiusdemque cau-
sarum motuarum apud omnes
Catholicæ veritatis amantes no-
stra testimonia scripto & sigilla

nostro munita luculenta sunt.
Datum in Coenobio nostro Here-
mitano 13. Calend. Martij, Anno
salutis MDXCI.

*Idem qui supra testor
propria manu meâ.*

Hæc Princeps Illustrissimus, qui
Nicolaum nostrum hiscè alijsque
suis monumentis eximiè sanè illu-
stravit. Ioannes Ioachimus Ei-
chora Sacerdos Subsylvanus, Bel-
hemio inter Nemetes oriundus,
hoc nostro tempore colophonem
denique, atque extremam manum
imposuit ijs laboribus, quos jam
nominati scriptores, vt dixi, in
Nicolai vitâ scribendâ impende-
runt; Collegit hic vndique dili-
genter quæcunque de Nicolao
probatissima, testatissimaque repe-
rire potuit, eaque in commenta-
rios congesta, vernaculâ, latinâue
linguâ non semel edidit, quæ om-
nia reliquus Subsylvanix Clerus
di-

diligenter inspecta, veteribus monumentis, ac scriptis, quæ viro Dei extant, prorsus consentire propria manu testatus est. Hæc de Nicolai antiquis, recentibusque Biographis paulò fusiùs ideò commemoravi, vt ampliorem etiam huic meæ narrationi fidem facerem quam non ex obuia quauis cisternâ, sed ex hiscè ipsis fontibus limpidissimis potissimùm hauritam Lectori libandam propino.

CAPVT VI.

Indigenarum encomijs Nicolaus celebratur.

FVERE, præter memoratos, plures alij indigenæ, qui suis scriptis Nicolai nostri nomen, famamque, quamvis succinctius, celebrârunt, quorum paucos superioribus attexere placuit. Ag-

men ducat Poëta ille laureatus
 Henricus Loritus Glareanus Gla-
 ronensis patricius, cui idem annus
 vitæ primus, qui Nicolao vltimus
 fuit, cuius auus, cæterique maiores
 cum eodem bellis interfuere, pa-
 rens verò in eremo virum DEI al-
 locutus est, ipseque Poëta filium
 eius anno 1510. in Subsilvania
 Consulem conspexit. Hic igitur
 Poëta in breui, quo totam Hel-
 uetiam depingit, opusculo, dum
 Subsiluanorum genti accinit, in-
 ter alia sic modulatur :

-- *Huic est vastæ pius Incola eremi
 Nicoles, qui uno & viginti sobrius annis,
 Nil potius, esusue tulit, mysteria cæli
 Edoctus, sacro vivebat corpore Christi.*

His paucis multa complectitur
 Glareanus, quæ pluribus nihil hîc
 attinet exponere, quia ab alio jam
 exposita paulò inferius declarabi-
 mus. Huic succenturiare placuit
 prænobilem, ac strenuissimum Do-
 minum Sebastianum à Beroldin-

gen Equitem auratum, qui sua
ætate supremum Vraniensiu Reip:
domi, militiaeque magistratum
gessit, cui anno millesimo quin-
gentesimo ac nonagesimo proli-
xiore Mineruâ in viri Dei laudem
ludere visum est modulis, quos
ego vtpote prolixiores ad calcem
libri Lectori admetiar.

Anno hunc insequente Nico-
laus egregium etiam Encomiasten
habuit, quem supra nominaui,
Renvuardum Gysatum seniore, *seniorem*,
virum eximiae virtutis, atque au-
thoritatis, qui in suo, quod de
hoc Diuo confecit, instrumento
omnium calculis approbato, tum
plurimis alijs, tum maximè his
verbis eum deprædicat: *Laudatissi-
mi, beatissimeque Anachoreta nostri
Nicolai de Rupe vite integritas, mo-
rum sanctitas, abstinentia rigor, ac
miraculorum cum in vita, tum post
mortem patratorum vis, ac splendor,*

ita omnium, non indigenarum modò, sed etiam alienigenarum mentes oculosque persirinxerunt, ut inter præcipuos Dei amicos, & colatur à multis, & numeretur à quam plurimis, & habeatur ab omnibus. Multis etiam alijs præclaris nominibus vir ille doctus, piusque eundem compellat, Dei amicum, sanctissimum Eremicolam, sanctum Heremitam itendidem vocat, ac demum nihil omittit, quod ad singularem viri Dei apud omnes, ac præsertim Romæ apud Summos Religionis auitæ Antistites, commendationem facere posse videatur.

Eidem Nicolao nostro etiam annales Eremitæ Deiparæ Matris à R.P.F. Christophoro Hartmanno celeberrimi eiusdem Asceterij Professo, ac Bibliothecario conscripti applaudunt, sub Geroldo enim eiusce loci Præsule, ac Principe sic de eo loquuntur: Anno o-

*Elogio primo controuersiam inter
Confederatos Heluetios propter diui-
sionem prae Burgundica exortam
Beatus Nicolaus Eremita Siluanien-
sis composuit. Friburgum, & Solodo-
rum in fœderis societatem à ceteris
recepti, eiusdem Eremitae suasu, &
authoritate. Mox deinde sub Con-
rado Geroldi successore, quem ter-
tium hoc nomine Eremitani Anti-
stitem censuerunt, rursus de Ni-
colai obitu hæc memorant: Obit
ipso quoque anno postridie D. Bene-
dicti patroni nostri Nicolaus à Rupe,
quondam officialis Siluanienfis, qui
cùm se in solitudinem recepisset, &
in ea annos viginti haud procul à
Saxula Sarnensium vico nullo hu-
mano cibo vixisset, solâ SS. Eucha-
ristiâ, quinto decimo die susceptâ
miraculis, & prophetia dono clarus,
patriam, & uniuersam Heluetiam
maximè illustrauit. Hæc ille.*

Franciscus verò Guillimannus

Fri-

Friburgensis Nuitho lib. 1. cap. 15. Antiquitatum Heluetiæ, vbi de alijs Heluetiæ Sanctis viris multa differit, de hoc nostro ad extremum hæc adnectit: *Superiori demum saculo protulit Heluetia apud Siluanios Nicolaum Eremitam, cuius vite integritudinem, & continentiam summâ animorum contentione admirari, & obstupescere magis conuenit, quam ingeniorum culpa deterere. Satis enim constat annos viginti nullo humano cibo transegisse, solo SS. Eucharistiæ Sacramento quinto decimo quoque die sumpto contentum. Passim eius circumferuntur acta, præcepta, & admonita, quibus, si obedire, quam quorundam nouitates amplecti, non pauci Heluetiorum præoptassent, non eæ animorum, religionumque dissensiones essent, & Heluetia nihil clarius, nihil formidabilius sustineret Orbis. Hæc ibi. Alibi etiam de Friburgensibus loquens*

quens hæc addit: Ita sui omnino iuris, & libertatis, in octo Ciuitatum fædus venire, uti & Solodorenses petiere. Admiserunt spectata bello præterito virtute, & fortitudine nonnulli, sed alij contra nitebantur. Donec tandem consilio, et authoritate Nicolai apud Siluanos. Eremita per id tempus celebrata sanctitudinis, et continentię cum omnium applausu, et magna letitia Stantiano conuentu cooptarentur, nonamque et decimam Ciuitatem componerent. Huius rei litera datę sabbatho post festum D. Thoma Apostoli. A.D.N. CIO CCCCLXXXI. Ita Guillimannus.

Cæteros lubens prætereo; Petrum videlicet Eterlinum, Curia Lucernensis Amanuenssem; Sebastianum item Verronium S.T. Doctorem Friburgensem, aliosque, tum ne longior sim, quàm par est, cum etiam ne cadem sæpius repetendo fastidium Lectori pariam.

Vnum

Vnum adhuc de eo elogium ex Saxulensis templi Fastis depromptum appono, quod ipsi adhuc inter viuos existenti datum. Sic habet ad verbum: *Notum sit vniuersis ac singulis, quod sub annum Domini M.CCCC.LXVII. erat quidam bonus homo, nomine Nicolaus de Flue, natus, & nutritus in Parochia Saxlensi, in monte vulgariter vndem Berg, qui reliquit Patrem, & Fratrem, & propriam uxorem, filios, & filias, filios scilicet quinque, & totidem filias, & transiit in eremum, que appellatur der Kanfft, ubi Deus eum sustentauit absque cibo, & potu ad longum tempus, scilicet octodecim annos, quando hac scripta sunt, & ipse erat adhuc bonæ rationis, & sanctæ vitæ, quod vidimus, & scimus in veritate. Oremus ergo, ut cum eum contigerit exire de ergastulo sui corporis, perducatur ad locum, ubi Deus absterget omnem lacrimam*

ab

ab oculis
ibi. Al
nunc co

Nicola

SV
S
cium
culis
conf
etia
sour
Dei
lebr
ano
qu
fuc
mi
oe
bi

*ab oculis Sanctorum. Amen. Hæc
ibi. Ab indigenis ad externos me
nunc conuerto.*

CAPVT VII.

*Nicolaus etiam externos encomiastas
habet.*

SVspectum esse posset indigena-
rum de Nicolao nostro judi-
cium, nisi etiam exterorum cal-
culis, atque authoritate probatum
confirmaretur; vnde visum est,
etiam alienigenis testibus locum
suum assignare, qui de insigni viri
Dei famâ, ac nomine toto orbe ce-
lebri sententiam suam dicant. Io-
annes Thritemius Spanheimensis
quondam Præsul, celeberrimus
suo ævo scriptor annum describēs
millesimum quadrigentesimum
octogesimum septimum, hisce ver-
bis Nicolaum commendat: *Hoc in-
quit,*

quit, anno vigesimo quinto die mensis Martij (vigesimo debebat dicere) obiit Nicolaus ille famosus Eremita in pago Suitensium, siue Suisserorum, non longè ab oppido Lucernâ in solitudine vestrà; qui multis annis in magna paupertate, humilitate, patientia, & sanctitate Domino in eadem Eremita strenuè servivit solitarius, & ante mortem suam per annos viginti continuò sine cibo corporali vixit, quemadmodum hoc Episcopi Constantiensis, in cuius Parochia morabatur, & aliorum complurium fide dignorum testimonio compertum habemus. Spiritum quoque Prophetie habuit, & nonnulla genti suæ (quæ postea contigerunt) futura prædixit. Magnus ad eum, etiam ex remotis regionibus, peregrinorum fiebat concursus, quoniam non procul à Monasterio B. Mariæ Virginis Eremitarum eius mansio fuit. Hic homo Dei nobis suo tempore

re

re miraculum fuit; qui cum esset omnium literarum penitus ignarus, intellectu tamen, scripturarum mirabili subtilitate vigeat, dabatque ad interrogata quorumlibet eruditorum responsa, non secus, ac S. ille Antonius Eremita Philosophus doctissimus quondam sine literis reddidisse fertur. Quanquam non omnes passim ad colloquium suum admitteret, nisi quos cognouisset diuino spiritu ad loquendum concitari. Denique miraculis fertur coruscasse. Hæc Trithemius eo loco. Homiliâ verò decimâ quintâ de abstinent: & jeiu. hoc de eodem prædicat: Ecce annus agitur vigesimus, ex quo famosus ille Nicolaus Suitensis solitudinem ingressus cibum non sumpsit humanum. Omnibus notissima loquor, nec hominem in Germania vivere puto, qui famam huius miraculi non audiuerit. Ita de Nicolao vere non minus, quàm magnificè Præsul ille.

Anno

Anno deinde eius ævi nonagesimo primo Argentinæ prodijt in lucem Fasciculus temporum, incognito Authore colligatus, qui inter alios ab orbe condito viros eximios etiam nostrum Nicolaum complectitur, atque his verbis laudes eius amplissimas colligit: *Heremita quidam deuotus in partibus Suicerorum propè Vnderwalden in magna humilitate, solo corpore Dominico singulis mensibus refectus quindecim annis, & ultra, absque corporali cibo vixit. Hæc ibi.*

Biennio post Norimberga Romano, ac vernaculo idiomate conscriptos annales edidit, quorum authores præcipui Hartmannus Schedelius I. V. Doctor, Sebastianus Camerarius, & Sebaldus Schreierus nominantur, de nostro Nicolao prolixè etiã mentionē faciūt inter acta anni MCDLXXX. quæ

locum Ioannes Nauclerus Iuris, & ipse Doctor, ac Præpositus Tubingensis in suæ Chronographiæ volumen alterum compendio transtulit in hæc verba: *Apud Suitenses montanos in Alemannia, haud longè à finibus Lucernensium, in loco vastæ solitudinis, homo senex solitariam vitam, & abstinentissimam, hoc tempore degebat. QUI PER ANNOS VIGINTI SINE CORPORALI GIBO VIXIT; quem Fratrem Nicolaum appellabant. Habebat uxorem, & liberos, à quibus secessit ob frugem melioris vitæ. Vir corpore aridus, & exaustus sola cute nervisque, & ossibus compactus. HIC HOMO QVASI COELESTEM VITAM EGIT IN TERRIS, immaculatam absque sorde: quamvis nonnulli iniqui iudices aliorum ac deceat interpretati fuerint. Sed mirum; cur virum calumnientur, qui longam vitam in arctissima paupertate*

tate, & solitudine duxit; in abstinentia extrema, & humilitate perseuerans: qui nihil appetiuit, qui nulli iniurius fuit, qui auaritiam calcavit: honores spreuit, nullum superbia fomitem ostendit: OPTIME DE FIDE SENTIENS; paucorum verborum cum esset, ad interrogata tamen salubria semper, & consolatoria respondit, ita quod raro quisquam ab eo non edificatus abscessit. Is igitur BONVS, IVSTVS, AC SANCTVS à bonis semper est habitus. Sciebat se mortali culpa liberum, bonis operibus, ac contemplationibus intentum. Indicauit hoc perpetua hominis alacritas, atque letitia, quem nemo mæstum vidit, sed vultu semper eodem, Per Antistitem quoque Constantiensem approbatus, ad cuius praeceptum tres particulas panis, tanquam Obedientia Filius comedit, quas cum difficultate deglutiniit. Tandem senio, & viribus deficiens, eius
se-

senilem animam mollis dissoluit sopor. Sepultus est in Ecclesia sui pastoris, cum opinione sanctitatis. Hæc Nauclerus: quæ apud Norimbergenses ita finiunt: Sepultus in Ecclesia sui pastoris non sine miraculis quiescit, qui & finitimis populis nonnulla Vaticinia prædixit.

: Quin etiam transmissis alpibus Nicolai fama in ipsam se penetrauit Italiam. Bonifacius Simoneta Cornu Abbas eidem seruo Dei coæuus, in epistolari suo opere lib. 3. epistolâ ad Nicolaum Palmerium sic refert. Vir probus Mediolanensis, qui Donatus nuncupatur, qui per orbem ad lapides pretiosos sæpè vagatur, duo præmissis mirabilia addit, scilicet, quod in Germaniâ (est autem Helvetia Germaniæ pars, quemadmodum Longobardia Italia) temporibus nostris Eremita antro maxima observatione inclusus, per viginti annos tam elapsos

psos non comedit; tum ab illo alium non longè distare, singulis diebus tres exiguos globulos è nucleis persi eorum edentem asserit: Hæc ille.

Gregorius de Valentia magnus olim Societatis nostræ Theologus præfationi lib. de Eucharistiâ Ingolstadij anno 1587. editorum, hæc de Nicolao nostro inserit: *Fuit aliquando communis Helvetiorum laus, quod apud illos maxime, si uspiam alibi, viguit, & floruit, & culta est vera erga SS. Eucharistiâ fides, atque religio, quam & Deus ibidem, cùm alijs argumentis, tum insigni miraculo contestatus est, quum sanctissimo viro Nicolao Vnderwualdensi (cuius anniuersaria memoria propter felicè è corpore annis abhinc centum migrationem hoc ipso die celebratur) vitam isto duntaxat cibo cælesti annos 20. prorogauit, ut vel ex hac re posset intelligi, eum ipsum in SS. Eucharistiâ verissime contine-*

ri & percipi, qui vera Vita est, & cuius ex carne viuificâ, & sanguine, sanguis etiam, & caro nostra quodam modo alitur. Meminit item Nicolai nostri Thomas Murnerus I. V. D. Ordinis D. Francisci Lucernæ quondam Parochus, in suâ, quam ibidem conscripsit, ac typis vulgavit historiâ anno à partu virgineo 1537. Matthæus Raderus supra memoratus Societatis nostræ scriptor, in primâ viridarij sui parte vitam S. Theodosij Cænobiarchæ conscribens, hæc de Nicolao nostro interferit: *S. Nicolaus Heluetus totis viginti annis omni prorsus cibo abstinuit*. Alij denique plures non in celebres authores exteri de hoc viro Dei honorificentissimam faciunt in suis lucubrationibus mentionem, quos tamen lubens, ne longior sim, quàm par est, prætereo.

Fuere etiam viri magni, qui

jam pridem Nicolai nomen inter
cætera Diuorum nomina in fastis
suis recensuerunt; Gilbertus cer-
tè Genebrardus Parisiensis Theo-
logus, diuinarum literarum, sa-
cræque linguæ ibidem professor Re-
gius, ei operi, quo in Regij quon-
dam Vatis Odarium commenta-
tus est, fastos, quos ipse Roma-
nos appellitat, præfixit, in qui-
bus Nicolao nostro diem vigesi-
mum secundum Martij consigna-
uit. Petrus item Canisius sæpè
iam nominatus è Societate nostra
Theologus, in suo, quod quon-
dam Dilingæ vulgari fecit, Mar-
tyrologio, ad vndecimum calen-
das Apriles hoc encomio Nico-
laum nostrum inter altos Diuos
celebrat; *Item Fratris Nicolai A-
nachoreta ex Siluania Heluetiorum
beata recordatio, qui, consentiente
coniuge sua, domum una ac mun-
dum deferens, vitam in eremo sepa-
ra-*

ratam, ac religiosam duxit, annos circiter viginti absque omni humano esu, potuue vixit. Claruit viuis prophetia spiritu, mortuus. verò multis miraculis. Quiescit in eade parochiali Saxula. Ita ibi de Nicolao lumen illud Catholici orbis, ac præsertim Germaniæ, Heluetiæ, nostræ clarum sidus Canisius, quem meritò inter inquilinos viri Dei laudatores ponere debuisssem; tametsi enim in Heluetia vivere non cæpit, in ea tamen ingenti patriæ emolumento, ac fructu, & multam ætatis partem degit, & æternitati vivere tandem cæpit. Et quia vir iste Sanctus pro Sancto nostro plurimum laborauit, nomenque illius suis fastis inseruisse, ac de eo breuiter disseruisse nō satis habuit, placuit etiam cætera in hunc locū congerere, quæ ipse peculiari opusculo de eodem patriâ linguâ tractat: sit ergo de hac re.

CAPVT VIII.

*Quid de Nicolao omnino censendum
Petri Canisij iudicio.*

PRincipiò, inquit ille, certum
est, ac negari non potest hunc
natum Heluetium in omnibus om-
nino fidei articulis verè, atque cō-
stanter catholicum fuisse, ac per-
seuerâsse, nec aliter, nisi in vnita-
te, atque obedientia eiusdem Ca-
tholicę Romanę Ecclesię, ac reli-
gione innocuum durâsse, & salu-
tem obtinuisse. Et quamuis no-
ua hæc, ac non nisi quinquagena-
ria, atque sexagenaria religio, eo
quo ipse viuebat, æuo incognita,
adhuc, atque inaudita erat, ipse
tamen Spiritu Dei instructus eam
vaticinio prænunciauit, suosque
populares seriò, ac fideliter docuit,

om-

omnes religionis nouitates fugere
atque vitare. Laudabili etiam
exemplo suo Frater Nicolaus con-
firmavit, quæcunque verè pios
Catholicos omnes facere, atque
in diuinis officijs, vfu diuinorum
myfteriorum, cæremonijs Eccle-
siasticis, in sacro, ac profano regi-
mine, in auitis denique, & Catho-
licæ Ecclesiæ vfitatis moribus, ac
consuetudinibus obseruare con-
ueniat. Sacerdotes ipse Catholi-
cos diligebat, ijs omnes animi sui
recessus detegebat, incruento
Christi Sacrificio religiosus audi-
tor assistebat, Seruatorem suum,
verum Deum, hominem uero eidem,
facerrimo mystetio vnâ cum cor-
pore, ac sanguine præsentem ado-
rabat, atque in alterâ tantum ex-
ternâ specie percipiebat. Deipa-
ram Virginem Dominam nostram
cum toto cœlestium Diuorum
choro lubens ipse coluit, ac eorum

opem imploravit, pro vitâ functis
æque, ac Deo supplicavit, atque
ut compendio omnia absolueret,
toto ætatis suæ decursu à puero
Catholicæ Ecclesiæ ordinem mor-
dicus tenuit, cæterosque, quos
potuit, Christianos antiquam fi-
dei tramitem sectari diligenter e-
docuit, atque induxit. Felices nos
Catholicos, si etiamnum non ore
tantum forinsecus, sed toto etiam
pectore, & opere ipso constantes
veram nostram Catholicam fidem
liberè toti mundo testaremur, tum
enimvero verè cum Fratre nostro
Nicolao, imo cum Doctore gen-
tium gloriari possemus: Bonum,
certamen certavi, cursum consu-
maui, fidem seruaui; de reliquo
reposita est mihi corona justitiæ 2.
Tim. 4.

Laudandus deinde est hic Fra-
ter Nicolaus jure meritissimo, quia
veræ, quam tenuit, fidei, mores
eius

eius, ac vita Christiano, ac Catho-
lico homine, digna perpetuò re-
spondit; matrimonij jura inteme-
rata seruauit, militiam fortiter
gessit, liberos singulari curâ pieta-
ti innutrit. Experiebatur inte-
rea per domesticas, aliasuè profa-
nas curas plurimum sese in diuino
cultu impediri, atque à coelesti-
bus rebus auocari, vnde cor eius
amore diuino succensum secretius
vitæ genus suspirabat, cò quod in
pecunijs, cæterisue fortunæ bonis,
in amicis item, ac socijs, in illece-
bris denique, mundiue pompis
pro quiete, nil nisi perennem mo-
lestiam, tædium, atque acerbita-
tem sentiret; vni D E O famulari,
inanijs mundanis prorsus emori,
optimamque partem eligere de-
cernebat, vnde temporalibus re-
bus, curisue abdicatis, cum D. Pau-
lo dicere poterat; Omnia detri-
mentum feci, & arbitror vt ster-

cora, vt Christum lucrifaciam, & inueniar in illo. Mihi viuere Christus est, & mori lucrum Phil. 3. & 1.

Illud denique maius est, magisque mirandum, virum hunc Dei nutu, ac ductu non aliam, quàm, seueram illam, duramque Anachoreticæ vitæ rationem sibi proposuisse, ipsosque in eo instituto circiter viginti annos ad mortem usque læto, hilarique animo, ac spiritu constanter persenerasse. Imò se ipso teste supremo Numini se satis gratum esse posse negabat, quod ab vxore, liberis, domo, ceteris profanis negotijs liber, ac solutus, cœlestia tractare, pijsque, exercitationibus perdius, & pernox vacare posset. Quemadmodum etiam Seruatoris nostri Prodromus Ioannes instinctu diuino eremum petijt, ac potissimam vitæ suæ partem solus inibi seuerè traduxit. Omnino miles hic Chri-

illud Diui Pauli, vſupare pote-
at: Mihi abſit gloriari, niſi in cru-
e Domini noſtri I E S V Chriſti, in
uo mihi mundus crucifixus eſt, &
go mundo. Viuo ego, jam non
go, viuit verò in me Chriſtus.

Gal. 6. & 2. cap.

Nec mirum cuiquam videri de-
bet, Fratrem Nicolaum inſtitutum
vitæ coniugalis deſeruſſe, domo-
que, liberis, ad coniuge migrâſſe,
mirabilis eſt enim Deus in Sanctis
ſuis, atque in ijs, & per eos tan-
quam per inſtrumenta ſua diuer-
ſimode operatur, pro nutu ſuo eos
ad hoc, illudue viuendi genus am-
plexandum trahendo. Voluntati
Dei quis reſiſtet? & quis reſpon-
debit ei? *Rom. 6.* Quidquid hac in
parte Nicolaus fecit, præſciente,
ac conſentiente vxore fecit, Apo-
ſolorum exemplum ſecutus, qui
Chriſti monitu, ac pollicitationi-
bus inducti vñâ eum fortunæ bo-

nisi etiam vxores reliquerunt, vt primum spiritu diuino afflati fermentem Euangelij in omnem terram spargere caperunt. Christus enim apertis verbis illis predixerat: Omnis, qui reliquerit domum, vel fratres, aut sorores, aut patrem, aut matrem, aut vxorem, aut filios, aut agros propter nomen meum, centuplum accipiet, & vitam æternam possidebit. *Matth. 19.* Vnde manifestum est, Nicolaum Dei, atque Ecclesiæ ordinationi nihil aduersum tentasse, atque executum esse. Verum enim vt omnis de hoc Anachoretæ nostri facto scrupulus penitus eximeretur, totique orbi pateret, eremiticum eius institutum probandum potius esse, quàm vituperandum, præpotens Deus prodigiosè sanè ex fructibus arborem, atque ex opere opifice cuius sano homini demonstrauit. Triplici enim

infrag
que con
tum ope
que ac
momi c
oblatt
uersus
fraudi
tate a
Dom
de ip
ac pe
P
ago
in c
suis
tite
qu
sup
ge
re
p
a

refragabili indicio optimus quisque conuincitur, Nicolaj institutum optimo niti fundamēto, Deoque acceptum fuisse, quidquid momi quidam, aut calumniatores oblatrent; eo enim ingenio peruersus mundus est, vt facilè falsa, fraudulenta, atque ab omni veritate aliena iudicia de Præcurfore Domini, cæterisue Eremitis, imò de ipso etiam Domino concipiant ac prodant. *Matt. x i.*

Principiò igitur de hoc Christi agonotheta testatur mira, atque in exhausta tolerantia, in varijs suis, quas perpetuò sustinuit, fortiterque vicit, tentationibus atque insidijs, versutus enim, ac verisipellis genius (quemadmodum gesta illius testantur, & anachoretæ plerique in sua vocatione experiuntur) nullam ei quietis partem reliquit, quin eum per se, aliosque aspectabili etiam atque
in-

informi forma, inuaderet, vexaret, terreret, quemadmodum etiam DD. Paulo, Antonio alijsque euenit, quorum colluctatio non tantum aduersus carnem, & sanguinem erat, sed etiam aduersus principes, & potestates, aduersus mundi rectores tenebrarum harum. *Eph. 6.* Quantas Nicolaus dolorum acerbitates in hisce luctis per ipsas etiam emaciati corporis fibras, ac ossium medullas pertulerit dici non potest. Tacebo insultus, quibus eum noti, ignotie, amici, atque hostes, incolæ, & accolæ, falsique fratres multis annis impetierunt, unde graues sæpè molestias, ac tentationes decoquebat. Solari autem seipsum, & diuinâ adiutus ope vincere didicerat, memor eius, quod Seruator dixerat; In patientiâ vestrâ possidebitis animas vestras. *Luc. 21.* Et quod D. Iacobus scripserat:

Bea-

Beatus
nem, qu
rit, acc
teprom
luc. 1.
operat
verò s
fundit
micos
tribul
regn
T
viro
not
ant
cis
ag
qu
tu
lis
Il
er
N
i

beatus vir, qui suffert tentationem, quoniam, cum probatus fuerit, accipiet coronam vitæ, quam promisit Deus diligentibus se. *1. Pet. 1.* Talis enim patientia verè operatur probationem, probatio erò spem, spēs autem non confundit. *Rom. 5.* Imò veros Dei amicos designat, quos per multas tribulationes oportet introire in regnum cœlorum. *Act. 14.*

Testantur deinde etiam de hoc viro Dei eximia, totique mundo nota prodigia, quæ Deus per eum ante, & post eius obitum varijs locis operatus est, tanique æque, ac ægri quam plurimi experti sunt, quæque adeò non traditione tantum, sed etiam authenticis tabulis probari, confirmariue possunt. Illud cum primis magnum, atque eximium prodigium est, quod Nicólaus iste viginti propè annos impransus, & incoenatus absque
omni

omni prorsus humano victu, ac fo-
mento vitam in eremo traduxerit,
ita vt supra naturam non corpo-
reo, sed spirituali alimento etiam
corpore incolumis conseruaretur.
Quæ res vtique non minus æsti-
mari debet, quàm quadraginta-
dialis sanctorum vatum Moïsis, &
Eliæ vi diuinâ sustentata inedia; &
videtur omnino abstinentissimus
noster Nicolaus cum Christo dile-
cta Magdalena comparari posse,
quam ferunt triginta circiter annis
pari abstinentiâ in eremo Deo an-
cillatam esse. Quis igitur non fa-
teatur, digitum Dei circa hunc
Anachoretam operatum esse, eiuf-
que sinceræ vitæ, ac moribus testi-
monium dedisse, ita vt meritò de
ea dubitari non possit.

Testatur denique de eo nobilis
ille, magnique ab omnibus æsti-
mandus prophetiæ spiritus, quo
prodigiosum hunc virum mirè

Deus

Deus
vt mag
ei sepiu
roqui r
SS. Tri
netrare
Numi
manif
la pro
inferu
mes
nas;
Ana
fiebo
tita
eti
dor
col
plu
ei
ce
F
n
p

DEVS illustravit; ornauitque ita
et magna, ac recondita mysteria
sepius panderet, ipseque cate-
chizandi rudis, atque illiteratus de
S. Trinitatis arcano plurima pe-
traret, aliosque edoceret. Hoc
lumine instinctus, occulta multis
manifestauit, imminetia pericu-
la prodociuit, monuit, ad salutem
instruxit, summos, infimos, te-
nes, opimos, aduenas, indige-
nas; multi enim ad famosum hunc
Anachoretam concursus undique
habebant; & quotquot ad eum ven-
iebant, optimis consilijs instru-
ti quæsito fructu, ac solatio affecti
domum remeabant. Hæc de Ni-
colao Petrus, cuius elogium tanto
pluris est æstimandum, quanto
eius vitæ sanctitas, & doctrinæ ex-
cellentia notior, clariorque fuit.
Felix patria nostra, quæ tantis lu-
minibus hisce turbulentissimis tē-
pestatibus irridiata fuit; eas Ni-

Nicolaus prædixit, ac præcauendas
monuit; Petrus tanquam firmissi-
ma petra fregit; Nicolaus in de-
serto, in aperto Petrus; vterque
prodigijs etiamnum hodie claret,
vterque communi piorum sensu
inter coelites censetur, ac colitur,
nihilque adeò toti Catholicæ Hel-
vetiæ magis in votis est; quàm ut
randem vtrique coniunctim supre-
ma in rebus sacris Authoritas pu-
blicos in terris honores, quos jam
pridem merentur, decernat.

C A P V T IX.

*Etiam à Catholicæ fidei aduersarijs
commendatur Nicolaus.*

IN hunc postremum locum ad-
uersarios conijcere placuit, à
quibus veritas, virique Dei vir-
tus id expressit, ut sui obliti, in
Nicolao laudarent, quod in cate-
ris

is omnibus damnârunt. Aduer-
arios, inquam, auitæ fidei, & to-
tus venerandæ antiquitatis, quos
vaga credendi quiduis, ac fa-
ciendi libertas prouexit, vt quid-
uid ipsis in mentem, aut buccam
venit, id ex intima diuinitatis a-
byssu haustum profluere censeant,
quamuis nouum, absurdum, ne-
mandum. Hi igitur hostes nostræ
fidei, eam quã detestantur religio-
nem in Nicolao probant; Catholicos
exécrantur, Anachoretas vnâ at-
que seueriorem viuendi disciplinã
amnant, & Nicolaum tamen lau-
dant, prodigijs, oraculis clarum
testentur, eius præces, Synaxes,
homologeses prædicant, quas ip-
se tamen cane peius, & angue ode-
unt; verbo claudam omnia, me-
iora probant, deteriora sequun-
tur. Verum enim ne id gratis di-
xisse videar, producam vnum, al-
terumue eiusmodi testem in am-
phi-

phitheatrum, ut Andabatarum more secum ipsos pugnantes spectemus, atque interim omnes Nicolai laudes exequamur.

Osvvaldus Molitor cognomento Geishijsler, ac post patriam, patriæque religionem desertam affectato nomine, Myconius dictus, primus in hanc palæstra desudet. Lucernam is patriam habuit, sed Lucernâ cheu contemptâ Basileæ in Zuïnglij tenebras vespertilionum, ac noctuarum more incidit, germanum nomen cum græco permutavit, miser Molitor in hæresis pistrino, cum reliquis eiusdem farinæ transfugis, non nisi infelix lolium molere cæpit. In eo igitur commentariolo, quo supra memorati Henrici Glareani heroica, quibus Heluetiam depinxit, interpretatur, ubi de Subsiluanis, ipsoque ut dixi Subsiluanorum fidere Nicolao disertè canit, sic ipse

poëtam illustrat: Nicolaum si-
 nificat Eremitam. Hic quidem na-
 me Siluanus, patre Henrico, ma-
 e Hemmanna progenitus, diuino
 onitu eremum intrauit, cum de-
 m liberis, quinque maribus & to-
 dem puellis relictâ, ubi absque ci-
 & potu humano 21. annos transe-
 t. Solitus fuit aliquando dicere,
 ngè gratius sibi fuisse, quòd diuina
 ratia potuerit penitus uxori suæ re-
 ntiare, quam quod cibo: Sepul-
 s iacet apud Siluanos, in pago, cui
 omen Sachklen. Vir fuit admo-
 um procerâ staturâ & formosâ, su-
 a quàm erat satis macie confectus,
 t nihil aliud habere visus sit, quàm
 tem ossibus adhaerentem. Color erat
 uscus, capilli nigri, canicie sparsim
 interspersi. Barba non proluxa, nec
 ulto pilo, sed in medio bifurcata,
 uli apprimè nigri, & quibus ter-
 ore quis potuisset, ob venerandum
 algorem concuti. Colli, guttarisque
 vene

vena, dum loquebatur, non sanguine, sed aëre videbantur plena; veste usus unicâ & simplici ad talos usque demissâ. Caput semper nudum, & nudi pedes. Vocem edebat virilem, sermonem tardum. Disputans de Deo videbatur omnia sacrarum literarum secreta esse rimatus, cum tamen ne literam quidem nouerat. Illud addam; cellulam eius fuisse longam duobus passibus, & semis, latam unius, & dimidi, altam, uti capite eius summitatem tangeret. Fene-
strenulas hæc duas habuit, palmae latitudinem referentes; nihil insuper videbas præter humilima scabella quibus haud dubiè pro cernicalibus utebatur. Hæc adscripsimus ob eam causam, quod hætenus non vidimus adnotata ab his, qui vitam eius viri-
literis mandârunt: quamuis Henricus Lupulus Canonicus Barnensis homo planè doctus nihil pene omiserit: eius libellum propediem in lucem da-
bi-

mus. Nostri poeta parens cum eo
 utus fertur; cum a quo poeta, ac eius
 prioribus bello interfuit. Poeta co
 mo natus est, quando Nicolaus mo
 ur, anno Christi 1488. Filium
 s Consulem vidit poeta Silvanie
 no à Iesu Christi natali 1510. Hæc
 acernas ille ad veterem Lucer
 m, quæ olim ei in patriâ luxit.
 Succenturiabo huic par nobile
 trum, alterum Tiguro, Basileâ
 undum alterum; is est Ioannes
 amphius notus per Germaniam
 eluctiæ Chronographus; hic ve
 Henricus Pantaleon Prosopo
 aphus Heroûm, atque illustrium
 ermania virorum. Quorum
 or lib. 7. cap. 3. de nostro Nico
 o agens hisce eum describit.

Brevis enumeratio vite, formae ac
domicilij. F. Nicolai de Silua-
nia, viri sancti, ac pre-
stantis Eremita.

CIRCA annum millesimum,
quadringentesimum octogesi-
mum in Siluania supra siluam, adul-
tus quidam ciuis, relictis cognatis
suis omnibus, in eremum vallis Mel-
chae supra Saxellam secessit, dictus
Fratres Nicolans. Reliquit post se
decem liberos, equali numero mares
feminasque. In hac eremo vitam
duxit solitariam, sanctamque viginti
& uno annis, absque omni corporali
sibo, potuque. Aliqui radicibus eum
victitasse opinantur. Indigenae sa-
pius omen, ad eum vias obsederunt,
ut observarent, an aliunde occultè
pasceretur. Certò tamen compertum
est, hunc hominem Angelis consimi-
lem, natura humana fragilitatem
su-

erâsse, carneque vestitum, carnis
en necessitatibus exortem, ac mi-
è obnoxium fuisse. Precatio eius
ssima fuit: O Domine accipe me
i, & da me totum tibi &c. Inter
dicere solitabat, longè sibi gra-
accidisse, quod Deo fauente uxore
deserere, quàm vitam sine cibo
ere licuisset. Vir erat erectæ, &
ceræ staturæ, exsuccus tamen, &
austus, ita ut sola cutis ossibus hæ-
ret, ac nervis. Eius inedia etiam
Episcopus Constantiensis proba-
nullamque fraudem, aut simula-
nem deprehendit, ita ut non nisi
initus eum sustentari decerneret.
lore erat castaneo, capillis nigris,
icie inspersa, barba modicè pro-
ssa, rara, ac bifurcata, nigris,
risue oculis, ex quibus promicans
ror intuentes percellebat. Guttu-
es eius venæ, cum loqueretur, ac-
potius, quàm sanguine agitari,
uerique censebantur. Veste una,

eaque talari utebatur, capite, pedibusque nudus. Vox eius virilis, ac moderatus sermo. Ad se venientibus penitentiam, viteque emendationem suadebat. De Deo tam exactè, subtiliterque disputabat, ut si sacrarum paginarum arcana omnia penetrasset, cum tamen rudis prorsus, ac illiteratus fuerit. Cordis eius serenitas index erat infallibilis eius certitudinis, qua spes eius firma, atque inconcussa nitebatur, ita ut cum D. Paulo gloriam suam omnem in testimonio conscientie suae poneret; unde sub tristis nemini unquam, sed explicata semper fronte visus est. Futura sepius prae memorabat; Heluetios monebat pacem colere, laborem amare, patrijs curis intentos, contentosque vivere, externa bella, Regum, ac Principum confederationes, obsequia, annuasque pensiones cauere, eò quod haec libertati eorum, pacique publicae inimica essent: Domicilium eius, quod

od incolebat, sesquipassum latitudi-
ne equabat, unoque tantum passu
gins erat; altitudo staturam eius
equabat, ita ut tabulatum vertice
tingeret. Feneſtella duæ palma-
lumex intromittebant. Nulla il-
suppellex, nisi humilia scabella
o, quorum ei fortè ad capeſcendam
ietem usus erat. Excessit è vita
ca annum 1502. (Error hic in-
meros irrepsit) ac Saxella in suâ
rochiâ sepultus est, quam semper
viſit, neque unquam ab ea se ſeiun-
t. Hęc de Nicolao Stumphius
l verbum latinè reddita.

Pantaleon autem Medicus par-
2. Profopographiæ suæ anno
hrifti MCDLXXXVI. eundem
iam prolixè commendat. Miſ-
s autem ijs, quę ex Stumphio de-
mpſit, hęc inter alia de eo refert:
rat, inquit, innocentia vite infi-
nis, qui stipendijs externorum Prin-
pum contemptis, suis laboribus, sibi

ac familia victum comparabat. Cum hac ratione aliquandiu persenerasset, tandem quorundam fastu offensus secessum querere, & huius mundi illecebras fugere cogitavit. Itaque consensu impetrato; uxorem cum decem liberis reliquit, & se in solitudinem conferens supra locum Saxlen exiguam cellam sibi paravit: Et paulò post: Is ergo eo loco magna sanctitate absque ullo cibo, & potu vixit. Plura alia, quæ lubens omitto, sic denique concludit. Eius memoria apud Heluetios recentissima existit, ita ut parentes subinde pias huius viri admonitiones suis filijs, & nepotibus marito inculcent. Hæc Pantaleon.

Adiungo his Iosiam Simlerum Tigurinum, qui, & ipse Nicolaj laudes, quamvis strictim perstringit. Cum enim de Stantianis illis Comitijs, quorum superius pluribus memini, quibus ipse Ni-

Nicolaus præsens interfuit, fusius
acceptaret, hiscè tandem conclu-
t: *Negotia ea omnia multis agita-*
Comitijs, interuentu denique v-
us Fratris Nicolai p̃y illius Siluani
emita, qui tum apud Heluetios
nes, tum ubique passim magnum
nētītatis nomen obtinuit, decisa
nt. Hæc ille. Ea igitur horum
iorumque hæreticorum, quos
euitatis causa transeo, de Ni-
lao fuit fixa sententia, sanctum
rum fuisse, Deo placuisse, id
prodigia supra naturæ vires facta
estatum fecisse. Quid igitur de
de eius dicent? an nesciunt illud
Doctoris gentium, *Sine fide, im-*
possibile est, placare Deo? Hebr. 11.
Placuit Deo Nicolaus? & fides
tique eius Deo placuit; vera igi-
ur fuit, falsa enim quî posset pla-
are Deo? quod si denique vera
uit Nicolai fides, quemadmodum
mano fuit, falsa sit oportet illa

fides, quæ eius fidei aduersatur, illamque damnat. Respicite igitur O miseri! O excæcati? respicite, ne quem vos laudatis, ac probatis, Nicolaus ipse vos reprobet, ac damnet.

CAPVT X.

Posthuma Nicolai miracula.

INnumera sunt illa, atque prorsus admiranda, quibus omnibus perscribendis ingens volumen non sufficeret. Id ergo solum hoc postremo huius historię loco agam, vt pius Lector probè cognoscat, & multa, & magna, mirificum Deum ad Nicolai sepulchrum hætenus operatum esse, atque etiamnum operari, quibus abundè satis declarauerit, quo loco apud ipsum sit in cœlis, quoue cum etiam in terris haberi velit.

Priore igitur loco testes nonnullos producam, qui de portentis ijs generatim loquentur; posteriore verò prodigia quædam, quoscumque in paucas classes coeam, maximeque ea, quæ ad testificandam viri Dei sanctitatem, Romanæ Curix discutienda, atque confirmanda transmissa sunt.

Principiò igitur de primis post Nicolaï miraculis primum, et eius vitæ scriptorem Henricum, supradictum breviter sic loquentem audiamus. *Mortuo*, inquit, atque sublato iam Dei famulo, cuius tam pulchris in terris conversatio univ ersis ad illum affluentibus Christi fide- bus virtutum specimen extiterat, volens misericors Deus devotum illi populum incundiſſimo spoliatum al-iquo diuturnâ quærela cruciari, non cessavit in hunc usque diem, multis, et varijs per eius suffragia consolari miraculis, Percensitis deinde infi-

gnioribus aliquot eiusmodi prodigijs, hæc denique subdit: *Et ut summam tandem concludam, vix auditu credibile videtur, quot aut quantis in dies miraculis felix ille Pater coruscat, cum penè nullum morbi genus incuratum ad illius suffragia intermittatur. Maximè vero in febrientibus, quos illic ex audiri quotidie, atque pro votis obtinere, tam Curatori Sacerdoti, quàm etiam ipsius Ecclesie in Saxlen deuoto gregi palam constat. Hæc ille. Audiamus, & alterum, Henricum Gundelfingium scilicet, in odis suis horarijs de Nicolao primo post eius obitum anno sic concinētem: Iste verus Israelita est, qui Dei tabernaculum inhabitat absque macula; per quem in hoc mundo quamplures Deus ostendit virtutes. Subiungit paulò post: Cuius capiti Christus coronans circumdedit virtutibus consertam, dum per eum frequen-*

menter languidis reddidit dona salutis. Sic ille breuiter de viri Dei miraculis cecinit. Omitto hic testes illos reliquos, quos supra jam produxi, qui vno ore fatentur omnes, multis post mortem miraculis Nicolai nomen perpetuò claruisse.

Renvuardus Cysatus inter alia de hoc Dei amico disertè sic loquitur: *Præterito sæculo F. Nicolaus de Rupe, ut Deo quietius securiusque seruire posset, Mundo sese subluxit, atque in patria eremo multos annos sanctè ac sobriè, imo ipsos propriè viginti annos absque omni corporeo alimento degit, ac demum extremum suum diem piè clausit; quæ omnia toti orbi nota, ac subinde quam plurimis miraculis comprobata in hodiernum etiam diem quotidianis prodigijs confirmantur. Plura eiusdem generis ex eodem de hac materia libens prætereo. Sed, & supre-*

mus Subsiluanæ Reip. Magistratus
inter alia, etiam miraculis ad Ni-
colaj tumbam editis luculentum
anno MDXCI. publicis tabulis
testimonium dedit, quod ad ver-
bū superioribus adnecto: *Visum est*
matura inter nos deliberatione habi-
ta communi consilio testificari, & con-
firmare, miracula, quæ prepotens
Deus per hunc dilectum seruum suū,
dum viueret, & deinceps post mor-
tem operari dignatus est, tam varia
tamque multa existere, ut Scripto-
rum incuria non omnia, sed minima
eorum pars literarum monumentis
sit commendata. Ceterum ab auis
nostris, & proavis ad nos usque sic
pleraque perlata, non solum in
hac nostra vniuersa regione, sed
etiam in finitimis, alijsque longè dis-
sitis Provincijs sunt euulgata, quo-
tidieque nostro ævo nouis alijs super-
uenientibus miraculis confirmantur.
Quæ omnia bona, & veraci fide no-
sira

a, ac nostri attestazione comprobare
sumus, presentium literarum vi-
re, quas communi nostro, & pu-
lico; nostreque Reip. proprio Sigil-
communimus, 20. Januarij, anno
591. Ita testantur Subsilvaniae
primates. Eodem anno Andreas
Ebæren Parochus Stantiensis, &
Capituli Sexvir, bonâ, sanctâque
fide affirmavit, se per annos octo,
& viginti continuos Saxellensium,
ubi Nicolaj condita sunt ossa, Cu-
rionem egisse, eoque toto tempore
tot beneficia prodigiosa, tam
indigenis quàm aduenis, ad viri
DEI suffragia implorata à Deo
concessa esse, præsertim circa fe-
brientium liberationem, ut nu-
merus eorum iniri nō possit. Quod
ipsum etiam peruetustus quidam
codicillus, ante annos centum
conscriptus ab eiusdem loci Cu-
rione quodam confirmat, innu-
meram nimirum multitudinem

hominum visitato viri Dei sepulchro, ac piâ stipe datâ à diuersis morborum generibus, & maximè feбри, liberatos recessisse. Atque hæc generatim de Nicolai miraculorum testificatione. Nunc solemniora quædam speciatim in paucos quosdam, vt dixi, Paragraphos distribuam.

PARAGRAPHVS I.

Ad Nicolai tumbam cæci illuminantur.

CIUIS quidam Subsiluanus viro DEI cognominis ex pago Invvil oriundus, nescio quo casu in extremam inciderat cecitatem, ita vt jam non paucis diebus oculi eius nihil omnino luminis admitterent. Venit igitur in mentem, Nicolaj tumulum inuisere, fusisque ad Deum precibus

elum sibi, vnaque etiam oculos
er viri Dei suffragia aperire. Is,
tigat sese, Deumque profusis
applicijs, lacrymisue, sed nihil
ouet, redit cæcus ad patrios la-
es. Proximè insecutâ nocte per
uietem audire sibi visus est vo-
em seriò inclamantis, surgeret è
estigio, lectoque damnato vo-
antem curriculò sequeretur. Sur-
it, apertisque oculis videre se
tiam per tenebras sentit; atque
x eo tempore visu longè acutio-
e, quàm vnquam ante, valuit.

Sedunum Callesie metropolis
est, vbi honesti cuiusdam ciuis fi-
ia eodem infortunij genere ten-
ata, tres ipsos menses exoculata
edit, ac cum tenebris luctata est,
uasêre familiares Nicolai opem
implorare, ac peregrinationem
ad eius cineres vouere. Implorat,
vouet, visum recipit, paucisue
post diebus voti reatu in Saxellen-
si æde,

si ede, adducto secum parente,
prodigij teste, se cum gaudio ab-
soluit.

E Bernensium dominatu vir
quidam incautus tam graui-
ter oculorum alterum parieti allisit, vt
omnem ex eo sibi viuendi facul-
tatem excusserit. Admotis varijs
medicamentis cum nihil cocles
proficeret, cineribus Nicolaj sup-
plex factus ex oculo cecitatem,
omnem exterfit.

Proueste quidam ætatis Lunge-
rensis in Subsilyania pagi incola,
multis annis talpâ magis exocula-
tus, tandem in Nicolaj sepulchro
visum requirere, eique obfirmato
animo tandiu inhærere statuit, do-
nec voti se demnatum oculis vi-
deret. Dat igitur sese in viam,
quam eodem quo pedibus preme-
re cepit momento, etiam oculis
vsurpare, quamuis haberi, & sub-
obscurâ acie incipit. Pergit spe
ple-

mus, ac sensim tantundem vi-
ndo oculis proficit, quantum
ndo pedibus promouet, pari
visusue incremento, ita vt eun-
m, & vię, & cęcitatis quęsitum
minum tandem inueniret. Re-
peratã ergo prorsus oculorum,
gratijs Deo, ac Nicolao actis
ommum redijt, multisque adhuc
nis viuens, videnſque acceptum
eneficium depređicauit.

Pictoris cuiusdam filius, cūm
nus vesperi cubitum secessisset,
anè oculos aperire non potuit,
quod ingens tumor eos occlu-
ſſet, qui nullis medicamentis le-
iri, aut abſtergi poterat. Vouit
arens de filij oculis ſolicitus ad
Nicolaum peregrinari, quod, &
ecit. Domum reduci in via oc-
urrit coniux, & jam alterum o-
ulorum ſponte recluſum nunciat,
mulque cum marito cubiculum
greſſa mox etiam alterum reſe-
rari

328 *Vita Nicolai*
rari cum gaudio conspicit.

PARAG. II.

Surdi audiunt.

VIDIMVS videntes cæcos,
nunc etiam de nonnullis
furdīs ad Nicolaj tumulum audiē-
tibus audiamus. Henricus Zvis-
senbach Sibenthalensis è Bernensi
ditione, decennem habebat filio-
lum, cui aures nescio quo graui
symptomate ita obsurduerant, vt
supra solidi anni spatium nec vo-
cem, nec sonum vllum percipe-
ret. Subijt animum pij parentis,
Nicolaj precibus surdum com-
mendare; dumque id agit, filij in-
terea aures nonnihil aperiri cæpe-
runt. Mox igitur itineri se cum
filio ad viri Dei sepulchrum com-
mittit, vbi perfectam denique ip-
si aurium audientiam impetrat.

Ho-

Honestā quædam matrona anno partē salutis millesimo quingentesimo octogesimo nono surdam filiam quindecim annos natam, ex voto ad Nicolai ascetium deduxit. Vbi Deiparam Virginem in eadē sacra prius prone consalutârunt, mox viri DEI religiosam cellulam ingressę; magno animi sensu pauimentum, ac parietes exosculatę sunt. Tum surda filia super ligneum Nicolai lectulum sese abijcere, caput super saxeam cervical collocare, corpus velut ad quietem capeffendam componere, atque interim quinquies Dominicam orationem, ac salutationem Angelicam percurrere. Mirum dictu, vix preces illas exoluit, cū surditas omnis exemplo abscedit, surgit auritis auribus, atque læta cum matre demum remeat.

Alteri cuidam honestæ matronæ

næ vigesimo ætatis anno graues aurium dolores, omnem alterius auris vsum ademerant. Metuebat illa, ne vis mali etiam alteram obstrueret. Arrepto igitur ad Nicolai sepulchrum itinere, Deo Diuoque pro aurium incolumitate, aures cereas suspendit, atque hac ratione absterfo omni dolore aures sibi plenè restitutas sentit.

Sarnensis pagi obstetrix toto auditûs sensû destituta, tentatis incassum multis remedijs, in Nicolai denique ope spem omnem ponit. Spondet tribus sextis ferijs cerearum aurium anathema, sepulcro eius se daturam; & ecce primus ad sepulcrum accessus aures illi aperit, alter auditum augeat, ac postremus denique prorsus perficit. Hæc de surdis pauca ex multis audita sufficiant.

P A R A G. III.

Clandi ambulant.

Benedictus Lausanensium Pontifex, ac S.R.I. Princeps jam
 iu alterum pedem grauissimè af-
 fectum habebat, ita vt vix clau-
 licante gressu incedere posset.
 Et jam medicorum ars, atque in-
 dustria defecerat, cum pio Præ-
 suli noster Nicolaus incidit, à
 quo pes afflictus officio suo resti-
 tui posset. Vouet igitur peregri-
 nationem ad eius sacra lypsana,
 atque euestigio dolorum lenimen-
 tū experitur. Mox surgit è lecto, ad
 iter se accingit, equum conscen-
 dit, Saxellam, quamuis non sine
 dolore, attingit, ad viri DEI se-
 pulcrum venerabundus procum-
 bit, calidisque supplicijs omnem
 breui tumorem pedis vna cum
 do-

dolore abstergit. Atque hic est ille Pontifex, qui, ut supra meminimus dicere, eximiam de Nicolai sanctitate opinionem ex hoc beneficio, aliisque miraculis ad eius tumulum visis, collegit, ac postea præsens laboravit, ut vir dei honoratius tumularetur.

Mirandum est, quod subijco. Danum quendam piscatorem fædus tumor pedis ita claudicare coëgerat, ut non nisi fulcris nixus ægrè, quo vellet serperet, atque interim magnos dolores pateretur. Adhibet multa remedia, sacra, profana; frustra omnia. Decernit denique quocunque labore D. Iacobum compostellæ in Gallitiâ visere, atque ab eo sanitatem postulare. Venit ex Dania in Hispanias, sacra illa limina subit, precatur, sed non auditur, instat, sed nihil exorat. Cumque jam domuitionem meditaretur, nocte
qua-

Adam per somnium admonetur,
per suum in Germaniam adornet,
per Helueticas alpes Nicolaum
eremitam quiescere, eius se-
recibus commendet, sic denique
re, ut ad pristinum vigorem pes-
deat. Experrectus Nicolaj no-
men inuocat, eius ossa quanto-
unque itinere, ac labore adire,
se venerari pollicetur, & exem-
plo cruciatum pedis mitigari sen-
tit. Desiderio igitur recuperandi
pedis incensus, viam longinquam,
& laboriosam claudus ingredi-
tur, ac demum magnis difficulta-
tibus perfunctus Saxellam venit,
iuuino sacrificio assistit, suum etiam
munus offert, ac derepente pedis
integritatem recipit, exilit om-
nibus inspectantibus, ac stupore
flexis, fulcra suspendit, sanusque,
& alacer in patriam reuertitur.

Margaretam Rorbergin Hei-
delbergensem matronam acutissi-
mus

mus pedis dolor ita lecto affixerat, vt octo circiter mensium spatio pedem inde efferre non posset. Vtebatur occultâ nescio qua flammâ, ita vt superfusa guttatim aqua, instar fumi euaporaret, nec ei estus ille partem vllam quietis relinqueret. Consulti Medici, nec morbum agnoscunt, nec inueniunt morbo medicinam salutarem. Ad Nicolaum igitur conuersa desperata mulier spondet, si per pedes liceat, sacram eius tumbam adire, statimque voti rea, quod ægra pollicita fuerat, integris pedibus exequitur.

Rhetus adolescens trimestri pedum morbo impeditus gradi nusquam poterat, atque interim atroces cruciatus pertiebatur Implorant pij parentes Nicolaj opem, & ecce sequenti diluculo strato surgentem filium, recteque ambulantem excipiunt.

Nata cuidam filia recurvâ atque inuersâ dextri pedis plantâ, quod vitium cum mater nequaquam ligando emendare conarer, parens voto Nicolao facto intra breue tempus coerxit.

Fœmina quædam crus alterum gravissimè læserat, ita ut ad lectum se jam penitus damnatam aritraretur. In diuino tamen præsidio spem ponens, votum Nicolaj cineres visendi nuncupat. Ex voto ita remittit malum, ut strato surgere, ac sustentaculis nixa ad iri Dei tumbam claudicare poterit, ubi inuocato Dei, ac Nicolaj auxilio omnem pedis infirmitatem vnâ cum fulcris, quibus gra adrepserat, abiecit.

Indigenæ cuidam nescio quis grauior morbus alterius pedis nervos ita contraxerat, ut illo pede terram contingere nequaquam posset, imò ut non nisi ligneis pedi-

dibus suffultus, ac pede illo affecto ad collum suspenso ambularet. Per votum Nicolao editum id impetrat, ut quamvis contracto adhuc pede, nisi fulcris tamen eius ossa inuideret. Cumque in genua non posset, in manus procumbens humi demisit corpus, atque in ardentibus precibus perseverare destinavit, donec restitutis nervis erectus stare, ac domum redire posset; quorum utrumque brevi impetrauit. Similia plura omitto, quia omnino similia.

PARAG IV.

Moribundi resurgunt.

EX alto præceps ruens puer in præacutam sudem collum tam fortiter impegit, ut ex perforato gutture sudes non nisi iterum

rum ite
violenti
ingens
puero
videba
rentes
chrism
expos
mor,
tur fa
M
rore
dum
nic
den
alu
vtr
for
ev
ac
S

um iterumque adhibita magnâ violentiâ velleretur. Secutus est ingens iuguli tumor, qui spiritum ouero jam jamque interclusurus videbatur. Sustollunt filium parentes, atque ad Nicolaj sepulchrum delato vitam, sanitatemque exposcunt; subsidit continuò tumor, redit spiritus liberior, guttur faucium breui confanatur.

Matrona quædam suum ex sorore nepotem, infantem admodum, nutriendum suscepserat. Euenit autem nocte quadam, vt eodem cum ancillâ lecto decumbens alumnum hunc mediùm inter vtramque collocaret, altoque somno mergeretur. Vbi demum euigilauit, infantem oppressum, ac penitus suffocatum reperit. Surgunt vtraque lecto, in exanimi corpusculo sollicitè animam quærunt, totâ horâ lamentantur, ac demum vbi actum agere se vi-

dent, ad coelestem conuertuntur
opem, voto Nicolao se obstringūt,
atque ita ex tempore exulem jam
animulam vnâ cum integerrima
sanitate in corpusculum reuocant.

Alius cuiuspiam matronæ filio
nocte intempestâ dormienti gra-
uis quidam, ac tam copiosus hu-
mor gulam occupârat, vt jam non
procul à suffocatione abesset. Eum
tamen noxium humorem votum
Nicolao factum in momento ab-
sterfit.

Viro cuidam inter prandendum
buccella bubulæ ita in bucca hæ-
ferat, vt neque traijci, neque ege-
ri vlla ratione posset. Ipsos qua-
tuordecim dies egrè trahebat ani-
mam, & jam non nisi tenuissima
iufcula, eaque modicè admitte-
bat. Cùm itaque mortem jam
propè præsentem intueretur, sub
vesperam voto se obligat, postri-
die, si superuiuat Nicolaj cineres
salu-

salutandi, atque ita cubitum discedit; somnoque arcto sopitur. Ut primum autem euigilauit, impedimentum gulæ, nescio, quâ viâ, prorsus abscessisse, eique liberos respirandi, cibique sumentis meatus reliquisse sensit.

Civis honestus gemina huiusce generis beneficia in geminâ suâ prole expertus est; trimulus ei erat qui ab æqualibus inter infantiles ludos exacerbatus adeò irâ excāduerat, ut epilepsi quadam fideratus sæpius humi prosterneretur, atque interclusis spiritibus propè suffocaretur. Mensem totum affixit puisionem graue hoc malum, ipsumque ita denique terræ allisit, ut à circumstantibus jam prorsus cōclamatus, nihil nisi sepulchrum expectaret: Verùm pii parentes voto ad Nicolaum pro eo facto, vitam, quam ante jam dederant, nunc vnâ cum bona, ac constanti

valetudine restituerunt. Eodem etiam remedio filiam epilepticam, & jam cum morte luctantem, ex eius faucibus eripuerunt.

Decennis puer parentem ad ligna conuehenda comitatus, incautè nescio quo casu lapsus, sub bobus, qui arborem crassam, ac quindecim pedes longam trahabant, corruit. Pergebant nihilominus boues pondus, sub quo puer ingemiscebat, promouere, ita vt compressus miser, ac prorsus exanimis jaceret. Accurrit attonitus pater, in genua se demittit, Nicolaj patrocinio filium commendat, vouet sepulchrum eius supplex visere, ac continuo cernit puerum reuiuiscere, ita vt resurgeret, ac denique semihoræ spatio totus sibi restitueretur.

Anno 1607. incurius quidam, paterfamilias filiolum manibus elapsum fortuito casu ita terræ af-

fixerat, vt effracto cranio omnis
jam vitæ expers jacere videretur.
Et jam desperabundus parens me-
tu Magistratûs in vicino Cœno-
bio asylum quærere meditabatur,
cùm subitò subit animum, Nico-
lai nostri patrocinium explorare.
Mandat igitur familiæ, in genua
se protinus conijciant, ac singuli
quinq̃ies recitatâ Dominicâ præ-
ce, ac salutatione Angelicâ Nico-
laum honorent, eiusque opem
implorent. Et ecce interprecans
dum puellula solo afflictâ paren-
tes viuâ voce inclamat, bu moque
fana, atque incohmis ab ijsdem
sustollitur.

Ex quadriduanâ cœli intempe-
rie in Subsiluanâ aquę omnes im-
mane quantum intumuerant, cùm
eius quidam Alpnacensis domum
redituriens in grānissimum vitæ
discrimen deuenit. Ponticulus,
quem transibat, undarum violen-

tiâ disiectus, in rapidissimum torrentem eum precipitavit. In periculo Nicolao voto nuncupato se commendat, atque ita nixus asseri, ex pontis diffracti ruderibus euadere sperat, cum ecce ingentis lapidis violentâ alluvione ab asseri diuulsus, inter fluctuum inuolûra sine adminiculo diu luctatus, alterum votum concipit pro incolumitate sua, atque ita longius abreptus in arenarum cumulum medijs undis extâtem eicitur. Illic omni humanâ ope destitutus, metuens ne totus madidus frigore, aut alio infortunio per noctem periret, tertio se voto Nicolao adstringit, itaque rudi stipite duce vadum tentât, ac tandem per rapidissimos undarum vortices non sine miraculo in litus euadit. Corpus eius totum vnus erat liuor, tumorque, cum saxa inter aquas contuderant, vestes

stes eius arenâ , ac lapidibus tam
erant ponderosæ , vt sexaginta li-
bras excederent .

Viginti vectores vnâ nauiculâ
lacu Subsiluaniensi Lucernam ten-
dentes, exortâ graui tempestate,
ventis se vnâ cum naui, ac procel-
lis frustrato omni labore permit-
tere coacti sunt . Ingemiscebat
sub aquarum pondere naus, nec
poterat etiam pileis exhauriendo
leuari . Omnibus desperatis, vo-
tum denique Nicolao factum rê-
uestatam sedauit, & jam deposti-
os periculo exemit .

Fœmina Subsiluana Fravven-
eldio rediens Tiguri in grauem
orbem incidit . Dolebat loco
non Catholico inexpiatam se mo-
; Nicolaj patrocinio vires exo-
t, quibus ad Catholicam ditio-
m deuenire possit . Venit in-
gum Lucernensem, atque inde
ibus denuò defecta in Urbem

deportatur, vbi ex Medico intel-
 ligit, nullam diuturnioris vitæ
 spem superesse. Ad Nicolaum
 igitur denuò conuersa, vouet eius
 templo pileum, quem domi ha-
 bebat, superbum, ac pretiosum,
 si conualesceret. Conualuit, sed
 aliquandiu voti immemor, rursus
 ægrescere cæpit, vnde anathema
 quidem deuotum templo attulit,
 sed pretio tamen redemit. Redijt
 igitur grauior, quàm ante, mor-
 -bus, seamque tam pertinaci-
 -toter afflixit, vt denique a-
 pud Sacerdotem, & no-
 -xias, & anathema de-
 posuerit. Atque
 ita triduo post
 longum iter,
 & arduum
 ad
 thermas Vallesianas
 pedes con-
 fecit.

P. A. R. A. G. V.

*Cephalalgici, epileptici, phrenetici
curantur.*

IOANNES Sartor Eistadij ad Al-
monium ciuis ipsos quinque
annos graui capitis vertigine agi-
tatus, plano sæpius solo afflige-
batur. Is, ubi ad eum fama de
Nicolaj miraculis perlata est, re-
lictâ patriâ, longo itinere ad al-
pes Subfiluanas contendere cæ-
pit, atque inter eundem cephalal-
giam omnem prorsus amisit.

Gravi epilepsi laborabat filius
Ioannis Rütiman, ita ut totos qua-
tuor annos humi sæpius dejectus
diu satis spumans volutaretur.
Nullum ex humanis remedium
profuit. Delatus ad Nicolaj se-
pulchrum bis teruè, tertiâ demum
vice ita crudeliter comitiali mor-

bo abreptus, atque humi cōtortus est, vt de salute eius præsentes desperarent. Redijt puer ad se, sed morbus Dei, ac Nicolaj beneficio ad puerum deinceps non redijt.

In Lucernensiū ditione vir quidam acerbos capitis dolores patiebatur; ferreo sibi claustro tempora constringi, aurem vtramque clauo perforari itentidem clamitabat, amentiam omnes metuebant. Sed Nicolai imploratum auxilium vim morbi paulatim fregit; ita vt ipse breui sanus pro impetratâ incolumitate Deo, Diuoque gratias Saxellæ referret.

Comitiales morbum plurimis extinxit Nicolaj patrocinium. Id quod fassus est Furstenbergensis quidam Vdalricus Molitor, qui Nicolaum, dum inter viuos adhuc degeret, conuenerat, itaque cū eo familiariter egerat, vt vterque

que mutuum inter se sacrorum suppliciorum fœdus perpetuè stabilierit. Cùm igitur vir iste decennio post filiam suam molestissimâ epilepsi laborantem conspiceret, memor initi fœderis Nicolaum in vota vocavit, ac repente eam sibi penitus restitutam oblato ad viri Dei sepulchrum anathemate testatus est.

Eiusdem beneficij accepti testes literas dedit Henricus Krieg Burgdorfensis è Bernatum domino, comitali enim morbo laboranti filia suæ comes ipse, ad viri Dei sepulchrū factus, incolumem eam domum reduxit.

Eandem gratiam à DEO Nicolaj suffragio se accepisse, vt primum vicini pro eo viri Dei nomē interposuerunt, Turicensis quidam adolescens confessus est.

Phrenitem etiam à multis populêre viri Dei implorata suffra-

gia. Duæ matronæ in Subfilu-
nia sub iisdem laribus habitabant,
& erat vtrique proles trima, quæ
cùm vespere quodam collideret,
eodem temporis puncto periculo-
sa phrenesi correptæ horrendis
motibus humi volutabantur. Mi-
serandum illud spectaculum qui-
nas, senasue horas matres, & vici-
nos accurrentes spectatores jam
renuerat, cùm ecce tibi alterius
infantis germana soror nata gran-
dior ad Nicolaj sepulchrum affli-
ctos deuouet; quod votum vix-
dum conceptum, quietem pri-
mum, ac deinde etiam altum so-
porem ægris induxit. Mirum di-
ctum, duabus horis dormitum, ac
deinde vnâ cum somno omnis
prorsus ægritudo excussa recessit.

Alteri cuidam matronæ grauis
cephalalgia oborta, in passionēs
denique phreneticas deuoluta est.
Noctes, femina ducebat insom-
nes,

nes, impotens animi doloris magnitudine humi obluſtabatur. Ridebat tamen ex interuallo ad mentem, atque interim Nicolaj memor, ad eius apud Deum merita, confugiebat. Obſecrat valetudinem, vouet ad ſepulchrũ eius peregrinari, atque ex cerã anathema ſuſpendere. Quo facto extemplo ſomno corripitur, phrenitimi omnem, & poſtridie incolumis voti reatu ſe exoluit.

P A R A G. VI.

Calculo, Stranguriã, Herniã laborantes liberantur.

BErchtoldus Feer ad D. Virginis in Eremo, vt vocant, Parochus, calculi, ſtranguriæque tormentis affligebatur, ipſas quater denas hebdomades ægerrimè lecto affixus hæſitabat. Fruſtra e-

rant remedia, dolores perpetui, spes vitæ prorogandæ exigua. Nicolaus incolumitatis spem desperato fecit, postquam enim is in subsidium vocatus est, continuo vis mali solui, ingens calculus per fistulam volui, arena plurima sequi, vnâ cum perfecta sanitate cepit. Venit paucis post diebus ipse huius miraculi testis Saxellâ, ac viro Dei post Deum in acceptis vitam, sanitatemque suam retulit.

Tigurina quædam foemina filium toto jam anno cum calculo luctantem, atque ad extrema doloris intolerantiâ deductum, Nicolao, interpositâ ad eius sacram urnam peregrinationis, religiosique muneris deuotione, commendauit. Proximâ noctu calculus fabæ magnitudine egeritur, ac subsecuta sanitas matrem deuotionis ream facit.

Nimio sese ciuis quidam Subsil-

anus lignorum fasce onerauerat, ta vt sub pondere gemens herniam contraxerit. Spondit seculo Nicolai cereum anathema, eademque nocte, quâ spondit, vitio omni carere, omni que dolore vacare cepit.

Filium suum parens quidam in Subsiluania fabro ferrario traderat, vt artem illam addisceret; sed herniosum esse filium nesciebat, id enim vitium pueri verecundia celauerat. Verum enim, vbi laboris grauitate ad incudem malum sensim increfcere, ipseque malleo sustollendo magis, magisque impar fieri cepit, rem jam celeri amplius non potuit. Consulantur Chirurghi, herniam produnt; ad Nicolaum parentes per fugiunt, sacris eius cineribus aduoluntur vna cum filio, eique extemplo omnem integritatem impetrant.

Lignifeca quidam; operi suo grauius aliquando intentus eodem morbo rumpitur; sed apud Nicolai sepulchrum fufis Deo supplicijs supplicium deprecatur, ac damnum protinus refarcit.

Septennis puer nescio quo casu, aut saltu hernia laborare, itaque in dies augefcente malo deficere cepit, ut in supremum denique vitæ discrimen vocaretur. Solliciti parentes ad Nicolai mausoleum excurrunt, caro pignori incolumitatem exposcunt, & exorant, domi enim, dum ipsi absunt, puer integrè conualefcit.

PARAG. VII.

Venena, ac Veneficia pelluntur.

Contagiosa luc adolescens quidam ita correptus erat, ut vis veneni ex altero crure triplici

plici vlcere protuberaret ; con-
clamatus jam erat, nec apparebat
nisi in Nicolai patrocinio ; medi-
cina. Concepit votum parens, &
crus cereum anathemati destinat ;
redit interim filio sanitas, perfa-
nantur duo vlcera, tertio reman-
nente, sed innoxio, ita vt præsens
vnà cum parente filius sepulchro
viri adesse, votoque se liberare
potuerit. Sed quia votivæ ceræ
pretium persolutum nondum erat,
tertium illud patens vlcus, adeo
sensim profecit, vt magno, alto-
que meatu tibia hiaret, nec prius
coalescere cæpit, donec post ali-
quot menses apud creditorem de-
bito se exsoluerent.

Vir quidam Seduno Vallesia-
norum metropoli oriundus, casu
an veneficio toxicatus, derepen-
te toto corpore ita intumuerat, vt
tumorem thorace non ferente, dis-
sectis manicis, cutis fædè distenta
tan-

tantum non rumperetur. Nicolai imploratum subsidium à præfenti interitu desperatum vindicauit. Mox enim, ut voto se obstrinxit miser, quâ datâ portâ, ore scilicet, auribus, naribus, vmbilico, ipsis etiam secretioribus corporis partibus mortale virus prorumpens, ita denique eum prorsus destituit, ut breui pristinæ incolumitati restitueretur.

Alius quidâ hausto vnde vnde veneno, in morbum tam pestilentem incidit, ut in phrenesin itentidem abriperetur, validisque cruciatibus exhaustus à morte haud procul abesset. Nihil profuere remedia varia, vndecunque quæsitæ, ventum tandem ad Nicolai sacrum tumulum, ibique malo præfens medicamen inuentum.

Anno vndecimo supra millesimum sexcentesium grauis pestilentia totam prope Heluetiam ita
af-

afflixit, ut funesta ei prorsus ubique facies esset; sola Subsiluania eaque tota immunis fuit, quamuis peregrinis omnibus ad viri Dei mausolæum nullâ discriminis habitâ ratione aditus pateret. Imò quamplurimis sæuâ lue jam comprehensis saluti fuit, Subsiluaniam ingressos ad Nicolai tumulum adrepisse. Quin etiam integræ Communitates, quas pestis infestabat, solemni pompâ eodẽ procedentes admissæ, non tantum Subsiluaniam non infecerunt, sed etiam infectionem ex suismet finibus expulerunt. Atque ita patria incolumitatem illam solenni Medico, ac Patrono suo instituta ex omnibus pagis supplicatione acceptum retulit.

Iactabatur vir quidam è Glaronensium ditione oriundus nescia, qua incognitâ inualetudine sepe ad amentiam usque; nihil valere

re medicinæ, veneficium omnes
suspiciabantur. Adductus is ad vi-
ri Dei monumentum, dum orat,
fragmenta de ferratis equorum,
calceis, clavis, cultellis, alijsque id
genus scrutis, quæ etiamnum Sa-
xellæ ostenduntur, per votum,
vna cum tota ægritudine eijcit.

P A R T A G. VIII.

Parturientibus subuenitur.

Vixit in Sarnensi Siluanorum
metropoli primarij coniunx
in grauiſſimo partûs periculo præ-
sentem Nicolai opem ſenſit. Tran-
ſverſus in vtero hærebat foetus,
nec niſi brachiolum inde promit-
tebat, desperabant circumſtantes
vtriuſque vitam, fruſtra erat, cum
puerperæ, tum etiam obſetrican-
tium laboribus. Succurrit denique,
Nicolauum inſclamare, vt tantæ ne-
ceſſi-

essitati succurrat. Eo facto, pro-
tenta infantis manus trino motu
vitale indicium dedit, ac vicissim
Curionis consilio vitalis lauari
fontem sacrum recepit; mox de-
inde exanimis foetus haud magno
labore eiectus, liberam parentem,
ac innocuam reliquit.

Alia foemina viginti tres annos
nata, grauem iam vterum ferens,
in grauem morbum, ac totius cor-
poris tumorem inciderat, ita, vt
ipsi infelicem partum nemo pru-
dens non ominaretur. Adit ipsa
Nicolaj tumulum, leiusque opem
supplex rogat, paulò post miran-
tibus omnibus detumescit, viam-
que, ac vegetam prolem ipsa e-
tiam incolumis sine magna diffi-
cultate in lucem edit. Eadem,
vndenis post annis denuò grauida
eodemque tumore inflata, eandem
opem in partu feliciter experta
est.

Lucernensis quædam matrona
haud ignobilis quatrimum jam
in partu frustra laborârat, acce-
debant ad partûs difficultatem,
etiam totius corporis grauissimæ
conuulsiones, ita vt de eius vita
jam conclamatum esset. Affertur
interim indumentum illud Nico-
lai, quod in templo Societatis Ie-
su Lucernæ asseruari supra memo-
rauimus, puerperæ iniicitur, ei-
que intra semihoræ moram feli-
cem affert, atque viuam parturi-
tionem.

Alteri cuidam matronæ in par-
tu ad necem vsque laboranti pius
maritus voto Nicolao nuncupa-
to succurrit, editus enim in lucem
pusio vix pugno maior, prius-
quam sanguine suffocaretur, salu-
tari fonte ablutus, matrem super-
stitem, ac incolumen reliquit.

P A R A G. IX.

Febrientes recreantur.

Reverendus D. Rudolphus
Uttinger Tugij natus, Sar-
nensis ædis Sacellanus, ardentif-
sima quondam febris correptus, in-
genti ardore diu, multumque æ-
luabat. Subijt denique animum,
et Nicolao remedium morbo pete-
re, vouitque tribus sextis feriis eius
sacra lypsana venerabundus inui-
sere. Continuò deferbuit febrilis
æstus, ac paulò post omnis lan-
guor evanuit.

Erat viro per Subsiluaniam no-
ti nominis octennis filiulus, quem
jam diu cum febris luctantem, ac
morti quàm vitæ viciniorem, ad-
hibitis nequidquam multis reme-
dijs, tandem Nicolao deuouit.
Valuere preces, nam infirmus con-
ua-

ualuit, totaque vitâ nihil amplius febrile fenfit.

Idem beneficij genus cuidam è Societate noſtrâ Theologo non ita pridem à Nicolao præſtitum. Cùm enim is in Collegio noſtro Lucernenſi Theologiam moralem profiteretur, in grauem, ac periculofam febrim incidit, quæ Medicorum artem, ac diligentem operam diu pertinaciter eluſit. Ad altiora igitur remedia pius Pater conuerſus, Eremitæ noſtro ſupplex accidit, ſanitatem petit, ſpondet, quamdiu Lucernę per obedientiam degeret, ac beneuolis ſuis Superioribus liceret, quotannis eius ſacra oſſa religioſè viſere, ac ſalutare. Voto hoc conſepto, ex animi voto res cecidit, febrile deſijt Pater, atque ex eo tempore ſanitatem ſuam Deo, ac Nicolao in acceptis retulit.

P A R A G. X.

*Animi , corporisùe dolores miti-
gantur .*

S Vbfiluanorum quidam non in-
fimæ sortis homo grauibus o-
dijs in popularium suorum quen-
dam nescio quâ ex causa exarse-
rat . Augebat incendium venena-
tis facibus, flatibusùe tartareus in-
centor , ita vt inimicitiarum èstu
abreptus ciuis ille jam sibi à nece
hosti inferenda vix temperaret .
Mordebat interim animum salu-
ber conscientiaë morsus , ac sa-
niora suadebat . In eo igitur a-
gone diu versatus, oculos tandem
ad eum conuertit, à quò olim pro-
digiosum beneficium accepisset .
Et sanè meritò ab eo sperare po-
terat , etiam animi serenitatem , à
quo quondam corporis integrita-
tem

tem impetrâſſet. Is erat prodigioſus Anachoreta noſter ; hic eum quondam cōtagioſâ lue corruptum morti eripuerat , vnde, & vipereis hiſce exacerbati animi motibus malaciam ab eodem petere non dubitauit . Petijt , & impetrauit ; cū enim in Saxellenſi æde ardentius oraret , ſubitò velut lux quædam ſuauiffima menti oboriri , eamque totam ita perfundere cæpit , vt diſpuliſ omni- bus ſiniſtri rancoris tenebris , plena animo tranquillitas , ipſeque factâ ſcelerum exomologefi , extinctis odij facibus , in Chriſtiani amoris indices amplexus hoſtis quondam ſui , nunc amici lætus rueret .

Conradus Scheuber Glaronenſis Heluetius tam tetro , diroque morbo excarnificabatur , vt perdius , & pernox dolor os , oculosque occludere vetaret . Annum

in-

ntegrum emortuis planè artubus,
exesâ carnè, ac putrescente jam
tergo decubuerat, cùm tandem
Nicolai memor, voto se obstrin-
git, sacram eius urnam inuisere,
vt primum per valetudinem pos-
set. Tum verò sedari dolor, quies
redire, cibus sapere, membra so-
lidari. Dam nato igitur post tri-
dum lectulo, fulcris nondum om-
nino firma membra sustinens, in
Subsiluaniam venit, indeque sine
adminiculo regressus, perfectam
corporis integritatem secum do-
mum reportauit.

Erdfordiensis quidam ciuis Cō-
postellam Gallitiæ peregrinus ac-
cesserat, vt D. Iacobi cineres illic
veneraretur. Euenit autē, vt graui,
ac diuturno morbo oppressus, inte-
gro propè anno illic lecto affixus
distineretur, nec jam spes in Me-
dicis, aut medicinis vlla supererat.
Répertum denique est suffragium;

Nicolaj limina ex itinere salutare decernit æger, si viribus suis restituitur. Dictum, factum octidui spatio resumptis viribus Heluetiam versus iter adornat, ac feliciter tandem emetitur.

PARAG. XI.

Varij denique morbi curantur.

NOrimbergensis matrona, menstrui profluuium ita exhauriebatur, ut viribus prorsus defecta, vix manibus, pedibusque prona reptaret. Commendauit se misera, omnique auxilio destituta, Nicolai precibus, ac continuò sistente fluxu, ad sepulcrum eius incolumis properauit.

Ex eâdem vrbe Neophytus quidam, è Iudæorum sæce ad veram conuersus fidem, ita sacro, quem vocant, igne exurebatur, ut omnes

nes de eius salute jam planè desperarent. Nicolaum igitur cæteris medijs desperatis inuocat, ac liquidissimis suis votis euestigio omnes illos æstus extinguit, id quod ipse paucis post diebus piam in æde Saxellensi incolumis prædicauit.

Matrona quædam Subfluaniensis multa pro liberorum, ac nepotum incolumitate per Nicolaum Deo accepit beneficia. Filius eius bimus trimestri diarrhœâ animam jam propè effuderat; ei Nicolaus fluxum stetit. Filiolæ crura veneficæ contactu, seu fascino grauiter intumuerant, & carbone nigriora jam putredinem minabantur; Nicolaus veneficium omne breui sustulit. Nepoti eius graue vitium coxendicis, ac deinde non longo post tempore etiam tetram capitis, & faciei impetiginem emendauit.

Viri inter Siluanos primarij nepos vnum annum natus, ita grauiter exulceratum habebat dextrum genu, vt jam non tantum de pede, sed etiam de puero prorsus actum omnes censerent. Cùm ergo in medijs naturalibus nulla amplius spes superesset, ad diuina confugere parentes, afflictumque filiolum ad Nicolaj sacram urnam deportârunt. Euanuit euestigio vlcus in ipso itinere, absterfo omni dolore, ac periculo, atque in pede non nisi cicatrix miraculi testis apparuit.

Kernsianæ Parochiæ æditimus omnium infra lumbos membrorum paralypsi ita languebat, vt totis quatuor annis lecto consurgere non posset. Vouet iterum, iterumque cerea Nicolao anathema, sed frustra, nullum inde leuamentum sentit. Equo igitur seipsum imponi curat, atque ita Saxellensis

ædis

ædis limen succollantibus alijs ingressus, continuò solidari nonnihil dissolutos artus gaudet, quod saltem duobus fulcris nixus domum redire posset. Elapso mense redit eodem quadrupes, atque inter calidas preces tam firmos, validosque pedes impetrat, vt anno insequente pedes, & B. Virginem Laurenti, & Romæ Apostolorum limina inuiseret. Oblitus deinde anno, alteroûe anno ceram deuotam offerre, in eandem paralyin incidit, nec conualuit, donec votum, quod neglexerat, compensauit.

Contrahe vela, infinitum enim mare ingressus sum, quod si transire prorsus velim, portum inuenire, ac tenere non possim. Patronus est Nicolaus, ac sospitor, & communis, vt vulgò appellari solet, Medicus non Patrię tantum, & popularium, sed omnium circa regionum, ac po-

pulorum. Accurritur etiam hodie, propè, ac procul ab ipsis etiam hæreticis Bernensibus, eius cineres, vouetur, supplicatur; mittuntur munera, suspenduntur anathemata; succenduntur faces; impetrantur, patrantur quotidiana prodigia. Enumeraui ex innumeris pauca, vt ex his paucis cætera siue paria, siue etiam maiora colligantur. Vndè facile colligere est, si Deus huius Eremitæ nostri ossa, ac cineres in terris tam gloriosa, ac prodigiosa esse voluerit, quantâ in coelis gloriâ, ac beatitudine animam eius perfundi fecerit. Et faciet, vti spero, Optimus Deus, vt etiam in terris Sancti huius viri honor amplius adhuc crescat, ad maiorem cum primis ipsius Præpotentis DEI gloriam, ad ampliorem item tum corporum, tum vel maximè animarum nostrarum incolunitatem.

HYM-



**HYMNI ET COLLE-
CTAE NICOLAO DE RVPE
ALTERO POST EIVS OBITVM**

anno composita ab Henrico
de Gundelsigen Cano-
nico Beronensi.

Prior sic habet.

*Nicolai pro meritis ,
Eiusque gestis inclitis ,
Claris quoque virtutibus ,
Exultet cælum laudibus .*

*Natus qui Vnderuualde ,
Verbo firmus, & opere ,
Festinauit ad eremum ,
Deus Tuorum militum :*

*Tempus ætatis solidæ ,
Non deducebat temerè ,
Te diligendo intimè .
Lucis Creator optime :*

Hic mundana delicias,
Contempsit, & insidias,
Tuo fretus solatio
Iesus nostra redemptio.

Longo abstinet tempore,
Pænas ferens in corpore,
Memor tuorum operum
Conditor alme siderum.

Noctes orationibus
Deduxit, & laboribus,
Nec cessavit ab opere
Iam lucis orto sidere.

Ieiunijs se macerans,
Abstinento se affligens,
Desideravit ingredi,
Ad cœnam Agni prouidi.

Virtutum tandem titulis,
Imbutus, & miraculis,
Migravit ad te Dominum,
I E S V corona Virginum.

Sit laus Patri cum Filio ,
 Semper in cœli solio ,
 Nosque resplendi cœlitus ,
 Veni Creator Spiritus . Amen .
 Posterior verò sic canit .

Clara dies Domini
 Suo dent laudes Nomini ,
 Canoro gentes carmine ,
 A solis ortus cardine .

Hac die Nicolaus
 Ciuibus iungitur cœlestibus ,
 Caterua cum Angelica ,
 Exultet aula cœlica .

Hic cœlebs cùm existeret ,
 Et vitam sanctam duceret ,
 Erat in te sua quies ,
 Christe qui lux es , & dies .

Mandatis tuis paruit ,
 Quamobrem signis claruit ,
 Ad salutem fidelium .

Rex Christe factos omnium .

Hinc Trinitati gloriam ,

Honorem & victoriam ,

Pangamus hymno pystico

Ex more Docti mystico . Amen .

**Additur deinde hoc Sa-
phicum .**

Instat en solis reuolutus orbis ,

Quo petit cælos Nicolaus Heros ,

Atque Sanctorum numero locatus ,

Gaudet abundè .

Ergo submissi Nicolae sancte

Quæsumus nobis veniam preceris ,

Vt pio tecum liceat per ævum

Viuere Christo .

Præstet hoc nobis &c.

*Preces , quas Collectas vocant , sic
habent .*

Prima .

DEV S , qui B. Nicolao
Eremitæ tuo per abstinen-

*tie angelicæ, omniumque virtutum
viam incedenti, gratiæ tuæ lumen
ostendisti; concede propitius; ut
ipsum intercessorem pro nobis sen-
tiamus in cælis, cuius vitæ exem-
plo irradiamur in terris. Per Do-
minum nostrum Iesum Christum,
&c. Secunda.*

D*EVS, qui B. Nicolaum
Heremitā misericordem fe-
cisti Intercessorem pro peccatis om-
nium: da nobis ipsius interuentu
peccatorum nostrorum veniam, &
æternæ beatitudinis optatam leti-
tiam. Per Dominum &c.*

Tertia.

C*oncede quæsumus, omni-
potens Deus, nos sancti
Nicolai Heremite exultare meri-
tis, & eius beneficiorum attolli*
fif

suffragijs. Per Dominum &c.

*Addam & quartam, quam cō-
memorationi eius subnexuit nescio
quis author his verbis :*

Antiph.

Dilectus Deo & hominibus
B. Nicolaus, magnifica-
tus benedictione Domini, in memo-
ria suorum mirabilium, in panis
cœlestis dulcedine suæ peregit vitæ
curricula, placita enim erat Deo
anima illius, ideo ad gloriam trās-
latus est Sanctorum.

*V. Confortasti Domine Beatum
Nicolaum.*

R. Pane vitæ & intellectus,

Oremus.

DEVS, qui circa usum
Sacramentorum tuorum
semper mirabilia operaris, & ma-

ximè in B. Nicolao Eremita &
Confessore tuo eadem mirabiliter
illustrasti. Da nobis quæsumus,
per intercessionem ipsius, ita pre-
tiosum corpus & sanguinem ve-
nerari, & dignè sumere, ut te
panem verum in cælis videre me-
reamur. Qui vivis & regnas Deus
in sæcula &c.



ENCOMION

*In vitam & obitum F. Nicolai de Saxo
Eremitæ Vnderuualdensis.*

Contemptor mundi, naturæ victor, olympi
 Amule, diuitijs hostis, amice Deo.
 Nicolee, astriferi potior pars vna Theatri.
 Cui summus pretium se dat amoris amor.
 Sancte Pater patriæ, veræ pietatis imago,
 Helvetiæ custos, gloria, spesque tuæ.
 En quibus expositi (facile est meminisse) periculis
 Vitam agimus, præsens poscimus affer opem.
 Nam quia tu Christo meritis adiuncte triumphas:
 Credimus inde tuas robur habere preces,
 Nondum contigeras inuisi limina mundi,
 Nec erat illustri fasces soluta parens;
 Iamque tibi effudit sua dona benignius æther,
 Astra vides infans, luce micare tua:
 Helvetiæ Sidus, lux ò clarissima salus,
 Candorem nostris insere pectoribus.
 Tu, ne corrupto sorderet flore iuuenta,
 Iunxisti ingenuo libera colla iugo.
 Pignora quin etiam tuleras bis quinque maritus,
 Et fasces, & opes, militiamque colis.
 At postquam multis cœlestis gratia mentem,
 Fasces, arma, aurum deferis & patriam,
 Et quis te fugiat, quo spiritus impulit auctor
 Corde sequi, prona est, aspera siue via?
 Sancta quies melior circum spelæa ferarum,
 Accepto felix hospite sylua viret.
 Silua domus fuit absque cibo saxa aspera lectus
 Ferre Deo puras vnica cura preces.
 Bella moues mundo, secretæ cultor eremi,
 Ac sublatus humi fide ra mente capis.
 Corporei sensus animi impetuosa voluptas,
 Si qua nocens mentem passio turbat, abest!
 Nil nisi diuinum mens cogitat ardua semper,
 Nil nisi perpetuum clamat amatque bonum.
 Hinc sese attollit supra se spiritus ingens,
 Abstractus quæ humili corpore liber abit,
 Quos non hausisti pro Christo sponte labores?
 Quæ capiri illisa est non grauis vnda ruo?

Tela satan, artesque para, omnes exere vires,
 Qui tua non metuit praelia miles adest.
 Qualis Erythreis Antonius errat arenis,
 Quique fugis Decij paule verende minas.
 Quid te Macari iam nomine reque beatum,
 Milleque commemorem, nomina sancta, senes?
 Olim contemptos, nunc supplex orbis adorat,
 Exoratoras poscit habere Dei.
 Continuent alij longos ieiunia menses.
 Sint vita casti Peruigilentque sacris:
 Magna licet sint hæc, at sunt communia multis
 Hic citra exemplum vixit, & abstinuit.
 Vix alias audita Deus miracula præstat,
 Mortalem panis non moriturus alit.
 Nicolæe, antiquas tibi mutant sidera leges,
 Expers quinque cibi vixit Olympiades.
 Te Diuis virtute parem, sed gratia maior
 Exemplum humanis te volet esse malis.
 Angelicis æquate choris, qui liberum ab omni
 Mortali corpus conditione geris.
 O Mensa dignate Dei, conuiua senatus
 Cœlitum humi dapibus vesceris æthereis.
 Exacta donec longa sine crimine vita,
 Multum optata tuis hora venit lachrymis:
 Siue fuit somnus placidæ seu mortis imago,
 Transitus ad superos commodus ille fuit.
 Et cineres sequitur decus immortale superbos.
 Assiduo grata est parva labore quies.
 Te patrono igitur quiduis sperare licebit,
 Indulget facilis, tu modò posce, Deus.
 Quisquis egenus opis cœlestia Numina voto
 Sollicitat, fiet te tribuente potis.
 Ire gradu firmo læsos pede vidimus ipsi;
 Mirari cæcum marmora picta senem.
 Ob vitium matris sacro qui fonte cazeret,
 Incolumis viuic te reuocante puer.
 Quis numero censere queat: sanaueris ægros,
 Siue quot immundos dæmonas expuleris?
 Re dubia populis Vates oracula pandis,
 Diuinæ mentis conscia fata vides,
 Per te parva frequens patriæ victoria bello,
 Et per te pestis sæpè repulsa lues.
 Nicolet rursus longo post tempore nomen
 Oblitum nauæ te præuante, vocant.

Cœlis, haud ullus nomen præsentius vsque
 Cum febris rigeant viscera, thure colit.
 Hoc quisquis merito veneratur honore sepulchrum,
 Sentiet exemplò subuenientis opem.
 Et dubitamus adhuc Albo te inscribere Divum?
 Nomine cessamus templa dicare tuo?
 Spiritus æternam sublatus in ætheris arcem,
 Affueris fructus nectare & ambrosia.
 Inde fauens nostris pronas accommodat aures,
 Supplicij frustra ne pia vota cadant.
 Huc ades, ô dubijs protektor maxime rebus,
 Verbaque pro patris prospera funde focis.
 Pelle famem, pestisque luem, bellumque cœuentum,
 Pelle simulates, pelle & auaritiam.
 Nec fortunam equidem fugimus, quæcunque ferenda.
 Ista fatemur enim promeruisse mala.
 At meritis, precibusque tuis penite favorem
 Fidimus, ut feriat mitior ira scelus.

Hactenus elegia non inelegans, à
 viro nobilissimo Martis iuxta, Ap-
 pollinisque, ac Musarum alumno
 edita, atque Illustrissimo Reue-
 rendissimoque D. Octavio Parau-
 cino S. R. E. Patri purpurato, San-
 ctissimæque Sedi ad Heluetios Le-
 gato dedicata.



INDEX CAPITVM
TOTIVS OPERIS.
PARTIS PRIMAE.

- Cap. I. *Nicolai tempus, et solum
natalitium pag.* 1.
Cap. II. *Nicolai familia, & pa-
rentes.* 10.
Cap. III. *Prognostica sanctitatis
eius ante natiuitatē.* 15
Cap. IV. *Fonte Sacro abluatur
Nicolaus.* 20.
Cap. V. *Nicolai sancta pueritia.* 24
Cap. VI. *Eiusdem mira adolescē-
tiā.* 27.
Cap. VII. *Nicolai matrimoniū.* 33
Cap. VIII. *Nicolai militia.* 38.
Cap. IX. *Honores auersatur Ni-
colaus.* 42.
Cap. X. *Impugnatur ab hoste in-
fernali.* 47.
Cap. XI. *Ad altiore vite ratio-
nem Deus Nicolaum
vocat.* 54.

PAR-

INDEX

PARTIS SECVNDÆ.

- Cap. I. *Cum coniuge de vitæ mutatione deliberat.* 67.
- Cap. II. *Patriâ exire parat.* 74.
- Cap. III. *In patriam redit Nicolaus, vitamque omnis victus expertem orditur.* 82.
- Cap. IV. *Nicolao asceterium erigitur in eremo.* 90.
- Cap. V. *Sacellum Nicolai dedicatur, ac donis exornatur.* 95.
- Cap. VI. *Inedia viri Dei varijs experimentis probatur.* 100.
- Cap. VII. *Quo subsidio vitam tolerarit Nicolaus in tanta inedia.* 106.
- Cap. VIII. *Quotidianæ Nicolai exercitationes.* 112.
- Cap. IX. *Salubribus monitis Heluetios*

C A P I T V M.

*uetios populares suos
instruit.* 121.

Cap. X. *Viso mirabili instruitur
Nicolaus.* 129.

Cap. XI. *Insidias demonum Nico-
laus superat.* 136.

Cap. XII. *Nicolaus Deipara Vir-
ginem enixè colit.* 142.

Cap. XIII. *Occultas hominum ma-
chinationes agnoscit.*
146.

Cap. XIV. *Absentium, & futuro-
rum prognostes est Ni-
colaus.* 156.

Cap. XV. *Miracula Nicolai ante
mortem.* 177.

Cap. XVI. *Nicolai mors, ac sepul-
tura.* 185.

C. XVII. *Socius Nicolai in ere-
mo fuit Vdalricus no-
bilis Banarus.* 196.

C. XVIII. *Nicolai nepos, eiusdem
in eremo pius Succes-
sor.* 201.

PAR-

I N D E X

PARTIS TERTIAE.

- Cap. I. *Nicolaus statim post obitum apparet, & in sua imagine colitur.* 207.
- Cap. II. *Reliquiae Nicolai post eius obitum culta.* 212.
- Cap. III. *Nicolaus magnificentius conditur, et colitur a Magnatibus.* 223.
- Cap. IV. *De Nicolai canonizatione quid haecenus actum sit.* 336.
- Cap. V. *Vita Nicolai iam olim à varijs conscripta.* 146.
- Cap. VI. *Indigenarum encomijs Nicolaus celebratur.* 275.
- Cap. VII. *Nicolaus etiam exteros encomiastas habet.* 283.
- Cap. VIII. *Quid de Nicolao omnino censendum Petri Canisij iudicio.* 264.
- Cap. IX. *Etiam à Catholica fidei ad-*

CAPITVM.

*aduersarijs commenda-
tur Nicolaus. 306.*

Cap. X. *Posthuma Nicolai mira-
cula. X.*

Paragrophus I.

*Ad Nicolai tumbam cæci illuminan-
tur. 324.*

Parag. II.

Surdi audiunt. 328.

Parag. III.

Claudi ambulant. 331.

Parag. IV.

Moribundi resurgunt. 336.

Parag. V.

*Cephalalgici, epileptici, phrenetici
curantur. 345.*

Parag. VI.

*Calculo, stranguriâ, herniâ labo-
rantes liberantur. 349.*

Parag. VII.

Venena, ac veneficia pelluntur. 452.

INDEX

Parag. VIII.

Parturientibus subuenitur. 356.

Parag. IX.

Febrientes recreantur. 359.

Parag. X.

Animi, corporisue dolores mitigantur. 361.

Parag. XI.

Varij denique morbi curantur. 364.

FINIS.

